

(КОМУ)

А 88

0956

А. АБДЮКОВ

М Е Н А М Д Р У Г Ъ Я С И Ы Л Ы С Ъ П О В Е С Т Ъ



С (КОМИ)	80956
Л 88	

Лысков Ф.

Менам друвые
йынысь повесть.

и. 141с.

68 99
85 М

Д. Лыуров

МЕНАМ ДРУГЬЯС ЙЫЛЫСЬ ПОВЕСТЬ



КОМИ
КНИЖНОЙ
ИЗДАТЕЛЬСТВО
СЫКТЫВКАР

9 6 8

Справочно-
библиотечный отдел
Республиканской
детской библиотеки имени

Александр Лыуров — СССР писательяс союза член. Коми кыв вылын сійӧ йӧзӧдіс «Прӧстӧй йӧз» да «Зарни кияс» повестьяс, «Водзын любовь» висытъяслысь сборник. «Зарни кияс» повесть петалис и роч кыв вылын.

«Менам другъяс йылысь повестьын» автор тӧдмӧдӧ лыддысьсысьясӧс том зонъяскӧд да нывъяскӧд, кодъяслы Великой Отечественной война кадӧ ковмис венны гырысь сьӧкылдунъяс. Автор петкӧдлӧ, кызди фашистскӧй вӧрӧглы паныд тышын сӧвмӧны том сӧветскӧй воинъяс, кыптӧ налӧн война нуӧдан мастерствоыс да кортӧм «гӧстьяс» динӧ ненавистыс. Ыджыд места повестьын сетӧма и сӧветскӧй воинъяс костын дружбалы да отсасьӧмлы, мый сідз жӧ ворсіс тӧдчана роль враг вылын победа шедӧдӧмын.



*Сиа Зеленец сиктса менам
тшөтшъяяслөн да ёртъяслөн —
Анатолий да Алексей Лыковъ-
яслөн, Александр Аврамовлөн,
Иван Конаковлөн, Василий По-
толицынлөн, Александр Распу-
тинлөн югыд паметълы.*

ЗЭР ШЫ УЛЫН

Пемыд. Пöшти кок улын кисъмём öмидз рёма көрт пач. Сы вомысь усысь би югөръясыс востыма-сьöны-ворсьöны палатка öдзöслөн лапöд вылын. Ым-ралö шоныд, а кокъяслы, кодъяс нюжöдчöмаöсь көрт пач дорö, жар.

Лөнъ. Сöмын корсьюрö кывлö орчча нарвывсаяслөн вöтөн сёрнитём, горöдчылём, ымзём либö нырөн шкоркнитлём. Палатка стенъясö быттьö лыйлöны уна тысяча рогаткаысь. Тайö зэр. Сылөн öтмоза шарöдчöмыс быттьö баййöдлö: кывзан-кывзан, а сэсся аслад тöдлытöг унмовсян. Зэрыс заводитчис лун шөр гөгөр. А öнi уна-ö кадыс? Ме кыпöда киöс, медым öдзöс ла-

пöдын ворсысь би югöръяслөн вуджöрыс усис часі
циферблат вылö. Водз на. Куим час. Сідзкö, асыв.
Сідзкö, тайö зэрыс баййöдлö нин менö 15 час чöж.

Кос, шоньд. Куйлан плащ-палаткаөн вевттьöм
коз лапъяс вылын, ок кутшöм лöсьыд, быттьö гөн
вольпась улысад. А кутшöмджык менам ёртъяслы,
кодъяс колины сэтчö?

Ме заводита мöвпавны ёртъяс йылысь. Син водзö
öти бöрся мöд сувтöны налөн чужöмъясыс. Но зэр
баййöдлö и баййöдлö. Сьöктаммöны син лапъяс, став
тушаöй быттьö кокняммис, чиніс, а сэсся палаткаö
пырö мам, пуксьö нар вылö орччөн, сылөн чорыд
киясыс небыда инмöдчöны юрö...

И друг кодкö тракнитіс менсьым нарийöс.

Дрын!

Унзіль быттьö эз и вöвлы. Час куим, сідзкö, ой-
быртсьылöма. Тайö зарядкасö найö век заводитöны
квайт час асылын, öти здук сёрмытöг. Кокъяслы кö-
дзыд. Пач кусöма, а лöдсавны некодлы. Палаткаын
рöмыд: асья югыдыс писькöдчö неуна калькалöм
öдзöс лапöд костті, вевтö вöчöм нейджыд розьті.
Орчча наръяс вылын заводитісны вөрöшитчыны жö.
Кыліс мурöстöм:

— Лöдсалöй пачсö, коді матынджык!

— Коді медся том,— веськöдіс пач дорын
куйлысь.

Тайö инмис меным. Но дыш чеччыны шоньд шы-
нель улысь, ог на вөрззы, быттьöкö узя, весиг-шкорк-
нитла.

— Минута-мöд мысти сідз лöдсыштас, мый миян
торпыригным оз коль,— шыасис кодкö.

— Эн урсась,— вомалісны сійöс.

— Ог и урсась. Тэ, пехота, немтор он гөгөрво, а

ме артиллерист... Ошыбитчыштас кө, шуам, немецкөй наводчыкыс, сэк Берта * мөдөдас ассыс «чемодансө» буретш миян палатка ыылө.

— Эн кырлы сьөлөмөс! Передөвөйын ловъяөсь колим, а тани кувныд некодлы абу окота. Ойдөджык көть мед мөдөдисны тылө. И кутшөм лешак лөсьөдөма госпитальсө көрт туй станцияыскөд орччөн.

Бытьөкө тайө кывьяссө вынсьөдөм могысь, көнкө станцияладорын бара усис снаряд.

Дрын!

Дрөгнитисны нарьяс, палаткалөн стеньясыс сырмыштисны. И сэк жө миян динө пырис санитар, вайис пөртьясын рок, термосын чай. Сийө вөлі зэв кыввортөм олөма мужик. Пилоткаыс бытьөкө кымыньтөм пыж, сэтшөм ыджыд, суюөма пельясөдзыс, ватнөй куртка ылысас лөз халат, а обмоткиөн гартөм вөсньыдик кок черьясыс некыз эз лөсявны кузь американскөй ботинкиыскөд. Санитарлөн мыгөрыс и збыльысь мунис жель йылө пысалөм паренча ыылө, кызди шмонитлис гажа оласнога артиллерист. Но санитар тайөс эз пукты пыдди. Мый босьтан «висысьясельсысь». Найө өд кага кодьөсь, радейтөны кампужитчыны. Ачыс санитарыс, гашкө, вежон-мөд сайын на жө вөлі миян кодь «висысьсөн».

— Эй тэ, «нянька!»— кылис гажа артиллеристлөн гөлөс:— Яйсө бара ачыл сөйин, а меным сөмын рок? Он весьшөрө, видзөда да, лунысь-лун кыз.

— Дугды,— вомалис артиллеристөс орччөн куйлысыс...— Яйсө сөмын өбед дырйи сетывлөны. Мортыс вермас лөгасыны.

— А мем кутшөм мог сэтчөдз?— шыасис артилле-

* Берта — ылөдз лыйлысь немецкөй орудие.

рист.— Татшом «шрапнельды» оз кылав. «Нянька» оз жө гөгөрво вайны наркомовской сё граммсө.

И сэк друг санитар восьтис вомсө:

— Мөдлаын кутан юны наркомовскойсө. Завтрак бөрын тиянөс — ылыс тылө.

Гажа лои палаткаын. Кодсюрө весиг вунөдисны сөйөм йылысь. Мем вөлі гөгөрвоана налөн радлуныс: ранитчөм бөрын окопьясысь мынөм йөзлы окота өд-йөджык бурдны. А медым бурдны, такөдны ассыд парсасьөм ловтө, личөдыштны сутуга моз зэвтчөм нервьястө,— колө лөнин. А верман өмөй вөчны тайөс сэні, көні тэнад юр весьтти быд дас кык минут мысти лэбөны Берталөн пудъя снаряжьяс?

Санитар ноксьө кос песьясөн. Недыр мысти пачын заводитө гажая трачкөдчыны би. Палаткаын содтөд югыд.



Дрын!

Бара сыркмунісны наръяс, шлопнитіс палатка вевт, кодкө быттёо нетшыштліс сійёс да лэдзис бөр.

— Вот лешак! Вытьёй дзикөдз воши. Көть эськө өдйөджык нин поездө...

— Мыччы, сідзкө, «шрапнельтө» меным,— серөктіс артиллерист,— а ме поездсыс ассыым местаёс тэныд лишөда. Ме кольчча: летучкатө өд век сетөны луннас. Ачыл төдан...

— Талун воас водзджык,— шыасис санитар.— Пемыднас на. Öдйөджык завтракайтө.

Сійө заводитіс киставны чай. Кузь да вөсныдик ускыс төкөтёо эз көтась киссысь чайнас. Чукырөсь да щөть кодь тошка чужөмыс зэв стрөг: зільө, медым ни өти чай войт эз веськав кружкаясысь бокө.

А со и сестра. Сійө муртса эз пөрөд пач дорө лажыньтчөм санитарөс: сэтшөм тэрыба пырис.

— Ставөн сөйинныд? Мыйөн помасяс налёт, кутам грузитчыны. Эн нюжмасьёй. Ті ставныд «кокаөсь», санитаръяс оз ковны?

— Оз. Ставнымөс эвакуируйтанныд?

— Рөд вылас колям жө,— нюмъялө сестра да индө ме вылө.— Со этійёс, зөлөта писө. Видзам сэтчөдз, кытчөдз сылөн ус-тошкыс оз мыччысь. Татшөм зонкасыд немечыл оз жө повззы-а...

Палатка стеньяс сырмөны серамысь. Бур, мый абу сэтшөм югыд да оз төдчы менам гөрдөдөмөй. Окота водзөс мынтыны сестралы, но ог ышты: ме өд тайө армейскөй госпиталяс сөмын на сутки. А сестра, быттёо нарошнө, оз и думайт өвсьыны:

— Қызди сөмын немечыслөн кыптөма кыс та вылө, зөлөта пи вылас?

Бара ызөбтіс серам. Ме лөгысь видзөдлі сестра

вылө... и пыр жө воши став скөрлунöй. Сійö вöли ме кодь кымын жö арлыда. Плащ капюшон увсьыс тыдаліс гöгрöсіник чужöм, код вылын тöдчисны сöмын гырысь синъяс. Рöмыдысла сöмын оз вот тыдавны, кутшöм рöмаöсь. Но ме зэв бура аддзи медся главнöйсö: найö эз серавны ни дэльöдны, быттьö вöліны мöд мортлөн.

— Эн скөрмы. Тадзи колö,— небыдика шуис сестра да видліс бинтуйтöм пельпомöс:— Ёнтö? Сёйыштан да — пыр жö операционнöй палатаö. Санитарыс индас.

Мыйöн сестра петіс палаткаысь, орччөн куйлысь сусед тувкис меным бокö, бара заводитіс дзайгыны, но сідз, медым некод эз кывлы:

— Мый тэд сысь? Ус ни тош на абу. А меным эськö кутшöма згöдитчис.

Мыйлакö вöлі зывök видзöдны суседлөн кос тшак кодь чукурöсь чужöм вылö, кöні прамöй быдмöгыс, не кö артавны некымын кузь сіяс ныр увсьыс, эз жö вöв. Но ещö на ёна эз воны сьöлöм вылö синъясыс. Ичöтикöсь, пыдö вöйöмаöсь, оз видзöдны веськыда, а век кыйкъялöны öтарö-мöдарö, быттьö корсьöны мыйкö сöтыштны.

— Тэнад чужöмьд ладенечлөн кодь жö,— бытшки ме.

Кор ме ранитчи, тылö колльöдігөн ёртъяс козьналісны трофейнöй бритва, кöть эськö сійö колö вöлі меным сідз жö, кызди, шуам, му ошлы öчки. Безопаснöй бритва зэв мича чехол пытшкын. И кор тайö пöдаркисö казяліс менам виль сусед, воштіс весиг унсö. Быд здукö долис сы йылысь. И öні со бара.

— Мый нö сэтшöма жалитан?— шöпкис сійö.— Тэ том, омöля на ранитчöмьд. Бара коркö трофейсыдла

ветлан. А менө, гашкө, демобилизуйтасны. Воа гор-
тө — и некутшөм трофей. Юрьяндзим...

— Коліс гоз-мөдысь атакаө ветлыны,— скөрми
ме.— Сэки эськө немецкөй окопө дзик колин кодсө-
кө: юртө либө яндзимтө. Гөгөрвоин? Чөртыс мед тэнө
босьтас! Гөгөрво: пөдарки.

И збыльысь, не кө тайө, гашкө, эськө и сеті брит-
васө. Мый мем сыысь?

Матыстчис санитар:

— Мөдім, пиук, операционнөйө.

Ме тайөс некыз нин эг вермы терпитны. Öти-
тор — сестра, томиник, гашкө, мекөд тшөтшъя ныв, и
дзик мөдтор — радөвөй санитар, кодөс сідз нин ним-
төны жель йылын паренчаөн.

Некытчө туйтөм асыв! А луннас ещө мый вермас
лоны?

Чеччышти нар вылысь, горөді гөлөс ортөдз:

— Кутшөм пиук? Тіян водзын гвардияса сер-
жант! Яснө?

Бара ызөбтіс серам. Но санитар зөв збыльысь
веськөдіс, кызди вермис, асьыс мышкыртчөм мыгөр-
сө, колснитіс американскөй ботинки коклябөрнас:

— Яснө, гвардияса сержант ёрт!

Бөрынджык чорыда ковмис каитчыны таысь. Оз
весьшөрө шуны: «Кывйид абу пышкай, лэдзин кө, он
кут».

Водзвылын катласис-восьлаліс санитар. Ме лө-
гысь видзөді сылөн ваткыльтөм вылө, пельясөдзыс
вөйөм пилотка вылас, сартас кодь вөсньыдик кокъяс
вылас. Ещө өд салдатөн шусьө!

И сэки жө кажитчис, быттьөкө ветласногыс зөв
төдса. Öд менам бать ветлөдлө дзик жө тадзи, өтарө-
мөдарө неуна катласигтыр, быттьө сэки кокныдджык

шыблавны водзё пёрысьмыштём кокъяссё. Окота лон юавны, кымын арёс санитарлы, кытысь сійё, дыр-ё нин тані. Но вермис өмөй вөчны тайёс гвардияса сержант, коді сөмын на здук-мөд сайын чиршөдліс водзвылын восьлалысь мортсө?!

Чатөрті юрөс. Кобөма. Қыптём төв чашйис кымөръяс, вөтліс налысь лестукъяссё рытиввывлань. Шувгис вөр. Пуяс увті мунигөн лысваыс көтөдіс миянөс.

— Мед көть эз коб лун шөр гөгөрөдзис,— шога ышловзис санитар да ме моз жө чатөртчыліс небесалань.— Сэзьмө... Вєськыд мат. Енмыс вунөдіс, буракө, миянөс.

— Окота ньөдздыны зэр улас,— дөзмөмөн шуи ме.— Вєськавлін мед татшөм сись поводдянас передөвөйө...

— Вернө, пиук, гвардияса сержант ёрт. Но өд быдөңлөн, кыдз шуасны, аслас дөрөмыс яй бердас матынджык. Миян тані делөясыс мөд пөлөсөсь. Қолө раненөйясөс тылө мөдөдны...

— Зэрыс отсалас али мый?— серөкті ме.

Но санитар сөмын дөзмөмөн өвтыштіс кинас, бытьөкө көсийс ылөджык вештыштны мешайтчысь синтөм кычипиөс.

* * *

Операционнөй палата — брезентысь вөчөм ыджыд шалаш. Мукөдъяс моз жө дзєбсьөма пожөм пуяс улө. Сэні весиг эмөсь ичөтик өшиньяс. Көрт трубаысь вералөмөн кайө югыд тшын: ваймөдөны пачсө. Ломтөны сөмын войын. Санитар вошис палатка өдзөс сайө, эг кольччы сыысь и ме. Порог воськовтөм бө-

рын веськалі ичөтик вежөсө, көні пукалісны немын ранитчөм боец.

Пөтөлөкас өшалысь неиджыд электрической лампа дышпырысь югдөдіс вежөссө, көні нинөм эз вөв, скамья, юан ва тыра бачок да кружка кындзи. Став «висысыяслөн», тадзи шуоны ранитчөм быд мортос госпитальын, видзөдласьясыс веськөдчисны ме вылө. Здравыйтчи, пукси тшөтш.

— Көні кокыштісны?— юаліс орччөн пукалысь.— Перевязка вылө? Виччысьыштны ковмас: аддзан, өчередь.

Ме эг удит вочавидзны: пыдысь петіс менам санитар, сы бөрся сестра, но эз сійө, коді воліс миян палаткаө. Тайө вөлі стрөг чужөма олөма нывбаба. Косіник кузь тушаа, гырысь кияса. Синкымъясыс едждыдөсь, кызөсь. Нырыс ёсь да кузь. Вом доръясыс вөснийсь, кельыдөсь, сэні эз төдчы весиг вир чут. Син гуранъясыс лөзөсь. Сійө видзөдліс пукалысьяс вылө, чукөстіс:

— Зарубин, ме бөрся!

Пыри пемыд вежөсө. Сійө вөлі ёна ыджыдджык воддзасьыс. Ныртө веськыда косяліс йодоформлөн, эфирлөн да карболкалөн өтсора дук. Шөрас сулаліс клеёнкаөн вевттьөм кузь пызан. Сыкөд пөшти орччөн ещө өти, сөмын ичөтджык. Мыйыс сөмын сэні эз вөв: клещияс, веськыд и чукля шыранъяс, пилаяс, пуртьяс, весиг стамеска. И ставныс найө көдзыда лөсталісны электрической лампалөн югөр улын. Синъясөй эз вермыны вешыны на вылысь. Од ставсө тайөс лөсьөдөма меным. Көнкө вежөрын чужис полөм, коді пыр чорыдджыка и чорыдджыка шымыртіс менө, весиг кок кусыньясөй слабитісны. Усины дум вылө миян палаткаса артиллеристьяслөн кывьясыс:

«Докторыдлы мый? Видзёдлас писькөдөм сой вылад, кватитас пила, жик — и, видзөдан да, ловъя сойыд тазыйн нин туплясьö. Оз ков ноксыны-лечитны. Дай налы практика. Öнi öд госпиталяд мөдөдасны кутшөмкө студентөс, а ми сийөс докторөн ыдждөдлам...»

Полігтыр видзөдлі гөгөр. Но некөн вундалөм ки ни кок эз вөвны. Сөмын эмалированной тазыйн тыдалісны вирөсь вата лестукъяс. Но та вылө видзөдтөг. морөсын ставыс кутіс гудрасьны, сьөлөмөн уси.

— Мыйла менө первой? Сэні öд öчередь...

— Гвардияса сержантъяслы некутшөм öчередь,— шмонитыштіс еджыд халата да сэтшөм жө шапкаа олөма мужичөй. Ме эг вермы кольны аслам паметьö сылысь чужөмсö, помнита сөмын шоныд видзөдлас, мудзөм нюм да небыд, но ён чуныяс. А сэк кості сестра, кыв ни джын шутөг, вөчис асьыс уджсö: пөрччөдіс ме вылысь гимнастёрка, заводитіс разявны вирөн йиджтысьөм да косьмөм бинтъяс. Қымын вөсняліс рана весьтсьыс бинт слөйыс, сымын лоис сьөкыджык меным. А сестралы веськодь. Разьö и разьö. Со нин бинтыс кутіс сибдавны, быд сибдалігөн ёнтышті сьөлөм. Вежсьывны кө сыкөд местаөн, ок эськө ме и кульышті жө сестра сойысь бинттö! Öдвакө эмось этійö кос воблаыслөн нервьясыд, сылысь көть ки пөвсö со эсийö югьялысь пиланас дзижгы — оз ружөктыв.

Помасис бинт. Со нин коліс сөмын тампон. Бергөдчи мөдарө, медым не аддзывны нетшыштөмсö.

И друг... пемдіс син водзын. А кор бөр югдіс, ме водзын сулаліс нин врач. Сийö видлаліс пельпомысь дойсö.

— Вот тадз. Ковмас перйыны көрт торсö.

Сідзкө, бара мучитчыны. Бинт разьөмсö öдва тер-

питі, а öні, гашкö, кутасны пєславны лыясöс со эсійö
клещинас.

— Оз ков, доктор, мед сэні олас. Кыдз шуасны,
казытылöм вылö. Сійö ньöти оз мешайт.

— Вот-вот, казытылöм вылад и ковмас перйыны.
Нуан гортад, быдöнлы кутан петкöдлыны. Менö
тшöтш, гашкö, казытыштан. Сöмын вот сетны абу
наркозсö? Терпитан?

И доктор сюся видзöдліс синъясö.

— Кынтыны киöс ог сет. Некутшöм наркоз оз ков.
Тöда ме тиянöс: кынтад, а сэсся пилаöн — жик!

Доктор гылыда серöктіс, эз вермы кутчысьны
нюмъөвтöмысь и сестра. Сöмын ме пукалі йөрш моз
щöтьöс лэптöмөн.

— Но мый нö, мед лоас тэ ног,— ышловзис док-
тор.— Сöмын пукав лöня, эн видзöд татчö.

Сэсся дзик мöд гөлöсөн шуис:

— Фиксация.

Пыр жö кодкö чорыда шамыртіс сойöс, мöд морт
кутіс мышсянь. Здук мысти ставыс эштіс, весиг эг
удитлы ойöстны. Доктор вайліс дзик ныр улö пин-
цетөн топöдöм ичöтик пуля, кодлөн нырыс вöлі не-
уна нальсьыштöма.

— Тэнад, гвардияса сержант,— нюммуніс док-
тор,— почётной рана — пулевöй. Немецкöй авто-
матысь. Матын вöлід насянь?

— Орччөн. А абу öмöй быд рана öткодь?— чуй-
ми ме.

— Быдсямаыс овлö.

Сэки ме эг пыдди пукты тайö кывъяссö. Сёрнитіг-
коста менö тöбисны бинтөн, доймöм киöс кöрталіс-
ны кынöм бердö да кышöдісны гимнастёркаöс. Кодкö

пельпом вылө плавкнитіс шынель. Доктор кисö мысь-
кигмоз шуис:

— Кык сутки чöж куйлыны. Сестра Огнёва, кол-
льöдöй зонсö: сійö заслужитіс тайöс.

Ме и öтнам верми зэв бура мунны. Гусьöникöн
чөвтлі видзöдласöс менö мучитысь сестра вылө. Гаш
кө чайтöны, мый зэв нимкодъ меным восьлавны этийö
воблаыскöд орччөн? Сэки кодкө инмöдчис дзоньви-
дза сойö. Бергöдчи. Вöлөмкө, дзик мөд сестра. Бу-
ретш сійö, коді асывнас воліс мян палаткаö. Долюд-
джык лои.

А ывлаыс прамöя нин югдöма. Асыввылын öзйис
кыа. Ещö недыр, и петас шонді, заводитас ворсöдчы-
ны пожöм йывъясын, малавны енэжті төвзъысь
еджыд кымөръяс.

А сынöдыс! Ыркыд, збодьөр, öвтö пожöм сирөн,
бакамач дукөн. Тайö ягас, дерт, тшакыд абу этша.
Эмөсь, төдöмысь, и дона гобъяс, кодъясöс ме радейт-
лі öктыны Эжва бердса гулыд ягъясысь.

Кытчö кольöма сійö кадыс? Коркө бара сюрлас оз
нин, коми ягъясöй, восьлавны тіян кыз яла вывті,
юны ёльясысь сөдз васö, лэптавны комъясöс вөр
юысь? Ок и муса жö тэ, чужан муой! Тэнö некод оз
вермы вежны, тэ öтнад век дум вылын. Со и öні —
восьлала палаткаяс костöд чуклялысь ордымті, а
мөвпъясöй ылынөсь, Эжва дорынөсь.

Водзвылын тотшсьöдö кирзөвöй сапөгъяса, шы-
неля да еджыд көсынkaa ныв. И кор сюсьджыка ви-
дзöдлан сы вылө, то позьö веськыда шуны: тайö ныв
вöснаыс косьмö сьөлöмыс оз öти зонлөн. И тайö ны-
лыслөн, дерт, частö петавлө юр пöлыс. Позьö öмöй
вунöдны этатшöм сөстөм чужөмсö, лөсьыдіник нырсö,

а медсясö нин эгатшöм синъяссö? Öнi ме казяли на-
лысь рöмсö: руд нисьö лöзоватöсь, абу зэв ёсьöсь ни
абу рамöсь. Донъявны кö менам мам ногөн: «Лы пы-
рыс вемыс тыдалö». А гашкö и ылалi. Дай, веськыда
кö шуны, мый меным наысь? Эжва бердса öти сик-
тын олö ныв, сылөн синъясыс...

Терпитны вермытöм дой ордiс мөвпалöмöс. Тö-
бöм пельпомöй заводитiс согчыны пыр ёнджыка и ён-
джыка. Быттьökö кулисны сэтысь кучиксö да пунктiс-
ны горчичник. Ме сувтовкери.

— Прöйдитас,— кылис сестралөн гөлöсыс.— Опе-
рация дырйиыд тэнад нервъясыд вöлины зэвтчöм
струна кодьöсь, налы не доймöмöдз вöли. А öнi лань-
тыштiсны. Терпитышт.

Мыйла сийö кылис менсьым дойсö? Гашкö, кельдö-
дi. Бара серавлыны кутасны. Но палаткаын некод эз
вöv. Тыдалö, ставныс нин мунöмаöсь санитарнöй ле-
тучка вылö. Мурч курччи пиньясöс, пукси вольпась
вылö. А ывласянь ныв гөлöс:

— Эн гажтöмчы! Регыд воас пополнение. Кутас
кö ёна висьны сойыд, волы перевязочнöйö. Туйсö
тöдан...

Ме горша кывзи, но сьölöм шонтысь гөлöс воши,
сöмын кылисны тэрыб кок шыяс, а сэссия и найö сы-
лисны-разалисны чöv-лөняс.

Гижны гортсаяслы письмö? Нюжöдi здоров киöс
вещöвöй мешöклань, но сийö эз вöv местаас. Эз тыдав
ни нар улын, ни ывлаын. Вот лешакыд! Тайö сусед-
лөн киподтуй. Чёрту трофейнöй бритваыс! Но сэнi вö-
лины дона йöзлөн фотокарточкаяс, еджыд бумага,
кодлы доныс танi абу. Гашкö, летучкаыс эз на мун,
гашкö, удайтчас аддзыны суседöс?

ГОЛОВЯШКИН

Неыджыд ордым петкөдіс вөрысь эрд вылө, ёма туй моз кутіс чуқлявны-муқлявны бадь кустьяс пөвстті. Сэссия гежаммисны и найө. А со и вагоньяс. Найөс торйөдіс меысь неыджыд веж кушин, кодөс серөдөмаөсь уна лыда гөгрөс тыяс. Öтиясын ваыс гөрд нуйт рөма, мөдьясын синва кодь, кытчө видзөдчөны шочиника төвзыьсь кымөрьяс.

Сөмын бөрынджык гөгөрвои, мый тайө югыд тыясыс Берта снаряжьясысь артмөм воронкаяс.

Кавшаси неыджыд насып вылө, матыстчи вагонлань, кодлөн осьса өдзөс дорын сулалісны некымын раненөй да сюся дзоргисны небесаө.

— Головяшкин эм абу?— юалі ме.

Некод эз вочавидз.

Локті мөд вагон дорө:

— Тіянкөд оз мун Головяшкин?

Кокас сьөкыда ранитчөм боец скөрысь горөдіс:

— Регыд ставөн гөлөвняяс лоам!

Кымын матыстчи состав шөрлань, сымын төждысьысьджыкөсь лоины ранитчөм салдатьяслөн чужөмьясыс, көрт тув моз ёся видзөдісны синьясыс Ёрччигсор шуасисны:

— Нарошнө лун шөрсө виччысьөны.

— Сэки өд лөсьыдджык лоө миянөс пызйыны...

— Ветламөй станцияса комендант дорас, сювсө каттям...

— Ёртьяс, спокойнөя!— горзіс вагоньяс пөлөн котөртиьсь еджыд халата нывбаба.— Туйыс пөчинитсьөма нин, регыд вөрзям.

— Головяшкин! Тіянкөд абу Головяшкин?— го-

рөдлі ме да өддзөдлі воськовъясөс: состав юрын пошкысь паровозөдз вөлі ылын на. Код төдас, гашкө, сійө медводдза вагонас.

И сэки жө менсьым гөлөсөс вевттис уна дас во-мысь горөдөм:

— Со найө!

Здук мысти насыпыс тырис вагонъясысь чеччалысь йөзөн. Öтияс кыкисны ас выланыс сьөкыда ранитчөмъясөс, мөдъяс катликтисны асьныс, коймөдъяс кыссисны бауөн, быгыльтчисны насып вывсянь матөджык кустъяслань, вөрлань. Вагон өдзөсъяс дорын пияна курөгъяс моз өтарө-мөдарө чепсасисны санитаръяс, сестраяс:

— Ёртъяс, спокойнөя; состав санитарнөй, вылі-сянь бура тыдалөны гөрд крестъяс...

— Төдам ми найөс, сестра, абу первойсы. Бурджык кувны вөльнөй свет вылас.

И сөмын сэки ме кылі моторъяслысь омлялөмсө. Шонділадорсянь, вөлөм, матыстчөны «юнкерсъяс» да первойсө эз тыдавын. Первойяыс на пиысь усис син улө сөмын сэки, кор юр вежөрө воис бомбалөн сьөлөмтө йиөн дсырьс шутөвтөмыс. Öти... Мөд... И пыр жө чеччыштліс муыс, быттьө көсйис тойыштны сы бердө топөдчөм йөзөс небесаын гуляйтысь смертьлы воча. Но тані вөліны опытнөй йөз. Со мыйла найө топыдджыка ляскысьлісны му бердө.

Гырысь калибра немецкөй пулемөтъяслөн увтчөмкөд да бомбаяс потласьөм шыкөд сорлассис «Дегтяревлөн» сөстөм гора гөлөсыс. Бөръя вагонлөн тормознөй площадка вывсянь лыйсисны поезд видзысь боецъяс. Дзик эшелон весьтті төвзыштіс «юнкерс», и сэк вагон стенъясысь резыштчисны весьт кузя ёсь чагъяс. «Дегтярев» ланьтіс. Но здук мысти насып

боксянь чепөйсисны некымын мыгөр. Тормозной площадка вылын тыдовтчисны бинтөн төбөм вөснаыс чалмаа кодь юра матрос да улыс дөрөма салдат. «Дегтярев» бара сетіс ассыс гөлөссө.

Вөрас пуясыс абу өткодьөсь, а кысь нин йөзид. Эз быдөн вермыны кутны асьнысө и өні. Шөйөвошөмъяс пиысь өткымынъяс эз кывзысьны өртьясныслысь, уськөдчисны неылын тыдалысь вөрлань, чайтисны спаситчыны сәні, но пыр жө веськалісны «юнкерсъясянь» киссьысь свинеч шер улө.

Өти пышйысьөс ме удиті кутны кок пөлөдыс. Сійө шмоткысис-усис, өрччыштіс, а кор пуляясыс орччөн кутісны оковны мусө, ланьтіс. Но ме аддзи, мый ловъя. Бомбалөн быд выль взрыв дырйи сійө гартыштчыліс өти комөкө, а бөрас, кор прөйдитіс пөсь сынөдлөн гыс, малаліс-видлаліс юрсө, кокъяссө, местаасөсь-ө найө.

Кор «юнкерсъяс» мунісны, ме сувті да видзөдлі бурджыка орччөн куйлысь вылө. Заводитлі сувтөдны кок йылас. Но сійө эз көсйы торйөдчыны муыскөд, сөмын ымзіс да гораа сыркъяліс. Муртса эг горөд шемөсмөмла: корси-корси, а со кысь аддзи! Тайө вөлі Головяшкин, мышкас пөжлөн кык вещьөвөй мешөк. Өтиыс — менам.

— Головяшкин, чеччы! — кватиті шошаөдыс.

Палаткаса вөвлөм суседлөн мисьтөм чужөм вывсынь видзөдісны төлктөм синьяс, вомсыс петіс орьясяна киргөм:

— Аддзылі ме ас синмөн: вагон стен пырыс яйыс резсьө...

— Бомбаыс прөйдитіс вагон пырыс. Господьөй! Мыджсис юрнас шпалас, а сәсся — би...

— Головяшкин! Вай менсым мешөксө!

— Кутшөм мешөк? О, господьой!

Кий лудис чорыда, но терпиті. Сөмын нетшышти ассым мешөкөс. Головашкин сьөкыда чеччис, лөгысь вежыньтіс вомсө:

— Тыдалө, тэнад мешөк вөсна и накажитіс менө енмыс. Этатшөм страк...

Ме сьөвзи да вешйи.

* * *

Ог нин помнит бура, кызди вои полевөй госпитальө, асланым палатка дорө. Сэні некод на эз вөв. Тані, гырысь пожөмъяс улын, кажитчис зэв лөнь, весиг эз кыв лыс лапъяслөн кышкөмыс, көть найө и вөрисны. Лои мыйлакө өбиднө: верст джын сайын сөмын на помасис вира драма, а татчөс олысьяслы быттьө веськодь.

Но збыльысьсө, дерт, эз вөв тадз. Сулаліс ылөг чөвлун: бомба потласьөм горө велалөм пельяс сьөкыда на кыйөны пыр кадся олөмлысь шыяссө. Прөйдитіс ещө неуна кад, и менам вежөрөдз вөлисти вонс пуяслөн шога шувгөмыс. Од и найө эз вермыны веськодя видзөдны нөсилкаясын вайөм вир-сермунөм йөз вылө, кодъяслөн өти кокыс вөлі нин ылыс тылса госпитальын... И со на пиысь уналы бөр ковмис бергөдчыны палаткаясө, медым пырысь-пыр жө бара водны клеёнкаөн вевттьөм пызан вылө, кытысь өткымынъяс, гашкө, оз и кыпөдчывны... Коді мыжа тасысь? Коді?

Ме эг нин өтчид веськавлы бомбөжка улө. Но сэні вөлі передөвөй, и эз сэтшөма шемөсмөдлы вежөртө, эз мучит ловтө.

Бура помнита первойя бомбитөм.

Тöлысь кык сайын мянöс, военно-пулемётной училищеса курсантьясöс, вайисны фронт вылö. Таодз фашистской самолётъяслысь силуэтъяссö аддзывлім сöмын училищеса стендъяс вылысь. И вот передö-вöйö вотодз на мян колонна вылö тöдлытöг вувзысисны сьод крестъяса кырнышъяс. Бöрынас мян пиысь унаөн интересөн видзöдалісны сöмын на артмём гырысь воронкаяс, кытчö йиджтысис-сöдзтысис трунда нуйтыс, видлалісны туплясьысь көрт торпыригъяс, кодъяс вöліны на пöсьöсь.

А кутшöм збодера ми видзöдлывлім öта-мöд вылö, быттьö көсйим ошйысьыштны: «Ньöти абу страшнö вöлöма». И збылысь, сійö здукас ми ньöти эг полöй: вежөрöдз эз на во лоөмторйыс. Öд ми аддзылім салдатъяслысь кулалөмсö сöмын кинокартинаяс вылысь.

И вот сэки синъяс зурасисны нöсилка вылö, кодöс нуисны нель курсант. Нöсилкаысь чурвидзис вирöссьöм бинтөн тöбөм килутш, корсюрö воліс пельöдз коньөр гөлöс:

— Юыштны... Юны... Вокъяс, юыштны...

И мыйлакö тыра пляга мыччөм пыдди ми сöмын шöйөвошөмөн видзöдім сы вылö.

Мöд нöсилка вывсянь видзöдісны гырдемöм синъяс, а курсантлөн зев тöдса вижөдөм чужöмыс дугдывтöг тешкодя нюкрасис. Кадысь кадö сійö öвтыштліс кинас да гораа киргис:

— Зонъяс, менам воюйтсис...

И эз позь гөгөрвоны, радліс али каитчис сійö. И ещö шемöсмöдіс мянöс, мый воюйтсис училищеса медбур запевало Ильинлөн, кодлы сöмын на тырис дас öкмыс арöс. Öд сійö эз на волы весиг передöвö-йöдзыс.

— Сайкав, Зарубин!— кодкө ньөжйөнник пуктіс сьөкыд кисө пельпом вылө.

— Видзөдлі: миян санитарным, пукалө палатка бокин, мекөд орччөн. Дзормыштөм кыз синкымъяс увсянь стрөг видзөдлас:

— Вөлін станцияас? Өні вунөдлы сы йылысь! Водзөссө косөдны удитан на. Тадзтө он бурд: чужө-мад вир-сер абу. Повзи: өтнад гораа сёрнитан... Война вылад, пиукөй, быдтор овлө, торйөн нин сэки, кор тэнад вөрөгыд фашист. Пыр палаткаад, шойчышт...

Лоис яндзим. Коді эськө менам ёртъяс пиысь кужис мөвпыштны, мый гвардияса сержант Юра Зарубин вермас пөрны ветьөкө?

БАРА АДДЗЫСИСНЫ

Палаткаын мекөд өтилаын олісны выль йөз нин. Өтияс на пиысь лөсьөдчисны ылыс тылса госпитальясө, мөдъяс ме моз жө лечитчисны тані, медем регыджык бөр веськавны асланыс частьясө. Найө дугдывтөг висьтавлісны, кыдзи да көні ранитчөмаось, кутшөм бойясө петавлөмаось. Вөлі гөгөрвоана, мый тайө йөзыс сэтшөм частьасысьсөсь, кодъяс вөлөмаось миянкөд орччөн августовскөй наступлениеын. Вөлі гөгөрвоана и сійө, мый миян фронтлөн водзө мунөмыс лаймалөма-кусөма да весиг торъя частьясөс вөрөг кытшалөма.

— Эзджык тырмы вынным,— гаралис олөма сал-

дат.— Кылö нин вöли Ленинградскöй фронтлөн шыыс.
Ещё кö эськö неуна и...

— Зато сталинградсаяслы отсалім,— дорйыштчис ёсь гөлöса сержант.— Кымын дивизия сійö татчö вайис сэтысь! Не кö тайö выль выныс, эськö дзик öт-лаасим Ленинградскöй фронтыдкöд да.

— Коркö, гашкö, Сталинград дорйысьяс казы-тыштасны мянöс бур кылөн...

А палатка мöд пельöсын висьтавлісны салдатскöй анекдотьяс:

—...Скöрысла докторыд ку пиас оз төр. Коді пö оз во передöвöйысь, сійö пö и киас либö кокас ранитчöма... А öти салдат сылы и вочавидзö: «Менö, военврач ёрт, ордйöдіс зон— киняулас орöм юрсö топöдöма. Эз шыödчыв тiян дінö?»

— Тайötö мый, вот мян старшина...

Но мый налөн старшинаныс вöчöма, ме эг кöсйы кывзыны, петі Бойцовкöд гуляйтыштны. Бойцов — мекöд тшötшъя салдат, кыськö Ярославскöй областысь. Ранитчöма киас жö. Ми сыкöд пыр и тöдмасим: том йöзтö тай пырджык кыскö öта-мöд дінас.

Бойцов — нейджыд тушаа, зумыд тэчаса зон. Пöшти на быгавтöм турунвиж пилотка увсьыс чур-видзöны зу кодь чорыд да смоль сьöd юрсияс. Синъясыс тэрыбось, сьödось жö. И чужöмыс мугов. Чиган пи дай ставыс. Сöмын нырыс ярославскöй — чангыля, кöть шынельтö öшöд.

Бойцов — гажа оласнога, варов зон. Веськыда висьтала: сылысь рöдвужсö, керка пытшкөссö, весиг сьöлөм косьтысьсö ме тöдмалі кымынкö рытөн. А медся интереснöя сійö висьтавліс аслас воуйтöм йылысь:

— Мыйөн воис мян маршевöй ротаным фронт

вылө, взводной меным шуо: «Красноармеец Бойцов, лоан менам ординарецон». Тодан, мый сийо лоо? А ме сылы: «Лейтенант ерт, Петька тожо воли Чапавлөн ординарецон». «Вот-вот, шуо, сэтшөмон и лоан». Недыр мысти пемдис. Немечьяс орччөнось. Взводной шуо, колө пө видзчысьны. А ме и сидзи видзчыся. Пукала ляпкыдик гуранторйын ськод орччөн, а мыйон немечьясладорсянь кутасны лэбны би кинь кодь пуляяс, пыр и лажгөдча, весиг взводнойлы окопас местаыс оз коль. Войнас, кыла, вайисны походной кухня. Взводной шуо: «Ветлы супла!» Мый вөчан, ординарецлы быть тождысь командир вөснайд, коть эськө окопсыд петныд и абу зэв окота да. Босьти кык котёлок, кыпөдчи бруствер вылө... Кыдзи тай швачкысис орччөн мина... Сэсся мөд... Ог помнит, кыдзи веськалі бөр окопө. Неуна сайкалі, кыла: кодкө ме улын вөрөшитчө. Сэсся тай кыдзи равөстас взводной: «Он аддзы али мый? Одва сьылдзирйөс эн бергөд». А ме сылы: «Сы вылө и ординарец, лейтенант ерт, медым ас тушанас командирөс смертьысь видзны». Серөктис сөмын, но супыдла бара ыстис. Көсий босьтны пөртьяс, а өти кийө оз нин уджав: мина торйыс веськалөма. Коді бара менам взводнойлы өні ординарецалө-а?

Частө корлісны Бойцовөс висьтавыны аслас воуйтөм йылысь. И палаткаын быд пөрийө сералисны кынөм висьмытөдзыс. А Бойцовлы тайө воліс сьөлөм вылас.

Вөлі сентябрь шөр. Зэръяс бөрын сувтис мича поводдя. Буретш вотчан кад. Лөсьыд татшөм каднас вөрын, торйон нин расьясын. Видзөдан корья пуяс вылө и кутшөм сөмын рөм он аддзыв. Зарни ар.

Ми восьлалім ордым кузя нейджыд юлань, кы-

тысь Бойцов кёсйис кыйны комъясёс. Сійö удитöма нин судзöдны вугыр. А сунисыд öд быд салдатлөн пилоткаас.

— Ок и юква лоас!— нимкодясис Бойцов.— А то пыр рок. Локтiгөн тшак вотыштам и. Жаритам. Кывтö нылыштан.

— А сё грамм йывсьыс вунöдiн? Пыр и тыдалö — тöрытъя колхозник...

— Босьтöй тшöтш!— шыасис миянлы воча чотликасьысь морт.— Ме вуграсьнытö кужа жö.

— Воанныд кö йир дорöдзыс,— вочавидзис Бойцов.— Сійö öд госпитальнöй пывсян сайын на.

— Менам вөлöй ён,— петкөдлiс асьыс сера бедьсö тöдтөм раненöй.— Сы отсөгөн луннас станцияöдз куим рейс вöчла.

Паныдасьысь морт вöли лётчик формаа. Петлицаясас нель треугольник. Но тасмаыс командирскöй, портупеяа. Лöсталысь хромövöй сапөгъяс. Та вöсна сылөн вöсньыдик, но винёв тушаыс кажитчис ещö нин лададжыкөн, синмö шыбитчанаөн. Пемыдлöз пилоткасö лэдзöма пöшти веськыд пель йылас, тыдöдöма шуйгаладорсьыс чав еджыд юрсисö. Синъясыс быттьö турунвиж рöмаöсь, вежөрaöсь, но корсюрö наянсь. Кысь ме аддзыли тайö синъяссö? И гөрба нырыс тöдса.

— Гена? Тэ?

— Эк, воканöй!— уськөдчис мелань лётчик-старшина...— Чайтi, мый вунöдöмыд нин.

Ми вель дыр сулалiм шы ни тöv. Гена сöмын паськыда нюмъялис, и тайö нюмыс шонтiс менсьым морöсöс, вөрзьöдiс сьөлөмöс. Абу вежсьöма, век на важкодъыс. Но мыйла юрсиыс татшöм? Дзик еджыд? Краситöма али мый?

Бойцов восьлаліс водзын. Ми вѳтчим сы бѳрся. Гена ордым кузя, а ме сыкѳд орччѳн. Гена тувччаліс бѳдь вылас чорыда мыджсьѳмѳн, медем вештыштны тушаыслысь сьѳктасѳ ранитчѳм шуйга кок вывсьыс. Дугдывтѳг юасис менсьым чужан сикт йылысь, тѳд-саяс йылысь, батыс йылысь, Сыктывкар йылысь. Ме гусьѳник видзѳдлывлі сылѳн юрси вылѳ да сьѳлѳм топавмѳн виччыси, юалас оз сійѳ Валя йылысь. Но Гена, тыдалѳ, вунѳдѳма тайѳ нимсѳ, ньѳтчид эз гарыштлы. Гашкѳ, аслым заводитны? Абу лѳсьыд. Колѳкѳ, на костті котѳртіс сьѳд кань. Ѳд гортысь мунѳм бѳрын колис нин во джын.

А со и ю, сійѳ писькѳдчѳ гырысь бадь кустьяс да ловпуйс костѳд, ворсѳдчигмоз нуѳ налысь уна рѳма корьяссѳ. Ваыс сѳдз. Визувинас тыдалѳны ньѳтѳн эжсьыштѳм колодаяс, изьяс. Қор видзѳдан, ваыс кажитчѳ гѳрдѳватѳн, а гумовтан сѳддзад — кѳдзыд эзысьѳн исковтѳ чуньяс косттіыд.

Ю сайын видзьяс. Найѳ коркѳ, дерт, гажая шыавлѳмаѳсь. А ѳні оз тыдав некѳн покос туй. Пѳрысьмѳм кузь туруныс ляскысьѳма му бердѳ. Сѳмын кѳнсьюрѳ тыдалѳны арся дзоридзьяс да васѳдінъясын вежѳдѳ толич-эжѳр. Нора сулалысь воймѳм да нѳрласьѳм зорѳд пиньяс казытылѳны, мый коркѳ тан пуктысьлѳмаѳсь жѳ.

— Ок-ок-ок!— ышловзис вуграсьысь Бойцов.— Гажтѳмчѳ виддзыс, бѳрдѳ кыз синваѳн... Но ѳд кѳзьяиныс абу мыжа...

Бойцовлѳн сьѳд синьясас тѳдчис сьѳлѳмтѳ чѳпѳльтысь шог. Тыдалѳ, мѳвпьясыс сылѳн вѳліны ылынѳсь — лѳбалісны чужан сиктса видзьяс да ыбьяс весьтын.

— Тані неылын эм сикт,— быттѳ аслыс висьта-

ліс сійо.— Йёзыс сэні зэв этша кольёма. Эвакуи-
руйтчылёмаось. Быть: немеч Тихвинодз воліс. Но и
бёрсё абу на ставыс чукөрмёмаось. Сёрниті өти
пöлькөд. Гөститөдіс менө сакарнөй свеклөөн. Дивө,
гөгөр вөр да нюр, а сакарнөй свеклө быдмө... Ме
чайтлі, мый вөдитөны сійөс сөмын Украинаын. Быд-
тор жө чужө да быдмө миян мати-му вылын! Сы
вөсна и горшасьөны сы вылө. А горш мортыд век
виньдывлө. Тадз жө и пöльыд меным шуис: пом-
нитлы пө, пиук. Дерт, ковмас пө Гитлерыдлы бөр
усйысьны Наполеонлы моз. Ме и чутки пöльöлы:
«А он полөй? Колөкө бара ковмас усйысьны тась:
немечыд орчча». А пöльыд скөрмис быдөн: «Воис не-
мечыд Волга дорөдз, а ми сійөс Синявиноса нюръ-
ясын нөшалім. Сідзкө, эм на миян вынным. А тэ ещө
шуан мыйкө!»

Ок и видіс жө менө! Но век жө синва петмөн
жаль: мыйта добра весьшөрө вошө-прөпадайтө...
А коді мыжа таысь?— Бойцов чөв усис да неуна ру-
асьём синъяснас кутіс видзөдны таб вылө. И лоис
кызкө зэв нелөсьыд сьөлөм выланым, көть эськө не-
бесасянь дзоргис шонді да гөгөр шыалісны лэ-
бачьяс.

Эз дэбөд. Бойцов чөвтіс вугырсө өтилаө, мөдлаө,
ветліс орчча йірөдз, но чери некөн эз видлы.

— Старшина ёрт!— шыасис друг Бойцов Гена
дінө.— Позьө юавны өтитор?

— Мый?

— Помнитанныд, вөвлі войнаөдзыс миян кино-
фильм? Уськөдчисны сэн миян вылө фашистьяс. А ми
тай кызды нырыштім найөс! И танкьяс, и самолётъ-
яс — мыйыс сөмын миян абу. И өти боец эз усь весиг
миян...

— Сійö фантазия...

— Фантазия?— скöрмис Бойцов.— Мыйла йöзсö ылöдлыны? Öнi со ставыс мöдарö. Фашистскöй лётчик юртö оз лэдз кыпöдны, а мян ни öти самолёт. И танкъяс оз тыдавы. Öбиднö.

Гена зiлис кежöдны сёрнисö мöдарö, та могысь юалис ярославльса зонлысь, кутшöмджык участокын воуйтiс, но мöдыс, тыдалö, дзикöдз дöзмис:

— Участок! Кутшöмкö тай нюрын келалим-а, нырөн трундасö гöрим. Ме эськö, гашкö, эг на мун сэтысь, да лейтенант ыстiс. Пöсь вывсьыд пö оз доймы, а бöрынджык пö пöгибö воан. Но и мунi. Чайтi, сэтшöм пöрадокыс. А, вöлöмкö, позьö и доймöм йöзлы тышкасьны...

— Эз öмöй висьтавлыны та йылысь запаснöй полкад?— чуймис Гена.

— Сэни тöлысьсö эг олöй. Сöмын öтчыд нуöd-лисны стрельбище вылö, а граната весиг киö эз сетлыны...

— Бойцов, тэысь лоö бур боец,— стрöга шуис Гена.— Кыдзи тэнö шуöны?

— Алексей.

— Алексей, ёнасö эн шыблась кывъяснад: кадыс абу сэтшöм. Гөгөрвоан?

— Дерт.

— А кодi мыжа ставсьыс, тöдмалам роксö панялöм бöрын. Интереснö, мыйла тэнö та дырасö армияс эз босьтны? Тэ öд мянкöд тшöтшъя.

— Бронь. Бригадиралi колхозын. А сэсся вöзйыси: ветла, мися, да тöдмала, мыйла лэдзисны фашистöс Волга дорöдз, лöсьöда пöрадок, а то и мян сиктöдз воас. Ок-ок-ок... Кыдзи бара öнi сэни метöг олöны-а?

Гена паськыда нюмдіс. Бойцов сюся видзёдліс старшина вылө, юаліс:

— Тешкодь. Синкымъясыд тіян съёдось, а юриныд еджыд...

Гена эз вочавидз, чатөртчис небесалань.

Здук мысти пельөдз воис моторьяслөн шы, а сэссия тыдовтчисны и самолётгьяс... Муніс воздушной бой. Сунласиг да гөгралігтыр миянлань локтісны куим самолёт. Но эз на позь гөгөрвоны, кодьяс миян, а кодьяс налөн.

— «Харрикейнөс»¹ кокалоны кык мессер,— дрөжжитан гөлөсөн медводз шыасис Гена.— Ак, стержояс!

Өні бура нин тыдалісны куимнан самолётыс, небесаын быттьө косявлісны дөра — кыліс пулемётгьясысь лыйсьөм шы, тыдалісны трассирующей пуляслөн туйясыс. Кык «мессершмидт» чишьялісны съөкыда лэбалысь «харрикейн» гөгөр, кокалісны сійөс быд боксянь.

И мыйла сійө оз усь? Өд «харрикейныс», дерт нин, лоис пож кодь.

Бойцовлөн калькнитөм вома чужөм вывтис визувтис пөсь, быттьөкө сійө ачыс пукаліс «харрикейн» кабинаын, а Гена весиг вунөдіс ранитчөм кок йывсьыс, сулаліс бедь вылас мыджсьытөг, сөмын корсюрө пыркмунлісны сылөн пельпомгьясыс.

— Пилотыс опытной,— шуаліс Гена,— а то эськө важөн нин «мессергьяслы» вөчныс вөлі нинөм. Вокө, кутчысь! Өтиыс бөрсяныд матыстчө...

¹ Английской истребитель. Найөс вайлісны Отечественной войналөн первой вояс Англиясысь. Тайө машинасыс вөліны өна ньөжмыдджыкөсь да укшальбөсь «мессершмидтгьяс» серти.

«Харрикейнын» пукалысь лётчик быттьокö кыліс тайос, крута шыбитіс самолётсö бокö, «мессершмидт» живкнитіс сы дінті, а сэсса, öтарö-мöдарö тешкодя шыбласигтыр, бергöдчис рытиввывлань да неокотапырысь кутіс лэччыны пыр увлань и увлань.

— Молодеч, воканö,—горзіс Гена.— Öтик эм! Виччысь мöдсьыс!..

Но öні, тыдалö, лётчик эз кыв муывса корректировщиклысь кывъяссö, эз удит вöчны некутшöм маневр, и мöд «мессершмидтыс» пöшти дінсяныс лыйліс сійöс. Гөрд звездаа машина быттьö шöйöвошлі, сэсса веськöдчис мулань, лёк ног омлялысь моторысь тыдовтчис тшын, сэсса би... И сэк жö самолётысь торъяліс неыджыд ёкмыль.

— Ловъя!—горöдіс Гена.— Эк, воканö, чеччышт затыжнöйöн, а то кокалас...

«Мессершмидт» и збылысь эновтіс ыпъялысь «харрикейнöс» да уськöдчис лётчик бöрся, коді из моз усис мулань. Недыр мысти восьтöм парашют саяліс вөр сайö.

— Оз вермы лоны, медым тайö сөкöлыс пöгибнитіс,—кывкөрталіс Гена.— Ас. «Харрикейн» вылын кык «мессерлы» воча.

— Да ещö öтисö уськөдіс,—радпырысь содтіс Бойцов.

— Фашист вермас на и вуджны фронт вомöн. Став сертиыс тöдчö, мый сійö сьöкыда ранитчис,—веськөдіс Гена.— Ветлам. Юыслөн эсійö чукыль саяс усис лётчикыс...

Медводзын котөрөн сорөн муніс Бойцов. Ми восьлалім Генакöд орччөн, кыв ни джын шутөг. Со Бойцов воис ю чукыльö, сувтовкерис, сэсса кутіс öвтчыны кинас.

Ю чукыльö воём бöрын, сэтысь, кöни сулаліс госпитальлөн пывсяныс, аддзим йöз чукөр.

Ме некор на эг аддзыв асыясöс. Дерт, көнкө, тайö лётчыкыс öбликнас Чкалов либö Бабушкин кодь ён, ыджыд тушаа, дзормыны заводитöм юрсияса, морöс тырыс орденъяс. А кутшöма пегіс менам дивöйй, кор йöз кытшті писькөдчöм бöрын аддзи парашют куполлөн шöвк вылын куйлысь комбинезона том мортöс. Русов юрси пратьясыс кольчаясөн лясöмаöсь гожьявтöмысла еджыд плешкас, ныр улас öдва тöдчыштö ус модаа гөн, неуна лöзöдыштöм син лапьясыс пöдсаöсь.

Йöз сулалісны чöv, эз вештывны синьяссö зонлөн быгыд чужöм вылысь, мөвпнас тэрмөдлісны пидзöсчаныөн ноксысь врачöс, сестраöс, кодьяс удитöмаöсь нин воны госпитальысь.

— Куим рана,— быттьö аслыс моз шуис врач.— И ставыс зэв серьёзнойöсь. Дивö, кызди вермис шыбитчыны кабинасыс...

— И дзик му бердас восьтыны парашют,— содтіс Гена.

Лётчиклөн син лапьясыс друг воссисны. Первойсö артмисны неыджыд потасьяс, кытысь тыдовтчисны чусыда югьялысь син аканьяс, сэсся миян вылö видзөдлісны дзик чөдлач кодь рамник синьяс.

Кыліс чукөрөн ышловзьöм.

Лётчик зілис мыйкө висьтавны, но гөлöсыс вöлі сэтшöм лөнъ, мый сестралы ковмис копыртчыны сывом весьтö.

— Мый висьталіс?— терпитны вермытөг юаліс Гена.

— Колө пö юөртны частьö, мый ставыс пöра-
докын.

Да. Тані вöлі кутшöмкö тайна, кодöс том лётчик
поліс нуны аскöдыс, но и эз кöсйы висьтавыны
миянлы.

— А-а... мать твою!— друг горöдіс лётчик да ку-
тіс пессыны, чужöмыс ещö на кельдöдіс, шармунöм
синьясыс лёкыс кодзлалісны.— Колька, веськыдла-
дорад «мессер»... Колька, кылан, «мессер»... Сöt,
Колька, сöt! Ой, мамö!..

Врач индіс госпитальлань. Здук мысти лигышму-
нöм лётчикöс санитаръяс видзчысьöмөн нуисны нин
нöсилка вылын.

Пывсьыны öчередь виччысьысь раненöйяс вель
дыр пукалісны шемöс.

— Татшöмьясыдлы кö дöверитан техникатö, ре-
гыд нинöмтöг колям,—кыліс кодлөнкö дзуртан гö-
лöс. Ме видзöдлі гөгөр, и пыр жö усис син улö кос
тшак моз вежыньмунöм чужöма менам вöвлöм су-
седöй, Головяшкин. Кöсйи нин вомавыны сійöс, но орö-
діс Гена:

— А Уралыс мый вылö? Тэ, дядя, чайтан, мый тэ
сöмын воуйтан? Тылсаяслы ёнджыка вичмö: пра-
мöя сөйтöг ни узьтöг мырсьöны.

— Вернö,—шыасис гырысь сьöd усьяса да бин-
төн тöбöм юра олöма боец,— мем гортысь письмö
воис... Сьökыд öні... Сэні и тані. Техникаыд оз
тырмы и. Морьякъясöс пехотаö ыстöны. Миянкöд орч-
чөн воуйтіс бригада, ставныс морьякъяс.

— Ме пехотаын жö ранитчи,—шыасис Гена.—
А коркö этійö зонмыс моз жö лэбавлі...

— И сы моз жö гылавлін?—бара дзуртыштіс
Головяшкин:—Мамтö чуксавлін... Воякаяс!

Мыйла колö вöли вöчны тадзисö? Гашкö, Головяшкин кöсйис шмонитыштны том салдатъяс вылын, чайтис, мый тані унджыкыс олöма йöз да лöбны сы дор жö. Но öд лöсвятöминад шуöм кывйыд дойдö срысь на ёна. Сідзи и лоис. Геналөн быгаліс чужöмыс, сійö кыпöдіс бедьсö:

— А тэ, сволочь, лэбавлін «харрикейн» вылас?

— Ме кути Генаöс, но сійö мынтöдчис да öжгис бедьнас Головяшкинлы.

— Эн тышкась!— чирöстис мöдыс.— Он лысьт, кöть и старшина! Фронт вылад небось «мамö» на горзін...

— Ме кöсйи нин уськöдчыны Головяшкин вылö, но менö пановтис бинтуйтöм юра съод усьяса олöма салдат:

— А тэ аддзылін, кызди Мга дорын «мамö» горзысьясыс ветлісны атакаö? Эн?..

Тайö кывъяс бöрас менам вöвлöм суседöй тутіс муас. А олöма боец бергöдчис йöзлань, чышкыштис веськыд кисö гимнастёрка бöж дорас, копыртчыліс:

— Прöститöй, ёртъяс! Судитöй, коді тані мыжа...

— Эз-ö нин кув трофейникыд,— серöктис Бойцов да уськöдчис век на мыр бокун куйлысь дінö.— Но-о... видзöдтö, мешöкыс потöма.

Головяшкин звирк сувтис кок йылас. Тайö и вузалис сійöс. Ёсь мырйö крукасьлöм бöрын орöм мешöксыс сявкмуніны часіяс, компасъяс, бритвеннöй приборъяс, карті колодаяс.

Тані вöліны и немецкöй штамповкаяс, и Кировскöй заводлөн, и «Павел-буре» маркаа часіяс. Но медся нин зывöкөн вöліны веж турун вылын туплясьыс трофейнöй пеж открыткаяс да карточкаяс.

Головяшкин сулаліс кулём нисё ловъя. Тодчис, кызди вочасөн виждө чужомыс, ёсьмө нырыс.

— Со вөлөм мыйла оз торйөдчыв мешөкыскөд!

— Мародер!

— Кодлы война, а кодлы...

Рапенөйяс колөкө-и косявлісны Головяшкинөс, но дорйис бара жө съөд уска боецыс:

— Менө прөститід? Прөститөй и сійөс! Видзөд-лам, мый шуас трибунал.

— Кысь сылы та мында часыс? Ме лыдди — кызь гөгөр,— шензис Бойцов.— И мый шуас сылы, старшина ёрт, трибуналыс?

— А шуас со мый: на тэныд өкмыс грамм дай ло сэтшөмөн жө, кодъяс мешөкыс босьталін тайө добрасө,— вочавидзис Гена.

АБУ ÖД БЫДÖН ÖТКОДЬ

Полевөй госпитальса йөз пöшти эз вешйывны патка дорысь, көні вөліс операционнөй. Но немтор эз отсав,— том лётчик-истребитель куліс, кыз шуасны, хирурглөн пурт улын. Сійө жө лунас Головяшкинөс судитіс трибунал. И медся лөсявтөмөн кажитчис сійө, мый найө вөлөмаөсь землякъяс — кыкнаныс Вологодскөй областысь, лётчик Жуков — Усть-Ужнаысь, Головяшкин — Грязовецысь.

Салдат унаысь аддзывлө кулөмтө, сы вылө сійө и воин. Но тайө кык пөлөс смертыс веськыда пузувтісны ловсө госпитальса быд олысьлысь.

— Абу весьшөрө шулөмаөсь миян пөляс: вöрын и

пуяс абу өткодьюсь,— такөдіс мянөс палаткаса санитар, кодөс вөлөмкө ыдждөдлөны Кузьмичөн.

— Ветлөдлісны өти земля-мати вывті, лолалісны өти сынөдөн. И на тэныд. Отиыс ассьыс том сьөлөмсө сетіс народнөй делө вөсна, сувтіс кувлытөмьяс радө. Святөй морт. А мөдыс? Порсьыд нййттө век нин аддзас. Куйлы лөк пон моз пемыд гуын — вевттьөд ни туйөд, некодсянь некор бур кыв, рөдняыд весиг өткажитчас...

— Кузьмич, а мыйла Головяшкиныс сэки эз эвакуируйтчы,— юалі ме.

— Коли пө эшелонсьыс. Комиссар водзын нидзув моз кысьясис, но и прөститісны. Онія йөз көть и стрөгөсь да льөгөсердөсь, а оз тай со век удайтчыв ваө моз видзөдлынытө. Менө пөрысь понйөс тшөтш ылөдліс.

Кузьмич ланьтіс. Сылөн чужөмыс кажитчис ешө нин пөрысьджыкөн. Эз веськодя вермы видзөдны и сійө госпитальын бөрья лоөмтор вылас.

Вөлі шойччан час, өбед бөр. Кузьмич, Бойцов да ме пукалім пывсянсянь неылын тшынөн ломалысь неыджыд бипур дорын, код весьтын өшаліс пөрт. Сэні пусис тшак, кодөс ми Бойцовкөд чукөртім орчча верөтя вылысь.

— Вөр-ваас сы мында озырлун, а пөльзуйтчыны некодлы,— ышловзис каллянсө өгырөн өзтіг Кузьмич.— Сөйөй-юөй, өзьян синьясөй, менам пиянөй, чөсмасьөй өти кока порсь яйөн. Регыд өд ковмас торйөдчыны. Ті мунанныд, а ме... Төрыт Семёнович (госпитальса главнөй врач) сідз и тадз видлаліс менө: өтлаын пө нин ковмас тэа-меалы война кустөдзыс служитны. Позьө, дерт, и пышйыны, да ог төд, көнөсь мяян сапөрьясным. Тыдалө, фронтлөн мөд

участокö вуджодöмаось. А веськалан кутшöмкö стрöг командир дорö — янöдас да бөр мододас. А сэсся öд тані кодлыкö уджавнысö колö жö: том йöзöс он сувтöд.

— Госпитальсьыс öмöй пышъялöны жö?— чуймис Бойцов.

— А тэныд, боец Бойцов,— стрöга шуис Кузьмич,— кымынысь индылöма: эн лукйысь. Лудö — сідзкö, бурдö.

Йöзасьöм Бойцов нетшыштіс здоровöй кисö бинт увсьыс, нурбыльтіс:

— Видлы тэ терпитны! Бытьö сё той.

— А пышйылöны и татысь,— водзö нуöдіс помавтöм мөвпсö Кузьмич.— Неважөн на öти старшина вурыштіс, а ранаясыс сöзасьтöмөсь на вöліны. Тöрыт сысянь воис письмö: воюйта пö важ ёртъяскöд öт-лаын. Эмось и сэтшöмьяс, кодьяс мунöны тöлкөн-ладөн, но мырдөн вöзйысьöны. Öні со сестраныд тиян, Огнева, инас оз öшйы — вöзйысьö жö передөвöйö. Комиссарöс пöгибö воштіс. Кок шонтысьыс Надяяс-лөн сәні али мый?

— Ми нö тані либö мыйла бовъялам?— скөрмис Бойцов.— Нывьяс и то...

— Бур вöвлөн доныс оз усь,— меліа видзöдліс сы вылö Кузьмич.— Тиян, боец Бойцов, гвардияса сержант ёрткöд ранаясыд абу прöстöйöсь, пуляыс лыястö тшöтш горснитöма... Лечитчыны ковмас, вын-эбös чукöртны. А передөвöйыд тиянысь оз на пышйы.

Кывсö паръяс костас топöдöмөн Бойцов босьталіс булькйысь пöртйысь шактарсö. Паньыс сылөн — бы-дөнлөн вежыс петас. Аллюминийысь вöчöма, паськыд лопта, колскан кö öшлы плешкас, и то сюр каяс. Та-тшöм жö пань сійö козьналіс меным. Визув оласнога,

ичётсяньыс быдтор вöчны велалöм тайö зонмыс эз вермы овны весь. Менö тшöтш новлöдліс муяс вывтi, гöститöдіс пöжалöм картупельöн, сахарной свеклö-ысь да турипувйысь пуöм рокöн.

А кор ми ветлім усьöм «харрихейн» дорö, сэсь Бойцов чукöртiс быд ногыс пергылясьöм алюминий торъяс.

— Мыйла?— юалі ме.

— Аддзан регыд,— нюммунис сійö.

А рытнас Бойцов козьналіс меным пань. Вöлöмкö, инас öшйывтöм мортыд лöсьöдöма госпиталь пывсян дорö лу* да вöчалö паньяссö сывдöм алюминийысь.

Миян да орча палаткаясса раненöйяс зэв пыдди пуктiсны сылысь козиньяссö. Но öнi фабрикаыс сылөн сулаліс: эз вöв сырьё. И Бойцов ас кejas, тöдöмысь, кевмис, мед уськөдісны ещö öти самолёт, сöмын, дерт, эз миянлысь, а фашистьяслысь. Сэки эськө став госпитальыс пондiс сёйны сылөн паньясөн. И сöмын öти мортлы эз ло сьölöм сертиыс сылөн козиныс.

Медбөрьяөн вöчöм паньсö Бойцов вöзйис менам земляклы — старшина Юранёвлы. Гена видлаліс сійöс гөгөрбок, весиг заводитліс суйны вомас, сэсья наяна видзöдліс мастерлөн радысла ыргөн таз моз лöсталысь чужöм вылö да шуис:

— И татшöм добрасö вöчин тэ, ки пöла инвалид?

Бойцов эз гөгөрво, ошкө али сералö сійöс старшина, но сьölöмыс мортыдлөн топавлыштiс:

— Мем отсасисны банщикьяс...

* Лыа ящикö вöчöм форма, кытчö кисьтöны металлсö сывдöм бöрас.

— А-а... Но вот мый, тані эмось танкистьяс, налы и сет. Лётчиклы татшөм груз босьтны сьорсыс оз позь: самолётыс оз вермы кыпөдчыны мусыс. А танкистьяслы згөдитчас кувалда пыдди.

Та бөрын мян мастер эз на матыстчыв Гена динө.

— Коз пуувса яй пусис!— гораа серөктис өни Бойцов да босьтис пөртсө мөтыр йылысь. Öвтыштис сэтшөм чөскыд көрөн, мый өдва верми кутны дуль ваөс. Да мый и дзеднысө: мянлы, том йөзлы, эз вөв тырмымөн госпитальса паёк. Та вөсна жө и жөвъявливлим ми Бойцовкөд муяс вывти.

Терпитны вермытөг видзөдим Кузьмич вылө, коді кыскис гач зепсыс рузумөн гартыштөм нянь тор. Гожъялөмысла сьөд, бадь кырсь рөма кыз чуныяснас сийө видзчысьөмөн юкис нянь торсө куим пельө. Сэсся перйис обмотки увсыс Бойцовлысь бур козинсө.

— Добра!— сорвасө паньыштөм бөрын нюлыштис вом дорьяссө да ошкис Кузьмич.

— Обмоткиыс?— быттё эз гөгөрво, юалис серам пыр Бойцов.

— А мый көть и обмоткиыс?— дөзмис Кузьмич.— Гражданскөй дырйи ветлим нинкөмөн. Обмоткиа ботинкыд сэки, пиукөй, вөлі веж петкөдлан торйөн...

— Шуан жө!— эз өвсы Бойцов.— Видлы асывнас ки пөвнад гартны. Тьфу! А тревога кө? Юралы лөсыд: шурснитис сапөгтө — и ставыс. Сы ыджда страна, а салдатлы сапөг оз вермыны сетны.

— Ныр увсыд төд!— вомалис сийөс Кузьмич.— Көсьян гвардиякөд рөдвужасыны. Гвардияса сер-

жант ёрт — юнкер, öнiя ног курсант. Сылөн со и петлицаясы зарни кантъясаёсь...

Ме, дерт, гөгөрвои, мыйын делöйс. Санитар ко-сöдiс «водзöс». И öнi меным лои яндзим Кузьмич вы-лын неважөн ыджыдалöмысь.

— Разь обмоткиястö,— шуи Бойцовлы да не-тшыштi кокъясысь еджыд дöра кодьöдз вушйöм гö-леньяса кирза сапöгъясöс.— На, новлы!

Коньöр Бойцовлөн паньыс кисьыс муртса эз усь, тшак ваыс киссис гимнастёрка морöс вылас.

«Эк тэ, Алёшка, Алёшка, сöстöм лов!»— окота вöли горöдны сылы, но кутчыси.

— Тöv воас да кватитчан, Алексей,— гарыштіс Кузьмич.— Видлы сапöгнад кыссыны, тырыс лым пырас. А öнi? Веськалан нюрö, нюйтсö тырыс жö гумовтан. А кöтасьöм кока салдатыд, ачыд тöдан, абу нин боец. Обмоткинад жö, майбыр: кокыд век кос да кокныдджык. Сöмын ті, гвардияса сержант ёрт, бөр сапöгасьöй.

Сэки ме мövпыштi, мый Кузьмич, буракö, тöдö нин курсантъяслөн бойö ветлöм йылысь. Мирыд-лысь öд вомсö он тупкы. Весиг сёйны эз кут ковны, небыд шондiа луныс кутiс кажитчыны сьöдөн.

— Кузьмич, водзö кежлö вунöдöй менсьым кузь титулöс. Ми танi ставным висьысьяс,— шуи и эг тöд асьым гөлöсöс. Сійö петiс быттö кыскö гу пытш-кысь.

Санитар стрöга видзöдліс ме вылö сук синкымъ-яс увсяньыс, пунктiс паньсö муö да перйис тасмаас öшöдöм салдатскöй фляга, кодкөд сійö некор-эз торйöдчыв.

— Та вöсна, пиукъяс, абу грек и этійöс вид-лыны.

Разис вевтсö, солькйöдлыштис флягасö да кись-таліс сэтысь кружкаясö, сэсса неуна сöдзöдыштис фляга вевтас да видзöдöмөн пуктис муас.

— Сорлавтöм. Но сійö миянлы бурджык на, а немечлы лёк, кызд Пётр Великий шулöма.

Друг муыс миян улысь быттьö вөрзыштліс, сэсса кутис сырмыны, ёна сёрöнджык нин пельясöдз воис быттьö ылын гымалöм шы.

— Инас оз öшйы. Бара со бомбитö станция: полö выль вын вайöмысь. Давай, пиукöй, юам сы вöсна, медым водзö вылö тйян пияныд да внукъясыд кывлісны сöмын сэтшöм гым, коді вайö быдөнлы колана зэр. Ми регыд торйöдчам. Помнитöй, пиукъя-яс: лёк слава смертиысь омöльджык.

Бөръя тостыс кучкис меным сьөлöмö, но Кузьмич синъяс серти немтор эз позь гөгөрвоны, и ме босьті тшöтш ассьым кружкаöс.

— А эсійöс коді юас?— Бойцов индіс фляга вевт вылö.

— Роч му вылын эм обычай,— Кузьмичлөн тöдчымөн вежсис гөлöсыс, синъясыс быттьö руалісны.— Қазытыштам паметсьö Жуковлысь — миян сөкөллесь...

И пыр жö син водзö сувтіс ляк баддя нюр, кытчö колисны нэм кежлас унаөн училищеса менам ёртъяс пиысь. И ме эг коль кружкаö ни öти войт.

— А, тöданныд, лёк славаыд абу буртор,— друг заводитис Бойцов.— Тэнад землякыд, Юра, командир-пилаыд, вöвлöм лётчикыд висьталіс миян сестралы — Надялы: миянöс пö ныр вылö усьтöдз муртса эз сконъявны суседьяс. А ещö пö гвардеецьяс. Мөдім пö жмитны-дзескөдны немецöс рытиввыв-лань, а, кватитчим да, суседным — гвардейскöй ба-

тальян — сылома. Вөлөмкө, гвардеецъясид повзью-маось да коклябөрнысө фашисты петкөдлөмаось. Та вөсна командир-пилаыд аслас йөзыскөд өдва абу пленө шедөма... Ха-ха-ха...

Менам морөс пытшкын быттьө мыйкө орис. Од делөыс эз вөв сідз, эз вөв сідз... «А тэ, Алексей, эскан быд сөрөмыслы да сералан... Сералан? Код вылын? Сметанин вылын? Вагин вылын? Ротаса командир Костенко вылын? На тэныд!» Быттьө кокныда и өвтышти, а Алексей нюжөдчис бипур бокө.

Ас вуйө вои Кузьмичлөн клещи кодь чабырын, видзөдлі Бойцов вылө: сійө пукаліс нин да няйтөсь кулакнас чышкаліс синвасө.

— Эн лысьт серавны на вылын, он кө төд, кызди вөлі!— горөді ме.

— А кызди збыльысьсө вөлі?— Кузьмич меліа видзөдіс синъясө.— Восьты, пиук, сьөлөмтө, юксы шогнад. Кокньодас. Измөма тэнад сьөлөмыд, пиук...

Тайө кывъясыс дзикөдз лигышмунөдісны менө, но ме верми на кутчысьны, медым не бөрддзыны кокниа петысь синваөн.

— Кызди вөлі збыльысьсө? Тайө заводитчис сійө лунас... Ті, Кузьмич, асьныд төдад. Стөчджыка кө шуны, тавося, 1942-өд вося август 28-өд лунө, корми, волховчана, первойысь видлім орөдны Ленинград гөгөр блокадасө. И медводдза радъясын мунісны курсантскөй батальонъяс. Налы усис шуд йирны немецъяслысь, кызди гижөны газетъясын, джуджыда эшелонируйтөм да бура крепитөм оборонасө. И курсантъяс вөчисны тайөс. А висьтавыны кө став йывсьыс, кызди вөлі делөыс...

— Но мый нө, пиук, ми кывзам,— шуышти Кузьмич.

БОЙВОДЗВЫВСА ВОЙ

(Зарубинлөн первой висьт)

Землянкаын гөвкъялө табак тшын. Наръяс вылын куйлөны өта-мөд динас топөдчөмөн, пукалөны, коді кытчө веськалөма,— боецъяс. Көть найө и мудзось, но узыөны этшаөн. Кылө лөня варгөм, коді кадысь кадө орлө серамөн. Пызан сайын, көні лампа пыдди сотчө телефон кабель, кодсюрө гижөны письмөяс.

Кысь нө узьяс, кор дивизия сутки саяс нин вөтлөдзескөдө немецъясөс рытывывлань, а миянлы эз на сюрлы ни өтчидысь лыйны. Ми — мөд эшелонынөс. Чайтам, мый аския луныс ваяс вежсьөмьяс. Виччысям сійөс, сьөлөм оз инась местаө..

Окота лоис петавны ывлаө, лолыштны сөстөм сынөдөн. Чеччи нар вылысь, кокъяс пыр жө веськалісны наръяс улө йиджтысьөм ваө. Весиг пөрадок радейтысь немецъяс абу вермөмаөсь мынтөдчыны тайө нуйт кодь трунда васысь. Сөмын на некымын час сайын тайө жө землянкаыс вөлі налөн юр сюянінөн.

Ыркыд войся сынөдыс кажитчис торйөн нин чөскыдөн, лөсыда пальөдіс юр. Орча землянкаын, көні вөлі мөд взвод, бриньөдчис-ворсіс гитара. Кодлөнкө негора гөлөсыс отсасис сылы:

В полдневный жар в долине Дагестана
С свинцом в груди лежал недвижим я,
Глубокая еще дымилась рана,
По капле кровь сочилась моя.

Романслөн шог кывъясыс паськалісны да вошисны сьөкыда вугралысь пуйас пөвстө, чужтісны шот



мөвпъяс, кодъяс чеплялөны сьөлөмтө, гудралөны ловтө. И, тыдалө, буретш та вöсна романсыс воис кодсюрöлы сьөлөм вылас. Со öтка гөлöс динö öтлаасис мөд, коймөд, сьылөм гораммис:

И снился мне сияющий огнями
Вечерний пир в родимой стороне.
Меж юных жен, увенчанных цветами,
Шёл разговор весёлый обо мне.

Сьылөмсö вевттис кыз гөлöс:

— Дугдöй! Бара сентиментсö заводитисны... Мещанство!

Сьылөм куси, гитара бриньгөм шы улö кодкө збодера вочавидзис:

— Кысь тэныд торйöдны классикасö мещанствоысь! Тайö — Лермонтов.

— Сийö татшөм нярганторъястö эз гижлы,—

падъяліс кыз гөлөса.—«Белеет парус», «Прощай, немытая Россия», «Кинжал»...

— Ок и солдафон!—гажаа серөктіс воддза гөлөсыс.— Колө тәдмасыны сылән став творчествоән, а сәсся вөлисти ныртө суйны.

Ме вешйи землянка дорысь Лермонтовөс радейтысь гөлөсыяс шы улын:

И снилась ей долина Дагестана...

Неылын кодъяскө нума-намакылісны. Сәсся яр кодзув моз өзйыліс би, көть, тыдалө, кодкө и куритчис чигаркасө соскас дзевбөмөн.

— Код сәні дурө?— стрөга юалі.

— Тайө ме, Юра,— кыліс Сметанинлөн гөлөсыс.— Вунөдчи. Ылын на немечөдзыд, оз аддзы. Дай быд чигарка би вылө минайд оз вичмы, көть эськө сійө и став Европасө грабитіс.

Сергей Сметанин — менам земляк. Эжва бокса орчча сиктысь. Училищеын ськөд вөлім өти взводынөсь жө. Сметанин неыджыд тушаа, көлөб кодь гөгрөс да сөстөм чужөма, дженьыда шырөм еджыл юрсиа. Велькалөма училищеө велькыда гортсянныс, среднёй школа помалөм мысти, бөрья, тувсов призыв дырйи. Ме пукси сы дорө. Сән жө куйліс Вагин — барьёв кокьяса, тэрыб вөрасьяса да зев варов зон. Сійө эз вөв мян училищеысь, а, буракө, Куйбышевскөйысь либө Пуховическөйысь. Но тайө кык зонмыс куим сутки чөжөн, дивизияө воөм бөрыннин, лоисны быттьө вокьясөн. Ме весиг неуна велькөкті Сметанинөс. Найө водзө нуөдісны ассыныс орлөм сёрнисө.

— А өні мян идралөны урожай,— шуис Сметанин.

— И миян тшөтш,— содтіс Вагин.

— Кольөм во,— водзө нуөдіс Сергей,— ме ытшки няньсө машинаөн. Ок и мудзан лунтырнад! А рытнас мыссян, вежсян, нуръясьыштан — и гуляйтны. Асъядорнас воан гортад, сутшкысян вольпасьö...

— ...А асывнас чеччынытö!— содтіс Вагин.— Кымыныськö чуксавласны жö... Быдөн скөрмылан мам вылад.

— Да,— ышловзис Сергей.— Öні кö эськö...

Миянсянь верст сайын кымын то сэні, то тані, сап пемыдсö поткөдлігтыр, небесаö качлісны ракетаяс да, быгид югөр койиг, ньөжйөнник лэччылісны увлань. Быттьö сьод войсьыс повзьөм пон, эрыштчас немецкөй пулемёт, трассирующөй пуляяс би киньяс моз визьнитлөны, сэсся сылөны-вошөны. Сэні передөвөй. Миян дивизияса орчча полк, немецьяслысь оборонасö пузь-пазь вөчөм бөрын, өдйө зырис найөс луннас рытиввылө, öні шойччө муö кодйысьөмөн, медым югдөм бөрын писькөдчыны водзө. Сэні миян кодь жö том зонъяс, төдөмысь, мөвпалөны аскиа лун йывсьыс... Öнөдз делөыс муніс бура. Враг эз виччысь татшөм чорыда кучкөмсö да, ассьыс дойяссö нюліг, лёкысь ыршасиг да эргиг, коляліс рубеж бөрся рубеж. Ни артиллериялөн би, ни дугдывтөг дзуртысь «ишакъяс»*, ни небесаын öшалысь «мессерьяс» да «юнкерсьяс» эз вермыны сувтөдны гвардейскөй значокъяса том зонъясөс, кодьяс воисны татчө страналөн пöшти быд пельөсьясянь öти мөвпөн: орөдны Ленинград голя вылысь вөрөглысь джаг гөрөдсö.

Зонъяс мунісны пыр водзө и водзө, быттьö эз ка-

* Немецьяслөн квайт ствола миномётъяс.

зьявлыны ни ассыныс дойяснысö, ни мудзöмсö, ни ёртъясылысь, кодъяскöд неважён на панясысны öти пöртйысь, вошöмсö. А найö, бөръяясыс, аддзывтöм мыджöдö крукасьöм бöрын, сунлісны-усьлісны, шымыртлісны трунда сора тайö курыд мусö, коді эз нин вöв сэтшöм лышкыдён да меліён, но коді налы вöлі сэтшöм жö донаён, коланаён да мусаён, кызди и чужан сиктгөгöрса муясыс да видзясыс. Шымыртлісны и ланьтлісны рытывыввлань юрөн, быттьö тайö вöлі налы медся бур козинён, кодöс дасьтліс олöмыс. Найö куйлісны вөрзёдчывтöг, лоёмтор вылас некодлы норасьтöг, веж рöма паськөмнас ньöти жö эз шыбитчыны синмö, кызди лёк бушколён нетшыштöм да луд вылö шыблалём коръяс, кодъяс недырмысти лоасны муён жö...

Медым вöтлыны тайö шог мөвпъяссö, заводиті кывзысьны ёртъяслөн сёрниö.

— Лёкторъяд бара оз ков велöдны,— надзöник батйöдліс кывъяссö Сметанин.— Со кöть этійö табаксö босьтам. Восьмина öдва тырмö лун кежлö.

— А ме сöмын на велöдча,— вочавидзис Вагин.— Кöть талун жö шыбита. Да табаксö жалита: старшина сетö, а кытчö воштан?

— Тшынася сизимöд во,— ошйысьöмөн моз шуис Сметанин.— Видлы шыбитны, кор став сывьясад нин йиджöма. А велöдліс менö суседлөн пиыс. Ок, и шыш вöвліс... Батыслысь табаксö гусявліс, да сэтшöм сюся! Емён писькөдас пыдöссö да быд восьминаысь неунаён босьтö.

Ме быдми батытöг. Йöзыдлысь век куритны яндзим. Со и босьта вöлі гусьöник мамлысь деньгасö. Но сылөн öд быд көпейка лыддьöма. Ок, и сюрлявліс жö меным! Сійён и юрсійй шоч, тыдалö.

Локта школаысь либõ ворсанінысь, сэки мамõ меным: «Восьтыв вомтõ!» Восьта, ог лысьт весиг лолыштны. А сійõ: «Мыйла чесноксõ сёйин? Чайтан, ог гõгõрво. Пызан сайын сійõс рõд вомад он босьтлы-а...» И заводитчас! Сэсса, быдмышті да, эновтчис. Сэсянь и тшынася. Но мам син водзын — енмõй видз. Вõлі локтасны другъяс, куритõны гортын, а ме ог. Мам дырйи чигарка õзтылі сõмын армияõ мунігõн, да и то гажа юрõн. Со неважõн училищеõ гортысь воис посылка. Ичõтик сэтшõм ящик, гартыштõма дõраõн... И мый, чайтан, сәні вõлі?

Сметанин сувтовкерліс, виччысис, мый шуас Вагин, но мõдыс чõв оліс.

— Махорка. Дас пачка. Видзõдтõ, ме гижлі тõдсаяслы, мый училищын вердõны бура, но табак кузя делõыс збыльысь табак. Со и гõгõрво сэсса найõс, мамъястõ...

Сметанин ланьтіс. Сійõ пукаліс юрсõ õшõдõмõн, вõрзъывтõг, быттьõкõ поліс, мый весиг неыджыд тõвру вермас разõдны сы син водзысь тайõ ылыс да муса серпасъяссõ.

Менам ёртъяслõн каска мыгõръясыс заводитісны тõдчыны небеса фон вылын. Сідзкõ, югдандор. И збыльысь, юр весьтын õшалысь кодзувъяс лоисны пыр чусыдджыкõсь и чусыдджыкõсь. Сõмын на пысь õти, коді вõлі дзик вõртас дорас, яра пõртмасис лõзоват рõмõн. Кор видзõдан сы вылõ, мукõд кодзувъясыс быттьõ сылõны-вошõны, а мыйõн видзõдластõ вештыштан неуна бокõ, пыр жõ аддзан уна мукõдъяссõ, кõtь налõн югõрыс õдва-õдва писькõдчис татчõдз.

Весиг сизима кодзувлõн кõшыс õдва чусаліс,

сійос позис казавны сөмын бөжсяныыс неылын ярджыка оэйысь Войвыв кодзув серти.

Со кодзувъяс пиысь өти, ас бөрсяыс биа бөж колиг, мөдөдчис мулань и здук мысти воши. Окота төдны, кытчө сійө төвзё, мыйла? Сэки мем дум вылө усины пөчөлөн висьтъясыс. Сы ног артмыліс: быд мортлөн — аслас кодзув, коді чужө тэкөд и кусө тэнад олөмкөд тшөтш.

И эг өтчид, пемыд арся войясө өшинь дінын пукалигөн, либө төлын уличаын сулалигөн, ме корсьлы ассым кодзулөс. И со өні, передөвөйсянь неылын улыыс му вылын куйлігөн, челядьдырся моз жө зіля корсьны сійөс. Но тайөс вөчныс абу кокныд: кодзувъяс омөля торъялісны өга-мөдсьыс. Но өд эскыны кө пөчөлы, то сійө, менам другөй, небесаас көнкө эм жө. Гашкө, этайө менам, коді тай со неуна гөрд рөма? А, гашкө, эсійө өдва төдчысь кодзулыс? А, колөкө, со тайө — усъысьыс, бөжаыс?

— Вот эськө кыпөдчывны сэтчө,— гораа шусис менам.

— Кытчө?— чуймис Сметанин, но кор аддзис небесалань индысь киөс, пыр жө водзө нуөдіс менсьым мөвпөс:— Тэа-меа, Юра, эг на пуксьылөй весиг самолөтө. Но коркө век жө видзөдлам, эм абу сэні, небесаас, енмыс.

— Эк, мөвпъяс, мөвпъяс,— ышловзис Вагин,— кытчө сөмын ті онө вайөдлөй мянөс! А кутшөм эськө гажтөм вөлі олөмыс, шуам, морт кө эз вермы мөвпавны, ветлыны думнас мукөд планетаяс вылө. Сергей, колөкө, өні кутшөмкө ылыс планета вылын, но көть, шуам, со эсійө пуйывса дзирдалысь чут вылас, татшөм жө вөрын ми моз куйлөны куим зон да виччысьөны аския лунсө, медым...

Но Сметанин вомалис ассыс ёртсö:

— А тэ качöдчыв сэтчö. Вермас лоны, мый сэнi коммунизм нин. Кольччан... А ми танi Юракöд кутам тодмышкавны фашистъясöс.

— А мый? И качöдчыла!— скöрмис Вагин.

— Первой видзöдлы ныр улад, мый сесь аддзан. Кортöм гöстъясöс! Öнi колö налысь сьылiдзирсö бергöдны. А вселеннöяд коркö, дерт, кыпöдчасны...

Котöртiс асья тöвру, шарöдчыштiс пипу коръясөн, гылöдiс на вылысь лысвасö. Öти войт веськалiс киö, ва туй колиг визувтiс-усис муö.

Босьтiс йирмөг. Ёртъяслы, буракö, тшöтш ыркыд лои. Землянка öдзöс дорö вотöдз Вагин друг юалис:

— А гортад письмöястö гижид?

— Мыйла?— вочавидзис Сергей.— Мамъяслы шогыс и миянтөг тырмö. Мед чайтöны, мый ми век на училищеынöсь. Збыль вылас öд сiдзи и лоö. Миянлы, фронт вылö мöдöдiгөн, висьталiсны: пöртанныд пö олöмö командованиелысь заданиесö и бөр воад, медым помавны училище. А заданиеыс абу нин сэтшöм сьökыд, ме думысь. Со орчча полк талун орöдiс фашистъяслысь оборонасö, зырö найöс. Аски и ми ог кутö йöз киён пуём роксö панявны. Сетан татчöс адрес, а лун-мöд мысти, гашкö, бөр Архангельскын лоам. Мед нин сэтчö чукöрмасны. Воам да ставсö öтпырйö лыддям. Сiдз, Юра?

— Сергей, татшöм делöясад кодсюрö и юрсö воштывлöны. Колö жö юөртны гортад. Лёкыс öд оз ло,— ме пыдди вочавидзис Вагин.

— Менам и медальонöй тыртöм. Он верит? Колökö петкöдла. Олөмкöд торйöдчыны миянлы водз на. Колö на со, асьныд шуанныд, видзöдлыны, кыдзи олöны-вылöны йöзыс мукöд планетаяс вылын.

Төдіс кө эськө Сергей, мый лоас сыкөд недыр мысти...

Тайө вөлі август 28-өд лунся рьтө, кор ми кыв-лім, мый орчча полксаяс, некымын училищесы кур-сантьяс, орөдөмаөсь немецкөй обороналысь некы-мын визь, кодъясөс фашистъяс, көнкө, лыддыліс-ны жугөдны позьтөмөн. А аскинас, август 29-өд лунө...

Б О Й

(Зарубинлөн мөд висьт)

Збыльысь мичаөн кажитчө морт, кор сьөлөмсө сылысь чукйөн тыртө нимкодълун. Видзөдан сэтшөм морт вылас да лоө весиг кокныдджык, долыдджык долыдлы. Татшөмөн аддим первойысь батальонса комиссар старшөй политрук Левадаөс. Сійө сулаліс мян водзын тыртөм ящик вылын. Сук сьөд юрси пратьясыс лэччисны джуджыд да паськыд кымөс во-мыныс, ковмыліс вештывны найөс, мед эз мешайтны видзөднысө.

Вөлі шензьөдана, мый политруклөн кельыд, весиг висьысьлөн кодь лөзоват чужөмыс, век овлысь стрөг синьясыс вермөны сэтшөм ёна кыскыны ас дінас. Ми, курсантьяс, видзөдім асья шондіөн югдөдөм комиссар вылө, и сійө мянлы тайө здукас кажитчис матысаөн, асланым училищесаөн.

— Ёртъяс! Боецъяс, командиръяс да политработ-

никъяс! Воис кад и мянлы. Сійӧс ми виччысим нин война заводитчӧмсянь...

Комиссарлӧн гӧлӧсыс ещӧ на чорзис, гораммис сэтшӧма, мый ме повзи, мед эськӧ эз ор зэвтчӧмысла.

— Да, ёртъяс, воис сійӧ луныс: талун ми первойысь мвнам водзӧ. Вельмӧм враглы поводнӧя нин сюрис тӧян ёртъяссиянь — орчча полксянь. Ме эска, мый и тӧ косӧданныд бвр водзӧс. Ленинлӧн кар вӧсна! Помнитӧй: ми не сӧмын зӧлям орӧдны блокада, но и отсалам налы, кодъяс дорйӧны Сталинград, кӧнӧ решайтсӧ мян Рӧдиналӧн судьбаыс. Мед жӧ тӧян том да вынйӧра киньд оз дрӧгнит, а кучкас вӧрӧглы веськыда сӧлӧмас! Ёртъяс, сӧмын водзӧ, эн жалитӧй фашистъясӧс, кодъяс мӧвпалӧны Ленинградса уличаяс вылын гуляйтӧм йылысь!

Комиссарлӧн нывбабалӧн кодъ вӧснъыдик чуньяса кийс поткӧліс-вундіс воздухсӧ, сӧсся чабыртис паськыд кучик тасмасӧ, а синъясыс сюся видзӧдлісны гӧгӧр сулалысь йӧз вылӧ.

Здук мысти комиссар местаын сулаліс нин боец. Миян серти олӧмаджык, ар комына морт. Тыдалӧ, сійӧ вӧлі эз воӧм курсантъяс, а дивизияса красноармеецъяс лыдысь. Та йылысь висьталісны и морӧс вылас вир войтӧн ворсӧдчысь гвардейскӧй значокыс, и турунвиж обмоткиясыс. Боецлӧн мышкыра да крепыд туша вылас пелька пукаліс обмундирование, коссӧ топыда зэвтӧма брезент тасмаӧн, кытчӧ ӧшӧдӧма граната новлӧдлан сумкаяс. Гӧлӧсыс эз вӧв комиссарлӧн кодъ мыла, петис быттьӧ кыськӧ пыдысь, морӧс пытшсыс.

— Ме Ленинградысь. Сэні вӧлі семья: гӧтыр, пи...

Красноармеец тшӧкмуни, увлань копыртис юрсӧ.

Лоис кызкө нелөсьыд, сьөкыд сы вöсна, мый ленинградец джөмдiс. Быдөнлөн видзөдласыс лэччис сапөг ныр вылас, а ме кылі, кызди гөрдөдөны пельясөй, быттьө ящик вылас вөліс эз төдтөм красноармеец, а ме ачым.



Но со сійө ньөжйөник кыпөдiс юрсө:

— Төвнас пиөс чашнитiс снаряд, а гөтырөй куліс тшыгысла.

И мыйлакө тайө здукас лоис кокни сьөлөм вылын. Гашкө, сысы, мый мян чужан местаясөдз ылын, мый вөрөглөн кыс сэтчөдз оз судз. И сэк жө сьөлөм чепөльтмөн жаль лоис ящик вылын сулалысь красноармеецыс, кодлысь семьясө бырөдiс война. Кусас война, локтас гортас, а сэні некод... Со мыйла воисны пельөдз ленинградецлөн бөрья кывьясыс.

— Ме нимкодяся сөмын сэк, кор аддза, кызди ловья фашист пөрө шойө.

Ленинградецлөн дженъыдик сёрниыс кыпөдіс думъяс. Но век жө сёлөмын скөрлуныс эз вөв. Тайө төдчис и мекөд орччөн сулалысь ёртъяслөн чужөмъяс серти.

Летучөй митинг муніс водзө. Ящик вылө кыпөдчывлісны то өти, то мөд. Но найөс эз нин сюся кывзыны. Первойсө кыммөм чужөма радъяс костті ккнъыдик төвру моз котөртіс негора сёрни. Бокө тувкнитіс Сметанин:

— Чөртыс төдас... Ковмас регыд тышкасьны накөд, а менам мыйлакө некутшөм лөг оз пет. И кинояс аддзылі, и речъяс кывзылі, и газетъяс лыддылі, а...

— Таысь, Сергей, ми абу мыжаөсь,— ышловзис Вагин.— Видзөдтө, миянөс велөдлісны лоны мортөн, а не морт виысьөн. И кызкө оз эскыссьы, мый немец вермас вөчны став сійөторсө, мый висьталөны сы йылысь. Өд и сійө — морт жө, көть эськө и враг миян... Интереснө ас синмөн аддзывны сійөс, чабыртыны, видлыны кутшөмджык...

— И видлам! — кывкөрталіс Сметанин.— Чайтан, кутам юрөдыс малавны... Код лешакыс корис сійөс миян му вылө! А лөглуныд миян чужас на.

Воис комбат — ыджыд тушаа капитан. Ми сылысь эг на төдөй овсө: веськалім тайө батальонас некымын лун сайын. Картузыс — защитнөй рөманойысь, морөс вылас Краснөй Знамя орден. Шуөны, нажөвитөма финскөй кампание дырйи на. Мичаа бритчөма, чав еджыд подворотничока, югъялысь гөленя сапөгъяса. Лөсьөдчөма быттьө праздник кежлө. Комиссаркөд орччөн сійө восьлаліс строй водзті Друг сувтіс өти курсант весьтө, индіс петлицаяс вылас:

— Мыйла гөрдөсь? Генерал али мый? Гашкө, окота видлыны снайперскöй пулялысь көрсө?

Но курсант эз шöйөвош:

— Ми ас му вылынöсь. Мед немец дзевбяссьö.

Комбат нюмөвтис, сюся видзöдлис збодер зон вылö:

— Правильнö! Но петлицаястö век жö ковмас вежны. Олöмнад пудъясьны нинöмла. Старшина, пырьсьтöм-пыр сет полевöй петлицаяс!

Комбат, тыдалö, вöли здөвöль миянкöд паныдась-лöм бöрын, гарыштіс старшöй политрук Левадалы:

— Бур боецьясöс мөдöдöмаöсь, комиссар! Ташöм зонъясьсыд чöртыс повзяс! Кыдз думайтад, ёртъяс?— шыödчис комбат батальон дінö.— Сетам ныр-вомас фашистлы?

— Сетам!— гораа вочавидзисны курсантьяс.

Летучöй митинг помасис, и ми вөрзим.

• • •

Писькөдчим сук вөр пыр, вöсьлалім пөрöм да нитшсялöм пуяс вомөн, кокъясөн изім трачкакылысь кос пу вожъяс. А гөгөр пуис тыш. Көнкө веськыд-вылын немецкöй снарядъяс чашйисны-нетшкисны мусö, сьөлөмтö көдзöдысь шыөн лэбисны минаяс. И сöмын кадысь кадö взрывъяс костас пельöдз öдва воліс пулемётъяслөн сяркөдчөм шыыс.

Сынöдын öшалысь немецкöй самолётъяслөн шумьс быттьökö личкис миянös. Видзöдлывлім пуяс костті лöзалысь небесаö, корсим гөрд звездаяса машинаяс, но найö эз тыдавны. А «юнкерсьяс» повтөг вöчисны ассьыныс уджсö, дугдывтөг бомбитісны квадрат бөрся квадрат. Майбыр, налы некод оз ме-

шайт, весиг поводдяс. Со мыйла сѳдз арся небеса-
ыс кажитчис мустѳмѳн...

Вѳрті мунім сьѳрсьѳн-бѳрсьѳн, восьсаиньясті ву-
джим котѳрѳн сорѳн. И со бара вель ыджыд кушин.
Тѳдчис, мый тані неважѳн на нѳйтчѳма-ветлѳма став-
сѳ бырѳдысь кѳрт гы. Кыдз пуясѳн кышѳм ляпкыдик
траншеяын, брустверьяс вылын туплясисны чусыда
лѳсталысь немецкѳй каскаяс, куысь вурѳм ранецьяс,
кыз лѳжаяса тѳдтѳм винтовкаяс, виж рѳмѳн ворсѳд-
чисны сѳмны на удиттѳм патроньяс да тыртѳм
гильзаяс, сѳні и тані тыдалісны уна пѳлѳс сера
плащ-палаткаяс, байкѳвѳй да ной эшкыньяс... Таті
тѳрыт писькѳдчис водзѳ первойя эшелонысь орчча
полк. Став сертиыс тѳдчис — абу кокни вѳлѳма миян
зоньяслы, но сюрѳма пай вылас и фашистьяслы.

— Со эсылы весиг лентасѳ помавны абу сетѳма-
ѳсь,— шуис Сметанин.

Збыльысь, восьса площадка вылын сулаліс пуле-
мѳт, а сы бердын, пулемѳтлысь воропьяссѳ мынтѳд-
тѳг, куйліс немец. Быттьѳкѳ ловья, вот-вот восьтас
би. Сѳмын восьтыссьѳма нин: каска увсьыс тыдаліс
петѳм юр вемыс.

Фашистьяслѳн шойяс пѳвстын жѳ неуна вижѳ-
дыштѳм гимнастѳркакаяса куйлісны и миян зоньяс.
Сьѳлѳм чепѳльтмѳн шѳг вѳлі аддзыны найѳс!

Лун шѳр гѳгѳр батальѳн петіс вѳрысь баддѳѳн
тырѳм видз вылѳ. Тшѳктісны кодйыны окопьяс. Ок,
и мустѳм удж! Мустѳм сы вѳсна, мый кодйысян.
гашкѳ, весьшѳрѳ. Сѳмын перьян чехолсьыд зыртѳ.
пиньтѳ мурч курчѳмѳн орыѳдлан эжа, кызди бара
нин тшѳктѳны мунны водзѳ. Сѳмын и жаляддза ви-
дзѳдлан весьшѳрѳ вѳчѳм удж вылад.

— Чөрту!— ёрччыштіс Вагин.— Ме бурджык шойччышта.

— Шойчы,— серөктіс Сметанин.— Сөмын кор топодасны бөжтө, эн суй сійөс менам ячейкаө.

— Тэ кодйысь, а эн больгы. Пырөдчы тайө мусгөм трундаас му ош моз. А ме сэк коста вөр-ванас нимкодясьышта... Частө мөвпавлывла, мыйла гадьмисны киясөй. Мыйла эськө, Сергей? Мусө гудйөмысь. Кымын кубометр перйим училищын велөдчигөн! Воим татчө — бара жө муын лукйысям. Артыштны кө став армияссө, фронтъяссө? Позис нин, гашкө, писькөдны не өти Москва-Волга канал! Но тэсө, Сергей, өні он весьшөрө тільсы: мыйөн вувзысысны «юнкерсьяс», ми дзедьям өтлаө.

Курсантъяс пиысь унаөн эз кодйысьны. Найө куйлісны неыджыд чукөръясөн, варовитісны, йирисны жмык плитаяс кодь гырысь рудзөг сукаръяс, сөйисны сола порсь гос, а медым кос вөлөгаыс эз тасась горшас, юисны көдзыд ва. Өти кылөн кө, нуръясисны: өд кухняяс колисны бөрө. Эз весьшөрө вошты кадсө и Вагин. Черлыясыс сылөн веськыда ратшкакылісны.

— Куим лун кежлө сетөм «НЗ»-ыд, тыдалө, помасьө нин,— пөсьсө чышкаліг чуткис Вагинлы Сергей.

— Зато тэнад вөрзөдлытөм на,— серөктіс Вагин.— Он жө өд удзөд ассьыд другтө. Лөсьыд воюйтныд тадзтө: нимкодясь природаөн да гыджгы сукар, не сөмын ассьыд, но и другыдлысь.

Сергейкөд орччөн кодйыси ме. Но дыр мырсыны эз ковмы. Эжа пласт перйөм бөрын сөмын зыр судта и удиті кодйыны, кызди ячейкаө кутіс сөдзтысьны ва. Гөгөрбоксянь кылысь видчөм да ёрччөм серти гөгөрвои, мый и мукөдлөн делөясыс абу бурджыкөсь.

Вагин быттьокö ваö видзöдöма: мыйöн нюжöдчи окопбокса эжа вылö, кыліс команда:

— Водзö!

Вагин чöвтліс миян вылö тешитчан видзöдлассö, тэрмасьтöг көрталіс вешöвöй мешöксö, воысаліс, но сэк жö эз вунöд суйны вомас ещö öти сукар:

— Ковмас кө трофейниклы видлыны мышкысь мешöксö, мед нин сійö лоö тыртöм.

— Эн сөр,— вомаліс другсö Сергей.—«НЗ»-тö колö видзны.

— Полан старшинаысь? Тані öд, джоджтö мыськöдны сійö оз вермы...

И со сьölöмтö тспöдысь мустöм команда:

— Воздух!

Ми бөр уськөдчим муö. Шондi петöмсянь немецьяс бомбитісны орчча квадратьяс. Öнi, тыдалö, воис и миян черед. Дас кымын «юнкерс» кежисны трассасьыс, кытi лэбавлісны öнöдз, да мөдöдчисны миянлань. Ёз топöдчисны ляпкыдик ячейкаясö, сэтысь чурвидзисны-тыдалісны сöмын вешöвöй мешöкьяс либö вывлань чатöртöм каскаяс. Быдöнлөн ветліс юрас мөвп: гашкö, оз казьявны, гашкö, лэбзясны водзö, гашкö. ускөттьöыс кытшовтас. Но оз тай сідзи век овлы, кыдзи тэныд колö. Со нин медводдза «юнкерс» включитіс сирена да варыш моз уськөдчис мулань, веськыда орчча рота вылö. Ме арталі, кымынöд «юнкерс» шыбитас асьыс «гöснечсö» миян юр вылö. Артмис витöдыс либö квайтöдыс.

Шуöны, мый позьö велавны и бомбитöм дінö. Öдвакö. Велавны, гашкö, и позьö, но лоны спокойнöйöн он вермы. А медсясö сы вöсна, мый тэ немтор он вермы вöчны, медым водзсасьны небесаын шывъялысь смертьлы. Со и öнi ми куйлім да видзö-

дім, кызди некодысь повтөг шыблалёны «юнкерсьяс» бомбаяссö мян ляпкыдик окопъяс вылө, кытчö весиг бурджыка дзедьсыны он вермы. Мустөм лоис лөз небеса, а сэсся заводитіс петны сы вылө лөг. Окота вöлі лёкысь горөдны:

— Мыйла тэ лэдзан юкйөдлыны асьтö рытыввылысь воём кырнышьяслы?

— А збыль вылас, мый вермис вöчны небеса, кор весиг ми — специальнö велөдчөм йөз — вынтөмөсь.

И абу шензяна, мый юрö воисны татшөм мөвпъяс. Öд ми вöлі велалөмаөсь аддзыны сөмын сэтшөм небеса, көні павъялөны-лэбалөны бобувьяс, дзизгöны мудз төдлытөм малязіяс, жбыръялөны лэбачьяс...

Матö усьөм бомбаысь пельяс чунавлісны, пөсь сынөдлөн гыс швачкис-кучкис чужөмө, сэсся сявк-муніс вылысö сьөд няйт. Кор нө тайö помасяс? Со «юнкерсьяс» заводитчисны пикируйтны мөд пөв... И сэки синъяс улө усис Вагин. Сійö пукаліс куст бокрын да лыйліс патрон бөрся патрон. Гимнастёркаыс, каскаыс, орччөн куйлысь шынель скаткаыс, весиг куст вожъясыс — ставыс резсьөма трунда сора кизьөр сьөд няйтөн.

Первойя шйөвошөм прөйдитіс, му кутіс щөтясьны винтовка да ручнөй пулемёт ствольясөн. Мөд пөръя мян вылө вувзысьысь кырнышьяслы воча качисны трассирующөй пуляяслөн визьяс. И кор кияс чабыртісны винтовка да кутісны вöчны төдса делө, лоис пыр жö кокныдджык. Но немецкөй самолөтъяслы пуляясыс эз мөрччыны, а, колөкө, тэрмасигад ми лыйлім кызд веськалө, медым сөмын ышөдны асьнымөс. Кор найö лэччылісны му бердөдзыс асланыс пулемөтъясөн сяркөдчиг, ми аддзылім немецкөй пилотъяслысь мустөм ныр-вомъяссö. Ма-

тынӧсь, да он босът. Сӧмын на вишкан, лӧсьӧдчан
луйны, а самолётыс мышкад нин, муӧдзыс волас сӧ-
мын сыӧн поткӧдӧм сынӧдлӧн гыс.

— Воис сьӧлӧм вылад концертыс?— матыстчис
ме динӧ Вагин, кор медбӧръя «юнкерс» бомбаяссӧ
шыбитӧм бӧрын веськӧдчис рытыввывлань.— Вытьӧс
сӧмын торкисны: сукар джынйӧс кытчӧкӧ уськӧдӧ...

Кыпӧдчис аслас окопысь Сметанин. Кельыд чу-
жӧм вылас мыйкӧ нюм модаа, быттьӧкӧ пинь висигӧн
векыштчӧма. Сергей индис юрсяныыс да кок улӧ-
дзыс няйтӧссьӧм Вагин вылӧ:

— Вӧлӧгдаса тшап морттӧ позьӧ ылісянь тӧдны...
Зато кийс эз гадьӧссы.

— Эн жерйӧдлы, Сергей, пиньтӧ,— вочавидзис
Вагин.— Не кӧ тайӧ нюрыс, ӧдвакӧ тӧнӧ гурантор-
йыд мездіс. Ме ӧд видзӧдӧ: бомбаыс вӧйӧ трундаас
да сэн нин потӧ, кӧрт торпыриг пыдди няйтсӧ резӧ.

Збыльысь, бомбитӧмыс ыджыд лӧксӧ эз вай, не
кӧ артавны пуляясӧн дойдӧм некымын мортӧс.
Окопъяс пӧлӧн тӧрыба восьлаліс взводной — млад-
шӧй лейтенант Колесников да видчис:

— Мыйла лыйлад трассирующӧй пуляясӧн? Ӧд
на серти сийӧ вермас казавны, кӧні ми куйлам...

— Дзевсясьӧмысь ворсны али мый?— скӧрмис
кодкӧ курсантъяс пиысь.— Сідзкӧ эз ков тшӧктыны
луйлынысӧ, мед нырисны миянӧс.

Колесников стрӧга видзӧдліс курсант вылӧ, лӧ-
сьӧдыштіс асьыс быгалӧм пилоткасӧ, кодӧ тешкодья
пукаліс быгалӧм жӧ юрси вылас, кыпӧдіс чуньсӧ зон-
ныр водзӧ:

— Салдатлы весь овны оз позь. Салдат лыйлӧ —
сідзкӧ, сийӧ салдат. А энотчис делӧысь — пыр жӧ

ачыс пөрө мишеньö. Гөгөрвоин? Эз öмöй висьтавлыны та йылысь училищеад?

«А öд Колесниковлөн кывъясыс — збыльысь зарни»,— мөвпалі ме олöма нин тайö мортыслысь неуна мышкыртчөм мыгöрсö синнам кольöдиг. И мыйлакö окота вöлі эскыны, мый армияö веськавтöдз сійö, дерт, вöліс учительöн. Мөд делöөн ноксысь мортлөн эз вермыны лоны татшөм тölка да быдтор казялысь синьяс, кодъяс быттьö сідзи и писькөдчöны тэнад лов пытшкө.

Сöмын на удитім прöйдитны водзлань некымын дас метр, кызди мян вылö вувзысисны выль «юнкерсыяс». Кодйысьны вöлі некор нин. Йöз водалісны, коді кытчö веськаліс. Сынöдыс бара сукмис сирена-яслөн омлялөмөн, бомбаяслөн шутьлялөмөн, мулөн сьökыда ружтөмөн... Виддзыс тырис сьöд фонтаньясөн, вывлань качысь пу вожьясөн, вужнас бертыштөм да кытчөсюрö шыблалөм кустьясөн. Корсюрö кывліс взводнöйлөн жебиник орьясян гөлöсыс:

— Фашистскöй самолетьяс кузя бронебойнöй-ясөн... Лыйлөй корпус вылö водзöджык...

Кутшөм нин сэні корпус, кор самолёт пыдди син водзад здук кежлө усьлө сöмын немецкöй пилотлөн маска кодь чужöмыс. Кутшөм нин лыйлөм, кор тэ синьяснад шардлан-корсян неылысь сöмын на артмөм воронка, кытчö сөдзтысьö кизьөр нюйт, да зіян саймовтчыны сэтчö. И көть мед гөрд звездаа öти истребитель! Сынöдас сöмын сьöд крестьяс да маска кодь еджыд чужöмьяс: то векуштчөмаось лөгысла, то зывөкпырысь нюмьялöны.

Но быдторлы овлө пом. Медбөрья «юнкерс» веськөдчö рытивыввлань. Ми сувталам, весиг ог пыркөдчöй, неуна шöйөвошөмөн видзөдам öта-мөд вылө

зілям шпыньмунны: чунавлом пельяс нинсѣм на оз кывны; нимкодясям, мый вермам чѣвтылыны видзѣдлас этайѣ мустѣм небесаас, вермам кыскыны морѣсѣ тротил кѣрѣн сорласьѣм ныйт дука сынѣдсѣ.

Сѣмын тай шудыд оз ветлы быдѣнкѣд орчѣн. Со орчча взводын, сѣмын на артѣм воронка дорын, ноксѣны некымын курсант, кыпѣдѣны асьыныс виѣм ѣртнысѣ, а насянь неылын туплясьѣ некодлы нин ковтѣм чегѣм грифа гитара, кытчѣ кѣрталѣма ыджыд алѣй бант. Тыдалѣ, миянлы некор нин не кывзыны сьѣлѣмтѣ югыд шоглунѣн тыртысь Лермонтовскѣй романслысь шыяссѣ. Та йылысь казтылѣны орьясьѣм струнаяс, та йылысь висьталѣ чегѣм гриф, та йылысь горзѣ ныйтчѣм алѣй бант.

— Водзѣ!— кыліс команда.

Вѣрзьѣдчим тѣрыба, медым ѣдѣджык вешыны тась, кытчѣ ми колим асланым олѣмлысь неыджыд юкѣн, а кодсюрѣ и дзоньнас олѣмсѣ. Но бара воисны «юнкерсьяс», и бара заводитчис налѣн шуштѣм сыланкывыс.

Кор волас талы пом? Он весиг казяв кадыслысь визувтѣмсѣ. Буракѣ, лун шѣр нин. А заводитисны бомбитны асылы... Уна-ѣ ми прѣйдитѣм водзѣ? Верст, верст джын али этшаджык? Медводз петѣс терпениесыс Вагин. Сѣйѣ чеччис мусыс да заводитѣ кулакнас грѣзитны небесаас, горзыны-видчыны, кѣть, тѣдѣмысь, и ачыс асьыс гѣлѣссѣ эз кыв.

Ми Сметанинкѣд зѣлим личкыны сѣйѣс муѣ. Но тайѣс вѣчны эз вѣв кокни: Миша быд ногыс водзсасис, быттьѣ ми сылы лѣкѣс кѣсйим. Кор сѣйѣ сайкалыштѣс, воис Колесников. Взводнѣй донъяліс зонмѣс тѣлка видзѣдласнас, вѣсьтѣс да мыччис флягасѣ:

— Ныылышт гоз-мѣдысь. Тѣянлы эськѣ оз на

позь, но татшөм исключительной случай дырйи — тшөкта.

Взводной видзөдліс Вагинлөн неуна сырмысь ки вылө, ёся чурвидзысь тарган вылө, коді юигас ветліс өтарө-мөдарө, но немтор эз шу. Синъясас вөлі дзебны вермытөм жалитөм. Косіник чужөмыс тайө здукас ропмуні-чукрасис. Миян водзын сулаліс эз младшөй лейтенант, а олөма опытной морт, коді майшасис сы вөсна, мый эз вермы сетны миянлы колана совет. А, гашкө, лыддис, мый кывъясыд татчө оз ковны...

— Төдад норма. Тайө бур!— нюмдіс Колесников флягасө тасмаас пысаліг.— А мортыд, другъяс, винөв, быдтор ас вылас нуө. Ме со, мед оз ло ошйисьөма, коймөд война вылын нин. Германскөй, гражданскөй, сөсся со бара германскөй. Но, кызди асьныд аддзад, ветлөдла на му вывтыс. Зэв ёна радейта сійөс. Со и видзө сійө менө мам моз.

— Ті учитель?— юавсис менам.

Колесников гажаа нюмдіс:

— Плешө али мый гижөма? Гашкө, амуницияыс мөс вылын седлө моз пукалө? Тадзи гижөны литераторъяс штатскөйяс йылысь, кодъяс нем виччысьтөг лооны кадрөвөй военнойөн.

Чукөртчалісны курсантъяс, кывзысисны взводной гөлөсө. А меным мыйлакө лоис вывті нимкодь, кор кылі воча кыв, кутшөмөс и көсйи:

— Двойкаыстө эг этша пуктавлы. Торйөн нин эз радейтлыны менө Вагин кодъяс...

Но Мишалөн чужөмыс югдіс пытшкөсса радлунөн:

— Прөститөй, гвардияса младшөй лейтенант өрт. Ме өд радейта жө мутө, көть эськө сійө и абу

сэтшөм мелі. Лекарствосьыд аттьо. Водзö чайта татшөмторйыс оз ло. Тіянлы сетö кыв вöвлөм курсант, а öні гвардияса рядөвöй Вагин.

— Мыйла сэтшөм официальнойя? Ме эска.

— А век жö öбиднö,— быттьö аслыс шуыштіс Вагин,— юртö оз лэдзлыны лэптивны, а отсöг некодсянь. Тадзтö ми ловъя фашисткөд огö и паныдасьлöй.

— Бурджык, дерт, не паныдасьлыны,— вочавидзис взводной.— Но сы вылö ми и танöсь, мед сетны фашистъяслы ныр-вомас да сідз, медым эз вермыны эсся сувтны кок йылас.

Колесников бара шпыньмуни:

— Ме торйөн нин «радейтли» велөдігөн сэтшөм зонкаясöс, кодъяс оз вермыны прöйдитны нывка бокті сійöс көсаöдыс нетшышттөг. Вöвлі, да? Öні кө эськө, пöжалуй, мөд ног вöчид, да кысь, көсаясыд ылынöсь тасянь.

Зонъяс орөдчывтөг видзөдісны Колесников вылө, вашкөдчисны. Налы окота вөлі, медым эськө помтөг кыссис тайö муса сёрниыс. На вылө быттьö койыштісны ловзёдан ва: синъясыс гажмисны, чужөмъясыс банйисны.

— Ме рад, мый ті заводитінныд скөрмыны,— водзö нуөдіс мөвпсö взводной.— А кор воинныд миян дивизияö, мем кажитчис, мый ті кужад лөгавны сөмын учителяс да нывкаяс вылө. Кодсюрö, гашкө, ещö дөзмөдлісны пон-каньöс...

Курсантъяс серөктісны.

— Помнитöй, медым вермыны врагöс, колö лөгавны сы вылө. Тайö ёна отсалö.

Сэсся ми бара мөдөдчим водзö. И сэк жö сынö-

дын тыдовтчисны «юнкерсъяс». Но öнi найö лэбисны неуна шуйгавыв.

Лои гөгөрвоана, мый немецъяс аддзöны миян-лысь быд воськов, быттьö куньсьывтöм синмön видзö-дöны миян бöрся, а кодлönкö тыдавтöм кийс дири-жируйтö немецкöй авиацияön, зильö сувтöдны кур-сантскöй батальонъяслысь водзö мунöмсö, шочмöд-ны налысь радъяссö немецкöй салдатъяскöд паны-дасьтöдз.

Воддза луннас на, кор орчча полк орöдiс враг-лысь оборонасö, немецкöй авиация эз вöв. А талун со оз сет юр кыпöдны. Сидзкö, кыськö сийöс вайисны, сидзкö, повзисны, мый ми вермам öтлаасьны Ленин-градскöй фронткöд, косявны блокада. Вот и усьöдiс-ны миян вылö авиация, а сэсся кыськö ваясны танкъя-яс. А, гашкö, виччысьöны нин миянöс эсийö неылын тыдалысь вөр дiнас?

Но такöд тшöтш миян сьölöмъясын первойсö за-водитiс чусавны, а сэсся яра öзйис радлун сы вöсна, мый воча сулалысь татчöс немецъяслön эз тырмы ни сямлуныс, ни удаллуныс сувтöдны миянöс, и налы ковмис корны кыськö отсöг.

Сидзкö öдйöджык водзö, медым дойяссö нюлысь вөрöг эз удит чукöртны выль вын-эбöс. Но сэки жö ми гөгөрвоим, мый батальонлön водзö мунöмыс надзмö, воськовъясыс быттьö падъялöны. Тайöс эз вермыны дзепны ни взводнойяс, ни ротной — лей-тенант Костенко, томиник, но збодер командир, кодi воюйтлöма нин. А сэсся и рота дзикöдз водiс. Кустъяс сайö дзепсясиг связнойяс котöртисны корсьны суседъясöс — орчча ротаясöс. Көнöсь найö? Водзынöсь али бöрынöсь? Миян моз жö водiсны али

восълалоны водзё? Сідзкё оръясьёмаоьсь йитодъяс и суседъяскөд, и батальонса штабкөд.

Югъялісны зыръяс, курсантъяс лоины пыр тыдавтөмөсьджык. Бур, мый веськалім веретяё. Абу сэтшөм васөд. И сэки төвзыштис салдатскөй почталөн сёлөмтө нюкыртысь юөр: батальонлөн штаб вылө веськалөма бомба.

Та йылысь меным шөпнитис Сергей. Тыдалө, сэки менам чужөмөй вөлі Сметанинлөн кодь жө коньöриник, шөйөвошөм. Мыйла нө либө сэтшөм жалитөмөн видзөдліс ме вылө суседөй — мугов чужөма да сэтөр кодь синъяса казах Алим Аралбаев? Водзөсө ставыс артмис сэтшөм өдийө, мый весиг эгө удитөй гөгөрвоны, кызди тайө лоис. Миян водзын, некымын дас метр ылнаын, сука быдмисны кустъяс, а на сайын тыдаліс козъя вөр. Сэтчө асмогасыны котөртисны кык-ө-куим курсант.

И пырысьтөм-пыр жө чөвсө поткөдіс гранаталөн потөм шы, сэсся мөдлөн. Кустъяс пөвстысь чеччыштіс курсант:

— Вокъяс, немецъяс!.. Немецъяс!..

— Эн сөр!— горөдіс сылы Колесников.— Кысь найө воисны? Миян водзвылын полк...

Взводнөй эз удит помавны ассьыс видчөмсө: кустъяссянь сярөбтіс автомат, сэсся мөд, коймөд... Миянлань котөртысь курсант джөмдіс, тешкодя өвтыштіс кияснас, быттө көсийс кутчысьны сынөдас, сэсся ньөжйөнник лэчысис муас. Сійө жө здукас кустъяс пөвстысь тыдовтчисны йөз.

И мыйлакө сэки син улө усис вөр пуяс сайө пуксьысь шонді. Сійө вөлі мырд гөрд рөма. «Рыт нин тай,— воис юрө татшөм здукас ньөти лөсавтөм мөвп.— Кор и колис луныс?»

Пошти орччөн пель чунодмөн сярөбтис «максим». Сы бөрын нин кыліс взводнойлөн гөлөсы:

— Взвод, огонь!

Ме чөвтлі синъясөс отарө-мөдарө, но Сметанинысь, Вагинысь да Аралбаевысь кындзи некодос эг адзы. Ыркмунис сьолөмөй. Көнөсь нө Калинин, Атяшкин, Зубров да мукөд курсантьяс? И сэки аддзи налысь мышъяссө, кодъяс вөлі нин бердөны бөрвывса посныдик пуяс да кустъяс сайө. Кодсюрө ризөдісны-котөртисны весиг скаткаястөгыс да каскаястөгыс. А невна бокинджык, өти кокнас чотіг да пистолетнас грөзитчиг, вөтчис на бөрся ротнөй — лейтенант Костенко. Тыдалө, көйис сувтөдны пышйысьясөс, но ранитчөм кокнас эз вермы вөтөдны. И сійө вөчис сэсся, мый лыддис коланаөн: сувтис, веськөдчис, быттьө «смирно» команда бөрын, матыстис пистолетсө көсича бердас... и лизмуні-уси кузь турун пиө. Лыйөм шыыс пельөдз эз волы: орччөн лентаясысь патрон бөрся патрон сөйис «максим».

«Пышйыны кө,— кодкө быттьө тойыштіс менө,— позьө на, но здук мысти лоө нин сөр...»

Видзөдлі Сметанинлань да Вагинлань. Найө тэрмасьтөг, быттьө стрельбище вылын, лыйсисны орччөн кодйөм ляпкыдик окопсянь. Ас вылө пузис лөкөй, доис яндзим. Кысь вооны юрө татшөм мөвпьясыс? Врагыс кө, кыз шулывлө мам, тойлө-а? Колө кутчысьны тани, кытчөдз миян оз бергөдчыны бөр. Оз вермы лоны, мелым найө эз сайкавны!

А кутшөм любө вөлі кывны орччөн «максимлысь» гажа гөлөссө. Расчөтыс төдтөм, абу миян училищеса курсантьяс. Но ме дась вөлі ошкыштыны найөс: сэтшөм тэрыба найө личкисны муас миян-

лань котөртысь немецъясөс. Фашистъяс эз удитны весиг воны усьом курсант динөдз. Ёртным колис ми да на костын.

— Эй, вокъяс!— шыасис сусед-пулемётчикъяс динө Вагин, кор кыкналадорсянныс ланьтис лыйсьомыс.— Ти кытысьось? Кыдзи нимтоны тиянос?

— Куйбышевской училищеысь,— кыліс збой во-чакыв.— Кыкнанным Иванъяс.

— Мый нө эн вөтчөй асланыд ёртъяс бөрсаяд?

— Видлы татшөм сярғаннас котравныд. А эновтнысө жаль: немецъяслы киас сюрас, ошйысьны ку-тасны фюрерыслы.

А сэсса серьёзнөя нин:

— Патронным сөмын вот этша. Вайыштөй...

Немецъясладорсянь кыліс куимысь тюрөстөм: турун пөвстысь, вутшъяс костысь, кустъяс сайысь чеччыштисны салдатъяс, лэччысь шондилөн югөръяс улын налөн пөрт кодь джуджыд каскаясыс ыпни-тисны-өзйисны гөрдоват рөмөн, вуджөръясыс ку-тисны воны пөшти миян окопъясөдз. Но кык Иван пыр жө бөр водтөдісны найөс.

Мышкын кыліс турунлөн кышакылөм, вирсниті-бергөдчи: кыссьө Колесников. Дзормыштөм юрси пратьясыс петөмаөсь быгалөм пилотка увсьыс, ляс-кысьөмаөсь пөсялөм кымөсас, гимнастёрка юрйы-лыс — жан восьса, чужөмыс руд, няйтысла ли, по-рок тшынысла ли, но синъясыс гажаөсь, сэні быт-тө мутияс чеччалөны.

Сійө лэччис тыртөм окопө, коді вөлі ме да пуле-мётчикъяс костын. Вагинөс пыр жө ыстис вала, ме-дым позис вежны «максим» кожухысь васө, индіс пулемётчикъяслы виль позиция, тшөктіс сетны налы

лишнõй патронъяс, кодъяскõд татшõм кадõ съõкыд торйõдчынытõ, прõверитис, дасьтõма-õ гранатаяс.

Ми кокныдика ышловзим, быттьõкõ веськалём асланым батылõн паськыд мыш сайõ. Ещõ нин до-лыдджык лоис, кор Колесников висьталис, мый орчча взвод места вылас. Онӣ позьõ и колõ кутчысьны танӣ пемдытõдзыс, а сәки тыдовтчас, мый вõчны.

Немецъясладорсянь кылис рочõн горõдõм:

— Сетчõй! Ми унаõн, а тӣ этшаõнõсь!

Вочакывсõ налы сетис «максим». Ме чошкõдӣ пельясõс: кысянь кõ вель ылисянь, веськыдвыв флангсянь, «максимлы» кутис отсасьны миян ручнõй пулемёт.

Сметанин эз вермы терпитны да шыбитис граната. Но сийõ ратшмунис-потис вель на ылын сәсянь, кõнӣ, миян чайтõм серти, колõ вõлӣ лоны немецъяслы. Колесников õлõдис Сметанинõс боеприпасъяс весьшõрõ видзõмысь да содтис:

— Кывлӣд? Тайõ «дегтяревыс» орчча взводлõн.

Сийõ жõ здукас пельõдз воис минаяслõн зывõка омлялõмыс.

Трах! Трах! Трах!

Сәсся ещõ залп, ещõ и ещõ... Но шуд вылõ минаяс потласисны миян дорõ вотõдз.

Шондӣ ләччис, заводитис õдйõ пемдыны. Чõв олим ми, чõв олисны и немецъяс. Сәсся наладорын õзйис бипур. Сийõ вõлӣ ёна ылын. Но ми бура аддзим, кыдзи сылõн кыаыс югдõдис матигõгõрса кустъяс, сәнӣ вуджрасьысь йõзõс. И со нин бипурыс ыпнитис мый вынсьыс: тыдалõ, койыштисны бензин.

А ми пукалём неыджыд окопъясын да чõв олим. Бипуртõ позис на терпитны, но миян сьõлõмъясным дзикõдз пондисны потны, кор пельясõдз воис вомõн

ворсан гудöклөн шыыс. И ворсісны найö эз кутшöм-кö ассыныс сыланкыв, а буретш сійöс, кодöс ми сывлывлім училищын мудзöм бöрын стройöн восьлаліг, медым кокныдджык вöлі муннысö. Юр вемö биа емъясөн пискöдчисны тöдса кывъяс:

«Выходила на берег Катюша,
На высокий, на берег крутой...»

— Гадъяс!— мый вынсьыс горöдіс Вагин.

Сійö жö здукö кузя эрыштчис миян «максим». Кор лентаыс помасис, кыліс немецъясладорсянь серам.

— Ок, эськö миномёт кö вöлі!— жаялддза шуис Колесников.— Көть куим «огурчик»... Позьö сейны «НЗ», содтіс сэсся.

— Сійö кузь туисын нин,— ышловзис Вагин.

— Волöй татчö, сюрас кымынкö сукар,— вочавидзис Колесников.

Недыр мысти Вагин да Сметанин вуджöртисны ме дінті. Кыліс нума-намакылöм. Мый йылысь кö найö вензисны. Сэсся Колесников и чукöстіс менö. Вөлöмкö, Сметанинлы воöма юрас мөвп: сибöдчыны миян да немецъяс костын куйлысь курсант дінö да кыскыны сійöс татчö.

— Мыйöн тэ думайтан?— скöраліс Вагин.— Юрнад али казенной юкөннад? Сійö, небось, важöн нин мöдар югыдас.

— Ме эг ылав,— кевмысис Сергей.— Неважöн на сылөн лөвтöмыс кыліс. Вермасны немецъяс кыскыны.

— Сійö тэнад земляк? Вок?— эз сетчы Вагин.

Ми заводитім кывзысьны.

Немецъяс дорсянь кыліс гудökөн ворсöм, кор-

сюрö сэн кыптывліс серам, а орччөн — миян волжана-пулемётчикъяслөн ноксьом шыыс. Вагин скöрысь вашнитіс налы:

— Ланьтлад ті али онöй? Юр вылад «öгурцы» шнëпкас.

Ноксьом лönис. Но некутшöм лöвтöм, не кө артавны менам киса часілысь тічкөмсö, эз кыв.

— Со... со, лейтенант ёрт,— шöпнитіс Сергей,— бара...

— Кажитчис, тыдалö,— вензис Вагин.

— Эн мешайтчы!— дözмис Сметанин.— Эн пов, ме öтнам ветла. Кылан?— Сергей чабыртіс менсьым пельпомös:— Со, со бара...

Сыланьысь, көні колö вöлі куйлыны курсантлы, збыльысь кыліс мыйкö ымзöм ли лöвтöм.

Сергей ырситіс местасыс, но Колесников кутіс сійös:

— Ветлöй Зарубинкөд. Срок — час джын.

— А ме?— чуть эз горöd Вагин.

— Ми кутам биөн видзны найös, ковмас кө.

Сергей муніс водзвылын. Пöшти некутшöм шытөг. Вель дыр мысти сувтовкерис, сэсса водіс, заводитіс кыссыны. Сійö вошис дьöгöдь кодь пемыдас, сöмын кыліс турунлөн шура-шаракылöмыс. Ориентируйтчим водзын öзйысь бипурлөн кустьяс вывті тыдалысь кыанас, коді ньöжйöник колис шуйгавыв. Көнкö матын нин курсант. Но мыйлакö ымзöмыс эз кыв. А, гашкö, сійös кыскисны нин. Тадзтö поэö и немецьяслы веськавны. Налөн, дерт, эмöсь секретьяс. Кутісны зöлитны көтасьöм пидзöсьяс да гырдызаяс. Сотчöны дай ставыс. А Сергей уйö и уйö. Со сэсса ланьтіс шура-шаракылöмыс. И ме чужöмөн зураси сылөн сапöгö.

— Юра, сійö кöнкö тани,— шöпнитіс Сметанин.—
Кыссьыв шуйгавыв, а ме мöдарö. Эн ылöдз сöмын...

Немтор оз тыдав. Кöть синмад чунь ской. Ки
улын уль му, няйт, сэссия ва. Тыдалö, воронка. Кы-
тшовта сійöс. Кöть нин мед немец лэдзис ракетасö.
Ылöдз-ö нин кысси? Бергöдчыны-ö абу?

И сэки гөгөрвои, тани абу öтнам. Тадзи овлö, кор
пемыд вежöсын узьысь вöтын моз кылö кодöскö бо-
кöвöйöс, зэв ковтöм мортöс. Тöдö — сійö орчча, сы-
öдз позьö инмöдчыны кинад, но шемöсмöмысла
сойыс оз кыпав. Мыйкö та модаа öни лоис мекöд.

Кынми места ылö: кыськö водзладорысь ясыда
кылі турунлысь шура-шаракылöмсö. Трачмуніс
куст вож. Со и мöдарын... Тайö абу секрет. Буракö,
разведка. А, гашкö, усьöм курсант дінö жö кыс-
сьöны? Колö бöрыньтчыны. И ме вöча тайöс. Кöні
Сергей? Кысь öни аддзан сійöс? И сэк жö шоныда
öвтыштіс пельö гораа шöпкöм:

— Быттö трактор. Лöньджыка, Юра!

Öтлаасим. Менам и збыльысь тырöма лолöй. Сö-
мын öни казялі.

— Документъяссö босьті,— содтіс Сергей.— Эш-
тöма нин...

Ме висьталі, мый матын, буракö, немецкöй раз-
ведка. Сергей чошкöдіс пельяссö, юалис, казялісны
эз найö менö.

— Öдвакö,— вочавидзи ме.

— Вай гөститöдам гранатаясөн!

Дыр думайттöг сідзи и шуим вöчны. Куйлім
орччөн. Мыйлакö дугдіс гудöккөн ворсöм. Эз нин ты-
дав и бипурлөн кыаыс. Буракö, немецьяс век жö
мыйыськö повзисны. Лöньысла пельын тиньгö.
И друг кок шыяс. Вошлöны, сэссия бара. Вошлöны,

сэсса бара. Ме тувкниті Сергейлы. Ӧдва кывмӧн трачкӧбтис лимонкалӧн ударникыс, сэсса мӧдлӧн... Пӧшти ӧтпырйӧ лыбисны кык би сюръя, грывмӧбтисны взрывъяс. Быттӧ кино кадрын, ясыда тыдовтчылісны шӧйӧвошӧм нель морт, сэсса кыліс лёкысь чирӧстӧм, сы бӧрын равӧстӧм. Сідзкӧ, веськалім. Но нимкодясьны некор. Уськӧдчим ас йӧзлань.

Но недыр мысти мянлысь туйнымӧс потшисны би сюръяяс. Бӧрвывсянь лэбысь выль минаяслӧн омлялӧмыс быттӧ плетяліс мянӧс. Трах! Трах! Трах! Орччӧн мыйкӧ ызмуні.

— Сергей! Тэ?

— Ме, Юра,— вочавидзис Сметанин.— Лешакыд, воронка вӧлӧма! А лӧсьыда ми найӧс ӧжгим!

Водзын и бӧрын ыпнитлысь бияс ёрӧны синъяс, а сэсса сап пемыд. Кӧть бӧрд, немтор он аддзы. Трах! Трах! Трах!

— Сергей!

— Ловъя на, Юра, сӧмын тай кӧтаси. Ми таdzi жӧ коркӧ пышйывлім анькытш му вылысь... Юра, энлыв...

Казялі: Сергей кольччӧ. Кватиті киӧдыс, но сійӧ шнӧпкысис-усис.

— Юра, лэдз лолыштны, ог вермы...

— Зарубин! Сметанин!— кыліс Колесниковлӧн гӧлӧс.

Здук мысти мекӧд орччӧн Сергей весьтӧ копыртчис Вагин:

— Серёжа, ӧтнад сэтшӧма шумитін. Чеччы ӧдйӧджык, бӧрынътчам, а то сёр лоӧ.

— Энлӧй, ачым,— Сметанин заводитліс пидзӧсчанысьны, но бӧр лӧздіс.— Мыйкӧ морӧсын... И кынӧм соччӧ.

Плащ-палаткаон вевттысыом бõрын Колесников õзтис электрической пõнар. Сергейлõн морõсас, шуйга нёнсыс неуна улынджык, тõдчис нейджыд розь. Быд лолыштиг сатысь пычмунлис вир. Разим пакетъяс, гартлим кыз кужим.

— Тайõ немтор,— шуалис Сметанин,— куйлышта вот, сесся чечча.

Нюжмасыны оз позь. Ме кõшельõдi Сергейõс. Сийõ топыда кутис голяõс. Вõрзим. Водзын Аралбаев да Колесников, сесся волжана-пулемётчикъяс, на бõрын Вагин да ми Сергейкõд, медбõрын — ручной пулемёта кык курсант. Тувччалим кыв ни джын шу-тõг. Пыр ылõджык и ылõджык колисны небесалань качлысь ракетаяс, налõн югõрыс лоис чусыдджык и чусыдджык, а сесся и тыдавысõ эз кутны.

Сьõкыд восьлавны, кор вылысад ранитчõм морт. Содтõд лоõ виччысьны, мед эськõ не дойдавын сийõс. А видлы тайõс вõчны, кор кокъяс улад бур туй пыдди то вутшъяс, то мылькъяс, то ва тыра гõпъяс, кодъяс артмõмаõсь нин снаряжъясõн да бомба-ясõн кодйõм воронкаясõ. Сергей, дерт, гõгõрвоис тайõс, крепитчис, весиг эз ойõстлыв. Сõмын корсюрõ юавлывлис, ёна-õ сьõкыд меным.

Муним ньõжйõ, сувтлывлиг да кывзисиг. Сергейõс нуим то ме, то Вагин. Оти пõрийõ, кор ми вежсим Вагинкõд, юали ручной пулемёта курсантъяс-лысь, кыз найõ веськалисны мян динõ. И кутшõма кутис дивõй, кор тõдмалi, мый мянõс веськыдыв флангсянь видзõмаõсь сõмын найõ — кыкõн. Сәни некутшõм взвод абу вõлõма. Кор курсантъяс уськõд-часны пышйыны, найõс кыкõнõс сõмын и удитõма сувтõдны младшõй лейтенант Колесников.

— Со и пукалим пемдытõдзыс,— бытьõ дорйы-

сисны найö.— А кор кутісны пемдöм бöрас кы-
тшавны, локтiм тiян дорö.

Мукöд дырйи и ылöдчöмыд отсалö. Ме ньöти эг
дивит таысь Колесниковöс. Эз кө пöръяв, мый ма-
тын дзонь взвод миян сулалö, ми эськö, гашкö, эгö
и лысьтлöй немецъясыдлы воча петавны.

— Винегрет артмис,— ышловзис мöд пулемёт-
чикыс,— нем виччысьтöг зурасим, шöйöвошим... Ты-
далö, водзын мунысь полкыд абу нин вöлöма, а ми
эгö тöдлöй...

— Ланьт нин!— кодкö вомалис сійöс.

Пемыд. Чöв. Сöмын болскöны кок шыяс.

Дум вылö усис Костенко, кодi пышйöм дорысь
лыддис бурджыкөн помавны олöмсö. Позис эз мы-
жавны сійöс? Дерт, эз. Костенко эз вöв полысь рö-
дысь. Та йылысь эз öтчыд висьтавлыны дивизияса
салдатъяс, кодъяс воуйтлöмаöсь нин ськöд. Ты-
далö, тайö том да öтчаяннöй командирыс эз вермы
терпитны татшöм позорсö. А кутшöм мичаа сійö
сьывліс! Сьölöмтö вөрзьöдысь сыланкывъясас кыліс
эновтöм чужанiн вöснаыс шог, враглөн гыж улö
веськалöм йöз вöсна тöждлун, водзö вылö югыд
надея.

«...Ой, Днипро, Днипро,
Мы от тебя ушли,
Смертный бой гремел, как гроза.
Ой, Днипро, Днипро,
Ты течешь вдали,
И волна твоя, как слеза...»

Немтор. Ми ещö косöдам водзöс. Колöкö волам
на и тэнад Днепр дорö, мыськам чужöмысь нййтсö
сылөн синва кодь ваөн, а сэсся жугыля казтыштам

Украиналысь пиянсö, кодъяс пуктісны юрнысö сы-
сянь ылын.

Руа да ыркыд асыв суис миянös ляпкыдик пуяс
улын. Ми пукалім Сергей дінын, коді вöлі садътöм.
Чужöм вылас сылөн эз тöдчы вир чут. Зато Вагин-
лөн да менам паськöмным кормис сы вирусь.

Воронкаысь вайöм ваөн заводитім мыськыны
Сергей чужöм вылысь няйтсö да сасö. Сэки сійö
воис ас саяс, корис юны, сэсся гартыштни чигарка.

Вагин бурджыка шебраліс другсö плащ-палаг-
каөн да ньöжйөнник висътавліс сылы коркö вöвлöм-
тор. Батыслөн öтчюд зэв ёна висъмöма кынöмыс,
горт нин тшöктылöма вöчны. А сэсся аддзысьöма
доктор, коді вундöма да шыбитöма кутшöмкö сюв.
И öні на батысь көрт кодъ ён.

— И тэ, Серёжа, менам свадьба вылö на во-
лан,— содтіс Вагин.— Эк и гуляйтышта сэки.
А, гашкö, тэ водзджык гөтрасян. Öні öд докторъ-
ясыд, тöдан, кутшöмöсь! Морттö торпыригыасысь
чукöртöны, вурлöны да йитлöны. И олö. Сэтшöмъ-
яссö ме ачым аддзылі. Тэнад кынöмыд öдйö бурдас.
Сöмын колö госпитальö кызкö воöдчыны...

— Часлы, шойччышта да мөдөдчам,— öдва кыв-
мөн вочавидзис Сметанин.

Вагин гартыштіс чигарка, медым могмөдны дру-
гыслысь корöмсö. Но Сергей эз нин удит кыскыштни
чигаркасö. Сылөн бөръя кывъясыс вöліны:

— Гортö дзик пыр энö гижöй. Мед чайтöны, мый
ме училищеын на...

Медводз, ичöt кага моз, рикöстіс-бөррдзис Арал-
баев. Алим мый вынсьыс нетшкис дженьыда шырöм
смоль съод юрсисö да мыйкö лыддьöдліс ас ногыс.
Сійös стрöга öлөдны заводитліс Вагин, но сэсся тэ-

рыба бергөдчис мөдарө. Няйт ветөшөн чышкаліс синьяссө да өти войөн дзикөдз ропмунөм-пөрысьмөм чужөмсө Колесников. Ме бура гөгөрвои, мый йылысь мөвпалө сійө, вөвлөм учитель...

КАДЫС ОЗ ВИЧЧЫСЬ...

Ассым кузь висьтөс помалөм бөрын ме видзөдлі зумыша пукалысь Кузьмич вылө. А вомсө паськөдөм Бойцов терпитны вермытөг юалис:

— Аддзинныд ассыныд йөзтө?

— Аддзим,— вочавидзи ме.— Найөс сувтөдөма заградительной отряд.

Менам висьталігөн бипур дзикөдз ваймөма. Но сійөс лөдсавны эг нин кутөй: колө вөлі мунны ужнайтны.

— Война вылад быдторйис овлө, пиукьяс,— кыпөдчис Кузьмич.— Воуйтөмыдөсь ті, Юра, абу омөля. Важья война дырйи кө, кодсюрөлы вермисны крест өшөдны. Колесниковыдкөд мый лоис?

— Колис ротной пыдди. Сөмын менам ранитчөм бөрын йөзыс өдва взвод мында кольөма.

— Дзик весьшөрө серавлөма командир-пилаыд,— скөрмис Бойцов.— Часлы, ме аддзыла сійөс!

Сэсса друг содтіс:

— Ме төдмалі, мыйла сылөн юрсиыс сэтшөм. Вөлөмкө, сійө лэбавлөма «кукурузник» вылын. Ладожской ты вомөн вуджигөн уськөдчас «мессер». Юранёвлы ковмас дзик ва веркөсас жмитчыны, а сэсса и сунны сэтчө. А делөыс — арын... И берегыс

пö некöн оз тыдав. Ладогаыд море кодь жö. Ме ас синмöн аддзылі. Кысь нин варччöм йылысь лысьтан мöвпыштны. А медся тешкодъыс со мый. Юранёвыд-лөн самолётыд оз вöй. Ачыд тöдан — «кукурузникыд» фанераысь. Нырыс пö вöйö, а бöжыс ва веркöсас. Кувнытö öд некодлы абу окота. Кутчыяс Геняыд самолёт бöжас, а сійö вöйö ськөд тшöтш. Лэдзас — бөр кыптö. Сöмын быттö дельöдчö. Юранёвлөн вын-эбöсыс нин кутас бырны, но сэки гөгөрвоас да сöмын тшөканас öшöдчас самолёт бöжас. Сідзи и качайтчöма сэні, кытчöдз оз во зенитчикъяслөн катер. Бур, мый усьöмсö казьявлöмаöсь. Кор лэптöмаöсь васыс, юрсиыс татшöм нин вöлöма — еджыд. Водзсö, дерт, ог тöд, кутшöм вöлöма.

Бойцовлөн висьтыс, дерт, эз вермы не вөрзьöдны сьöлöмöс. Вöлöмкö, со мыйын делöыс.

— А öд ме, Алексей, ок, кутшöм бура помнита сылысь юрсисö. И не сöмын сійöс...

Ужнайтöм бöрын петі ыркöдчыны. Тайö часьяссö медся ёна радейтлісны полевöй госпитальса йöз, торйөн нин кокныда ранитчöмъяс. Рөмдö. Неыджыд тöv улын кышакылысь пожöмъяс весьтын — кымөръяс сора пемыдлöz небеса. Абу сэтшöм шоныд, но и оз на тöдчы сентябрьскöй войлөн кöдзыд лозшыыс. Плавкнитан кö шынель, оз ло лишнöй, но позьö на и сытöг гуляйтны. Палатка костьясын, то öтилаын, то мöдлаын кыліс варовитöм, серам, кöнкö брунöдчис гитара, гөрд чутъясөн ыпнитлісны чигаркаяс. Позьö шойччыны асылöдз, оз ков повны ни «юнкерсясысь», ни «Берталөн» снарядыясысь. Тайö кадас шойччö и лунтырнад дзикöдз лигышмунöм медицинскöй персонал, дерт, дежурнöйяс кындзи.

Думнам корси Генаöс. Ми бурджыкасö эгö на

удитлөй сёрнитны сыкөд.
Оти госпитальнось, а
быттьо төдтөмъяс. Но Ге-
налон мыгöрыс некон эз
тыдав. Эз вöв сийо и па-
латкаас.

Паськыд ордым петкө-
дис ягысь нöрыс йылö.
код сайын вольсыштчөм-
ны пуктытөм видзьяс. На
шöрти чулясис-муклясис
неждыд ю, кытысь ми
неважон Генакөд да
Алексейкөд видлим кыйны
чери. Тани вöли төдчымон
югыдджык ягын серти, но
сынöдыс ёна ыркыдджык.
Дзик креж йылас пука-
лисны некымын раненöй
да гораа варовитисны. Ме
прöйдити на динти да весь-
көдчи ю катыд. Лоис нин
пöшти пемыд, пуяссö öдва
позис торйöдны öта-мөд-
сьяс. Көсий бергөдчыны,
но сэки орчча кустьяс пи-
ысь кылис кышöдчөм.
Сэссия воис пельöдз.

— Надя, збыльысь,
менам ни öти муса на эз
вöвлы...

Гөлөссö, дерт, ме төди.
И сэк жö ныв вочавидзис:



— Тэ кодь корасысьыд тані уна. Сэсся тэ, Гена, пöшти тшöтшъя мекöд, а быдторсö нин аддзылöмыд, весиг юрсиыд дзормöма...

— А мый?—серöктіс Гена.— Кокусь дойыс не-уна бурдыштас—и шутёвтам миян частьö. Сэки, небось, быдторсö аддзылан. Позяс весиг законнöя гöтрасьны, ёна кö нин полан...

Геналысь кывъяссö орöдіс швачнитöм шы. Сэсся кустъяс шур-шармунісны. Муртса удиті вешйыштын. кызди ме дінті шавксёдіс Надя Огнёва. Недыр мысти мыччысис и Юранёв. Восьлаліс бедь вылас мыджсьöмөн да гажаа шутьляліс «Риголетто» операысь герцоглысь ариясö.

Сійö прöйдитіс дзик ме дінті. Но вöлі зывöк мый-кö шуны сылы, непöштö кыпöдны киöс.

И тайö Юранёв?! Гена, коді не сöмын сөрöма немтор абусö миян курсантъяс йылысь, но и вунöдöм нин Валялы сетлöм кывсö?!

Воёдчи асланым палаткаöдз мöд ордымті, шы-битчи вольпась вылö, вевттьыси шынельөн. Недыр мысти воис и Бойцов, но ме лэдзчыси узьöм улö. Сійö ломтіс вой кежлö пач да водіс жö, а недыр мысти нин нистіс-узис. Менам эськö вежöй петіс жö, но ун пыдди юрö воалісны выль и выль думъяс.

...Гожся лун. Эжвалөн ыркыд да мелі сывйыс сідзи и кыскö тэнö. Сэтчö жö, бона вывсянь вöйтöма подольникъяс, колö найöс видлавны. Кокъясыд асьныс и котöртöны ва дорлань, коді пöшти гортыдкöд орчча. Öшиньясь позьö лыддыны кывтысь-катысь пароходъяслысь нимъяссö. А со и кыркötш. Мый тайö? Оз-ö нин кодъяскö тышкасьны? Сідзи и эм. Тышкасисны чöла, горзытöг ни чирзытöг. Öтарас куимөн, орчча керкаысь Егор Степан, Вылыс Грез-

дысь Кузьма Ольош да Катыд помысь Митрей Паньё. На пövстын медся ёныс — Ёгор Степ, кулакъясыс сылөн мужиклөн кодьёсь. Гыпкас кө, кок йывсьыд пöран. А тайё куим зонкаыслы воча сулаліс тöдтөм детинка. Сылөн нырсьыс лэччис нин вир. Тöдтөм зонкаёс куимладорсянь зырисны валань. Сійё некымынысь заводитліс орöдны кытшө, но кык кулаклы сьёкыд венны квайтөс. Тöдтөм зонка тышкасис бура: весиг Ёгор Степ матыстчыліс сы діно видзчысьөмөн. А мыйён Ольош да Паньё волісны тöдтөм зонкакөд ныр на ныр, пыр жö чеччыштлісны бөрвыв либö зільлісны саймовтчыны Степанлөн паськыд мыш сайё. Но тöдтөм зонкалы век жö лои бöрыньтчыны. Со нин сандалиа кокыс лои ваын, со и мöдыс...

Мый эськө сөветуйтны тайё смел зонкаыслы? Орччөн бона. Веськалас кө сэтчө, то позяс бöрыньтчыны ва шөрлань. Тöдтөм детинкаыд быттьö кывлёма тайё мөвпсө. Здук мысти лои бона вылын, бергөдчис да мөдіс котөртны ва шөрлань, а куим друг — сы бөрся. Паньё, медся жебиник да пельк, водзын, а медбöрас лабутнöя тапиктіс Степ. Тэрмасьны некытчö: гөгөр ва, а быд боналөн овлө пом. Тöдтөм детинка, тыдалö, гөгөрвоис и Степлысь тайё думъяссö, бырс-бергөдчис да варыш моз уськөдчис вөтчысьяс вылө.

Пышйысьлысь мышсö пыдди Митрей Паньё друг аддзис векуштчөм чужөм. Повзис, зэв öдйö бергөдчис да вильдіс, тювгысис да сэтшöма зургис юрнас матыстчысь Кузьма Ольошлы, мый найö кыкнанныс бузгысисны ваö. Степöс тайё шемöсмөдіс, сійö сувтовкерис, тапикасьыштіс да, юрсö буквыша копыртөмөн, мөдіс тöдтөм зонкалы воча. Веныс муніс здук-

мѳд. Сэсса бона вылѳ некод эз коль. Тыдалісны сѳмын ваын упкысь юрѳяс.

— Вот тайѳ да!— кыліс сэки ёсь гѳлѳс.— Ѳтнас куимѳс купайтїс. Мо-ло-дечы!

Видзѳдлі: мясянь неылын чиктыліс радысла да кекеначасис вичкодорысь Валя, велѳдчысь. Быд чеччыштлїгѳн сандали бѳрѳьясыс усьлісны, а кор вѳсны-дик черѳьяса гоѳъявтѳм на кокѳьясыс инмылісны муас, сандали бѳрѳьясыс шлопкысьлісны-волісны асланыс местаас. Гырысь сера ситеч платѳьѳс нѳйтчѳма, киясыс тшѳтш, весиг кельыдлѳз кѳсын-каыс, мыйѳн кѳртыштѳма дженъыда шырѳм шавѳьялысь еджыд юрсисѳ.

— А тэ, Юра, мый он мездысь! Воштїн яндзимтѳ?— Валялѳн неуна водзлань былькнитчѳм руд синѳьясыс друг лоисны стрѳгѳсь.

— Кодѳс дорѳынысѳ? Ставыс со ваынѳсь. Некодлы нин абу забеднѳ.

— Другѳьясыдлы, дерт, ѳбиднѳ,— видчис Валя.— Найѳс и колїс дорѳыны. Ещѳ ѳд вѳлі кѳсьям найѳс комсомолѳ примитны.

— А мый танї лѳкыс?— Нарошнѳ дѳзмѳдчи ме.— Степ радейтѳ тѳдтѳм зонсѳ. Ваас кутчысьѳмѳн весиг шыбитчисны. Кор и тѳдмасьѳмаѳсь. Дивѳ!

А сэк костї тѳдтѳм зон воис берегѳ. Пыдзыртїс гач кок помѳьяссѳ, нюммуніс Валялы.

— Мынтѳй дон видзѳдѳмсьыд! Киносъыд тай мынтысянныд.

Сїѳ вѳлі ар дас вита, миянкѳд тшѳтшѳья. Паськыд пельпомѳьяса, но коскыс зѳв вѳсни, кокѳьясыс кузьѳсь, косѳсь, ѳти мускулѳьяс, сэтшѳмѳсь жѳ вѳліны и сойясыс. Тѳдчис: зонмыс зѳв винѳв да пельк. Юрсиыс сьѳд, чужѳмыс мугов. Синкымѳьясыс паськы-

дось, пöшти öтлаасьöмаöсь кузь да неуна гөрба ныр
весьтас. А синъясыс сідзи и сёйисны Валяös. Менам
морös пытшкын пыр жö чужис вежöгтöм.

— Коді тэ? Кысь татчö веськалін?— юалис Валя.

— Вои овны выль местаö школа помалöм бöрын,
а тані сэтшöм «меліа» чолöмалісны.

Сэк кості локтісны мян дінö и куим друг. Но
Валя дырйи, дерт, эз нин лысьтны водзö тышкасьны.
Сэтчö жö куим друглы, тыдалö, воис сьölöм вылас
тöдтöм зонкаыс, коді ньöти эз дузьяв, а нюмъяліс,
быттьö немтор абу и вöвлöма на костын.

— Ме чайта, мый эз весьшөрö тадзсö чолöмав-
ны?— серöктіс Валя.

— Коді öд кызди гөгөрвоö,— вочавидзис зонка.—
Пыри бона вылö, видзöда: сэні подольник. Коді, ду-
майта, лысьтö кыйны черисö менам бона вывсянь?
Ме öд сплавщик. Сöмын копыртчи, көсья лэптыны —
вувзьысисны этійö куим багатырыс... Но вайö тöдма-
сямöй. Гена. Юранёв. Чайта, мый тіянкöд гождёмсö
колявны оз ло гажтöм.

Вөлöмкö, тайö зонмыс сплав участокса выль мас-
терлөн пи.

— А арнас кытчö?— юалис Валя.

— Лесрабфакö,— вочавидзис Юранёв.

— Ой!— швачнитіс ки на ки Валя.— Ми Зару-
бинкöд сэтчö жö сетім шыödчöмъяснымös. Сідзкö,
лоам öтлаын. А öні, зонъяс, школьнöй участокö! От-
сыштöй нывъяслы нетшкыны градъяс вылысь нявда.

Валя босьтіс сойбордйöдыс Генаös:

— А тэд, потомственнöй сплавщиклы, ковмас за-
водитны, кыз шуасны, «аз»-сянь. Лоан менам син
улын. Эн думайт лытайтны!

Тадзикön тöдмасим Гена Юранёвкöд. Сійö го-

жөмбыд эз торйөдчыв мянкөд. Луннас уджаліс видз да му вылын, а рытнас гажөдчис том йөзкөд. Сійө бура гудөкасис, сьыліс да йөктіс. Та вөсна том зон вылө меліа видзөдісны не сөмын тшөтшья ныв-каяс, но и гырысьяс, кодьяслы кад петны верөс сайө. Дай Геналөн туша-рожаыс эз вөв шыбитана. Но медсясө том йөз радейтлісны кывзыны сылысь висьт-мойдьяс. Мый йылысь сөмын эз висьтавлы! Генаөс кывзігөн ми лоалім и лётчик-геройясөн, и ылыс мирьясыввса олысьясөн, и испанскөй республиканецьясөн, и збой да сюсь пограничникьясөн. Эз вөв му шар вылас страна, кытчө эськө ми эгө воывлөй гожся шоньд рытьясө Эжва берегын пукалігөн. Вочасөн Гена лоис сиктса том йөзлөн нырщикөн, а меным — матысса ёртөн. Ми эгө торйөдчывлөй пөшти некор. Весиг частө узылывлім өта-мөд ордын.

Сентябрь төлысын куимөн — Валя, Гена да мекутім велөдчыны лесрабфакын. Төдлытөг коліс кадыс. Ок, эськө бергөдны кө сійөс, да он тай вермы! Гена лоис курсса старөстаён, Валя — комсомол комитетса членөн. И кор мөдөдчывлім гуляйтны, ме частө шуткаён юавывлі, позьө-ө меным, радөвөй мортлы, прөйдитчыны татшөм ыджыд начальствокөд орччөн. И найө кыкнанныс радпырысь нюмьялісны.

Эг өтчыд шөйтлөй ми паркса аллеясті, кор сәні пу корьясыс вөвліны и вежөсь, и вижөсь, а сәсся гылавлісны да артмөдлісны кок шытө гусялысь небыд вольөс; эг өтчыд сулавлөй Сыктыв берегын да өткодявлөй юсө муса Эжвакөд, эг өтчыд нимкодьясьлөй мөдлапөвса да лесозаводса биясөн.

Эз вөв гажтөм и төлын. Кырув сайса Краснөй гөра бокын кольліс этша места, кыті эськө эз юковтлыны мян лыжиясным.

Ми ёна велалім óta-мөд динө. Кажитчис, мый ог вермөй овны ёрта-ёрттөг öти здук. Но збыльысьсө, вөлөмкө, абу сідз. Тайөс гөгөрвои öти лоөмтор бөрын.

Велөдчим мөдөд курсын нин. Öни ни Гена, ни Валя, ни ме эг нин муной сиктса ныв-зон вылө. Быд-мим, ёнмим, вежсис и олан сямным. Оз тай шуны весьшөрө: йөз няньыд овнытө öдийө велөдас. Торйөн нин вежсис Валя. Но тайөс ме казялі сөмын сэки жө...

Вөліс март төлысь. Асылын да рытын — ныртө чеплялө көдзыд, луннас төпкө войтва. Субөтаө, бөръя перерыв дырйи, коридорын жуысь рабфаковецьяс пөвстысь аддзи Валяөс пөдругаясыскөд. Сув-төді.

— Талун кытчө?

— Кино вылө.

— А билетьясыд?

— Закажитөма,— серөктіс Валя да муніс пөдругаяс дінас.

Воис рыт. Общежитие кильчө помын виччыся Геналысь петөм, медым сэсся öтлаын нуөдны Валяөс. Со и ачыс Валя тэрмасьө нывъяслөн общежитиесянь. Уськөдчи воча.

— А көні Гена?— юаліс ныв.

— Тані,— кильчө вывсянь быттө турбыльтчис Юранөв.— Мөдім!

— Но...— Валя кызкө тешкодя лэптыліс пель-помьяссө.

— Юр, гөгөрвоан?— бара мыктыштіс Валя.

Сэки Гена тэрыба матыстчис, босьтіс Валяөс сойбордйөдыс:

— Миянлы орччөнсө сюрис сөмын кык билет. Эм ещö өти, но мөд радун. На, Юра!

Ме эг вермы не босьтны сійөс. Но кор найö бергөдчисны да вöчисны медводдза воськов, менам кокъясöй эз вөрзбыны местасьыс, эз чепөсйыны найö, кызди вөвлі вөйдөр,— и менö чукөстөм бөрын.

Пыр ылысмисны и ылысмисны кык мыгөр. Öтиыс ыджыд, ён, паськыд пельпомъяса, шалсйö-восьлалö, мөдыс неуна ичөтджык — тотшсьөдö өдйö джөмдалігтыр. Сідзи и бердісны найö рытъя пемыдас ньөтчыд бөрвыв видзөдлытөг. Ме сулалі кокъяс изöймиттөдз. Сэсся посниторъясөдз косявлі билетсө, коді быттьö сөтис ки пыдөсьясөс.

А аскинас, кор паныдасим Валякөд рабфак коридорын, сійö видзаасис, сэсся кызкө тешкодь гөлөсөн шуис:

— Юр, прөстит менö... Аддзан, кызди артмис. Тэ — зон абу шыбитана, а ме кодыд тані уна...

Первойысь быттьö бөкөвөй синъясөн видзөдлі Валя вылө.

Ме водзын сулаліс эз нин косіник ки-кокъяса да дженьыд шырөм юрсияса нывка, а ныв, кодлөн зумыд морөсьяс, гөгрөсмөм ён черъяса кокъяс, а неыджыд юр вылас кыз көсаысь гөгыль. Весиг водзлань неуна былькнитчөм синъясыс лоөмаөсь быттьö лөзөсьджык.

Ассьыс «мыжсö» некымынысь заводитліс веськөдны и Гена, зілис төдмөдны мукөд нывъяскөд, нө ме сэк эг на вермы вунөдны Валяөс.

Тулыснас миянлысь рабфакнымөс тупкисны, сәні лоис сөмын техникум. А гожөмнас, кор ми вөлім каникулъяс вылын, пансис война.

Гена пыр жө кайис военкоматö. Тшөтшъяяс

пиысь сійö медводз, война заводитчöм бöрас, весь-каліс армияö. Частö мөдөдліс письмөяс, гижис, мый велөдчö лётной школаын. Дугдывтöг сөветуйтис миянлы: «Мунöй добровольнö. Кадыс оз виччысь. Паччөр сэрöгад гыжъясигкоста войнаыс помасяс. немтор он и аддзылöй».

А кутшöм шуда синъясөн сэки видзөдіс мир вылас Валя! Быд кывйын, быд вöрасын төдчис дзезны вермытöм ошйысьöм: өд сылөн мусукуыс муніс добровольнö армияö да регыд лоас лётчикөн.

Но Геналөн кывъясыс эз збыльмыны. Со нин мөдөд во кыссьö война, и ми, сиктса тшөтшъя зонъя, удитім нин волены фронт вылө, а кор помасяс войнаыс, чөртыс төдö.

* * *

Асывнас, кызди и век, миянөс садьмөдіс көрт туй станцияланьын германскöй сьökыд снаряжяслөн потласьöм шы. Он, небось, лишнөйтö узы! Бойцов удитöма нин ветлыны сөянла да чайла. Татчö воём бöрын сійö окотапырысь босьтчис отсасьны санитарлы. Сэтшöм нин Алексейлөн оласногыс — уджтöг оз вермы пукавны öти здук. Пöрт мыччигтыр вашнитіс:

— Тэнö командир-пила корсьö, юалис, кутшöм палаткаын олан. А ачыс перевязочной палатка гөгөр бергалö. Збыльысь нөдкыв: кодысь гажыс бырöма, тэысь, сержант ёрт, али Надя-сестраысь?

Палаткаын кодсюрö заводитлісны серавны, но ме скöрысь вомалі найöс. Тані ме вöлі эг нин выль мортөн, а көзяин, коді төдö став пöрадокъяссö да йöзсö, коді оз мөдөдчы некытчö — ни ылысса, ни матысса тылö, а лечитчö буретш тайö госпиталяс,

көні рытнас водан, а чеччан-ө ловйөн — код төдас.

Чай юём бөрын пегі корсыны Юранёвөс. Бойцов заводитліс вөтчыны, но ме косөді сійөс.

Перевязочной палатка дорын сулаліс грузөвик. Сы кузовысь санитаръяс отсөгөн лэччалісны виль раненөйяс. Тані жө вөлі и Юранёв. Ылісянь на төді сійөс пемыд лөз пилотка да сера бөдь сертияс. Юранёв нюммуніс, мыччис кисө:

— Миян «овмөсысь» некод абу. А окота эськө вөлі төдны, кыдзи сәні олөны. И тиянысь, буракө, некод жө абу...

— А тэ төдан, кутшөм частысь ме?

— Суседъяс. Сөмын ми наступайтнысө заводитім мөд луннас, кор тиян дивизияд август 28-өд лунө орөдіс германскөй фронт. Но сәсся, кажитчө, первойя полксө вежис мөд. И вот сәки и лоис. Видзө-дам да, миян суседным, курсантъяслөн батальон, ассыс местасө сетөма немецкөй автоматчикъяслы. Öдва кытшө эг веськалөй...

— Ок, Гена, Гена,— шога артмис менам.— Мыйла колө тешитчынысө? Öд бөрынътчылісны сөмын вой кежлас, а асывнас делөыс бергөдчис мөдарө...

— Сідзкө, и тэ вөлін сійө орчча курсантскөй батальонас?— зэв збыльысь юаліс Юранёв.— Эн дивит, воканөй. Эг төд. Лөкөсь вөліны тиян делөясуд, лөкөсь. Но и миянлы ошйысьнысө немторйөн... Унаөн пуктісны юрсө. Но век жө аттьө тиянлы: чорыда дөжналід немецъясөс.

— Но, мыйла нө либө тешитчан йөз паметь вьлас?— менам гөлөсөй, тыдалө, сэтшөма вежсис, мый Гена повзис.

— Тэ мый йылысь? Висьтав лючки.

— А мый тэ сөрөмүд тані курсантыас йывсыс?
Гена чабыртіс менсым дзоньвидза киос:

— Воканой, өвсы, сайкав. Ставным кө ми лоам тэ кодь букушось, көть джагөдчы. Қоркө өд и сера-лыштны колө. Төді кө, мый тайө тэнө сэтшөма дойдас...

Төдчис, мый Юранев сөрнитө оз сьолөмсяныс, зильө ланьтөдны ме пытшкын садьмөм зверос.

Қөть кутшөма эг кутчыс, а терпитны эг вермы:

— А чувствояснад шутитан жө? Вөлөмкө, тэнад өнөдз на ни өти муса абу вөвлөма. Кокыд бурдыш-тас да шутөвтад частьө, сәні быдторсө позяс вөч-ны, да?

Юраневлөн синъясыс лонсны коль кодьось:

— Кыйөдчин?

— Кывлі случайнө...

— Бара гартчан, конъясьлан кок улын, кызди и рабфакын! И век жө тэ колян дьөбө. Қолө кужны тэрмасыны.

— А Валяыд?— өдва кывмөн артмис менам.

— Валя? Ха-ха-ха...— вөр тырнас серөктіс Юранев.— Чайтан, төдлас? Сылы тырмымөн и письмө-ясыс. Виччысьлас, оз кө пет верос сайө.

Ме видзөді и эг төд ассым вөвлөм другос. Дерт, сы вывті унатор нин муніс война заводитчөмсянь. Велөдчис лөтчикө, лэбаліс, воюйтіс, воштіс ассыс самолөтсө, сы бөрын со мөдыс нин ранитчөма пехо-таын. Дерт, быдторйыс вөвлі. Но позьө өмөй тадзи-көн шыбласьны аслад чувствояснад? Көні сійө вела-ліс? Но шуи ме нарошнө мөдтор:

— А төрыт Огневалөн тырмис төлкыс веськыда вочавидзны. Оз тай, вөлөм, быд сьолөмын сюр мес-таыс тэ кодьясыслы...

— А зэв кӧ колӧ, Юра, Огнѣватӧ верма кольны. Сӧмын ӧд рабфакад моз жӧ кутан виччысьны, корчыкышyd пукяс ныр вылад, а сійӧс колӧ кыйны да садӧкӧ йӧртны. Гӧгӧрвоин?

Дивӧ! Юранѣвлӧн да менам олан туй визьясным быттӧ сюртсис. И рабфак, и Валя, и Огнѣва... Мый ыджа фронт! Сэни ми быттӧ Эжвалӧн кык лыачир, а колӧ жӧ бара тангысьны...

Юранѣв лэчысис матысса пожӧм улӧ, судзӧдіс вышивайтӧм кӧшель, сылӧн ичӧтик зепсьыс кыскис курутчан вӧсни бумага.

— Мый видзӧдан? Тӧдмалін? Валя мӧдӧдіс. И соещӧ: — гимнастёрка зепсьыс кыскис пелькиник тубрас, разис сійӧс. Сэни вӧлӧма шӧвкись вурӧм да вышивайтӧм жӧ носӧвик. И пыр жӧ вӧр пуяс костын мылаа паськаліс сылӧн ён гӧлӧсыс.

«...Сколько заветных платочков
Мы сохраняем с собой!
Нежные речи, девичьи плечи
Помним в страде боевой.
За них, родных,
Желанных, любимых таких,
Строчит пулеметчик
За синий платочек,
Что был на плечах дорогих...»

Геналӧн синъясын вӧлі сы мында шуд! И первойсь лоис завидь, мый война вылӧ мунігӧн некод эз гӧгӧрво козьнавны меным со татшӧм неыджыд чышъянторсӧ.

Гена Валялысь чышъянсӧ видлалігмоз сьыліс и сьыліс. А ме курутчи. Табаклӧн лӧз тшын кольчаяс сайысь аддзи неуна водзлань болькнитчӧм руд синъ-

яс, ичөтик юр вылө венеч моз гартыштөм неуна рыжой рөма көсаяс.

— А-а... Со көнөсь найө!— сувтис миян водзө пошиктысь Бойцов.— Быдлаысь нин корси. Быттьө му пыткас вөйөмаось. Бур, мый сьылөмнытө кылі. Старшина ёрт, позьө тиянлысь гартыштны? Ок, көрыс кутшөм! Верст джын сайсянь пакйө!

— Боец Бойцов,— юалис Юранёв,— мыйла ыстисны тиянөс? Колө вөлі доложитны.

— Мыжа, старшина ёрт,— устав серти нюжөдчис Алексей.— Медсестра Огнёва тшөктис пырысь-пыр корсьны сержант ёртөс.

— Ясно, боец Бойцов,— нюммунис Гена,— өні верман гартыштны да шпуткыны лөзөдтөдзыд.— Сэсся бергөдчис мелань, мудера синмалыштіс да содтіс:— Аддзан, ачыс корсьө тэнө...

Бойцов нуөдіс менө эз перевязочнойө, а операционнойкөд орчча палаткаө. Ывлаысь пырөм бөрын рөмыд палаткаын пөшти немтор эз тыдав, сөмын еджыд халата сестралөн быттьө гипсысь вөчөм мыгөрыс шыбитчис синмө.

— Сержант ёрт, здравия желаю!

Ме уськөдчи тайө гөлөс вылас. И кор синьяс велалисны палатка пыткассө рөмыдас, аддзи Вагинөс. Чужөмыс нюрсмунома-омөльтчөма, бандзибьясыс вөйөмаось сэтшөма, мый черлыясыс чурвидзисны, та вөсна чужөмыс сылөн кажитчис ёна паськыдджыкөн. Сійө куйліс гипсуйтөм коксө нюжөдөмөн, заводтіс чеччыны, но ми Огнёвакөд бөр водтөдім сійөс.

— Сестра висьталіс, тэ пө, сержант ёрт, тани...

Ме пукси Вагин дорө, куті кисө:

— Ёна дойдөма тэнө, другө. Қызди нин сәні миян?

— Этшаён колины.

— Ротной ловья?

— Колесниковыд?— гажаа нюмдіс Вагин.— Командуйтө. Жаль ськөд торйөдчыны. И Аралбаев дзоньвидза. Сержант ёрт, флягаын менам эмышт... Вай кисьтав кружкаясө. Менө аски татысь көсийоны мөдөдны ылі тылө. Гашкө, сэсся огө и аддзысь-лөй да...

— Вагин, тэныд уна оз позь,— шуис Огнёва.— Колө шойчыштны операция бөрад. Вай ме ачым кисьтала тиянлы.

Надя босьтис фляга да быд кружкаө сэтысь сө-дзөдыштис неуна.

— Ёртгяс пуктисны туй вылө. Сестра, колө ва-тайө чистой спирт.

Бойцов уськөдчис вала. А ме заводити восьтыны финкаөн консерв банка, кодос мыччис Огнёва Вагин мешөкысь жө.

Бойцов вайис чайникын ва. Огнёва өлөдіс миянөс, медым эгө ёна вольничайтө, эг мешайтөй орччөн куйлысь сьөкыда жө ранитчөм боецлы да петис па-латкаысь.

— А тэ, Юра, видзөда да, шылялөмыд тани!— кружкаяс ректөм бөрын шыасис Вагин.— Абу дивө. Пөшти нин төлысь коли сийө кадсянысь, кор ми торьялим.

Вагин көть эз и казътыв, но казялі сьлөн шогөн тырөм сингяс серти — мөвпалө Сметанин йылысь.

— Да, оз тырмы ещө өти кружка,— ышловзи ме.

— Юр, гижлин та йылысь гортсаясыслы? Юөрт-лин? Ме сідз жө... Воча кывйыс тай сөмын эз вола-а. Тыдалө, эз на удит. Воас частьө, а ме сэн абу нин.

Медым кеждоны сёрнисö мöдлаö, юалі Вагин-лысь, кыдзи-мый лои менам ранитчöм бöрын.

— Эн на öд вунöд, кöнкö, сэкса атакатö?— курыда нюмдiс Вагин.— Сійö тшак ва на. Ок, и дзескöдлiс бöрас миянöс!..

Чорыда жö, тыдалö, сюрлöма ёртъяслы, сійö бойсö кö Вагин лыддьö кокныдөн.

И вöвлöм серпас сувтiс син водзö. Руд асылын, Сметанинöс гуалöм бöрын недыр мысти, öтлаасим асланым йöзкöд. И кутшöма жö кутiс налөн дивöйс, кор аддзисны миянöс. Лыддьöмаöсь нин кулöмаясөн. Унаөн, дерт, эз вермыны видзöдны миян синъясö: йирис сöвельныс пышйöмсьыс.

— Кыдзи тi петiнныд кытшсьыс?— юалiс старшöй политрук Левада, кодi öнi вöли батальонса командир пыдди. Штабсьыс сійö öтнасөн спаситчöма: бомбитiгас вöлöма курсантъяс пöвстын.

— Эз удитны дзикöдз кытшавны,— висътавлiс Колесников.— Войыс мешайтiс. А югдытöдзыс бöрынъчым: патронъяс эз кольны.

Левада тшöктiс сувтны миянлы стройö. Колесниковöс артавтöг вöлим сизимөн. Ми сулалiм пельпомъяснаным öта-мöднымöс кылиг, съöдöсь, няйтöсь, оръясьöм паськöмаöсь, но сулалiм юрнымöс вывлань чатöртöмөн. Курсантъяс пиысь унджыкыс эськö öнi сетiсны олöм джыннысö, медым веськавны тшöтш миян пöвстö.

— Ёртъяс!— шыödчис курсантъяс дiнö Левада.— Со тайö сизим мортыс, кодъясөн командуйтiс младшöй лейтенант Колесников, тöрыт сувтöдiсны врагöс, эз лэдзны сійöс вöчны водзö ни öти шаг. Не кö найö. делöйс вермис артмыны лөкджыка. Эска, мый талун тi ставөн лоанныд на кодьöсь.

Оз позь вунодны, кутшом синъясон видзодисны мян выло курсантъяс. «Ми но омольджыкось али мый?»— позис лыддыны быд чужом вылысь.

И найо збыльысь петкодлісны, мый абу омольджыкось, кор дас минут мысти заводитчис наступление. Цепь вөрзис местасыс чола. Курсантъяс мунисны ота-модсо син увсыс воштытог, противогазъястог, медым немтор эз мешайт. Васода югнитыштавлісны штыкъяс, кустъяс вылысь киссысь лысваон котасьом каскаяс. Мунисны тэрыба, но лоня. Но век жо корсюрө укшалдыжык мортлон кокъяс улын трачкакывлісны увъяс. И сэки кывліс отделеннойяслон либо взводнойлон гуся голос:

— Видзод кок улад! «Найос» колө суны сэйигуигас на.

Бөрө колины то нюрзюм местаяс, коні ми воялім небыд нитш пытшкө пөшти пидзөсөдз, то кос вөрдяс, коні сука быдмисны пуяс, то баддён тырөм видз модаа неыджыд кушинъяс. Нюр, вөр, кустъяс...

— Сержант ёрт,— шыасис Аралбаев, коді восьлаліс өні мекөд орччөн,— кызди тані йөзыс олөны? Колө керавны пуяссө, косытыны нюрсө. И сэки лоас паськыд-паськыд степ. Пуксы вөв выло да скачиг. А өні со тувччан выло, а воан улө, тувччан улө — воан выло.

— А кор но тайос вочам?

— Дерт, өні некор, вот помасяс война...

Друг матын эрыштчис немецкөй пулемёт, сэсса кутіс тэрмасьомөн помала кыстыны-увтны, тыдалө, водзын мунысь мян разведчикъяс зурасисны немецьяслон боевой охранениекод либо секретьяскөд.

— Водзө!— кыліс Колесниковлөн голос.— Котөрөн!

Онi некод нин эз видзод кокъяс улас, дзебсясьны вöли весьшөрö: гөгөр шутьялисны пуляяс да потласисны пуясö да кустьясö зурасьом бöрын — немецъяс лыйлисны разрывнöйясөн. Та вöсна кажитчылис, быттö мян бөрвылын локтö автоматчикъяслөн цепь.

— Водзö!

— Водзö!— корсюрö горöбтылисны курсантъяс öта-мöднысö ышöдигтырйи.

Ляпкыдик вөр помасис, и ми аддзим «найöс»... Некымын дас немец котöртисны неылын сулалысь мөд вөр дилань, зилисны воөдчыны сэтчö, медым сайдчыны водзвыв лöсьöдөм окопьясö.

— Со найö!— чипöстис Аралбаев.

Курсантъяс нетшыштчисны места вывсьыс. Найöс эз сувтöдны ни водзын, ни бöрын потласьысь минаяс, ни кысянькö шуйгавывсянь тэрыба увтчысь пулемёт. Вывтi нин ыджыд лөглун öзйис морöсьясын, окота вöли косöдны водзöс тöрытья лоөмторсьыс. Ме видзöдлi бөрвылö: кольччысьяс эз вöвны, не кö артавны Колесниковöс, кодi сьöкыда котöртис аслас связнöйыскöд орччөн. Кысь нö олöма мортлы вöтчыны том йöз бөрся!

Водзö ставыс артмис син лапнитмөн моз öдйö. Немецьяс гөгөрвоисны, мый налы не воны вөр дiөдз, кöть эськö сийö вöли матын. На пиысь унджыкыс бергöдчисны мянлань чужөмөн, но вöли нин сёр. Водзынджык котöртысь курсантъяс сорласисны накөд...

Тайö здуксяньыс ставыс гудыртчис. Морöсысь петис курыд лов шы, а сьөлөм сiдзи и чеччис. Водзылын руд нисьö веж рöма курткаа паськыд мыш. Ме гөгөрвоа: сүөдны ог вермы, а жаль, вывтi жаль...

И сэки уси дум вылө, мый кийн дас зарада винтовка. Со кызд, вөлөмкө, колө. И здук мысти нин чеччышта пласътвидзысь-куйлысь немец вомөн, кодлөн кабыръясыс тэрыба шамралёны-парсалёны мусө.

А со и вөр ді. Чеччышта вөсни кызъясөн эжөм стенъяса кузь окопө, водзвылын чирзө Аралбаев, киас сылөн лөсталө сапёрной ичөт зыр, а сысянь шаг кум ылнаын ризөдө немец.

Курсантъяс чеччалёны окопъяс вомөн, котөртөны водзө, кытчө бөрынтьчө враг. Накөд Колесников. Сійө сувтовкерө, сьёкыда лолалө, но чужөм вылас оз төдчы мудзлун.

— Зарубин! Весалөй тайө траншеяссө. Сэссия отсалөй артиллеристъяслы, натөг ми нинөм огө вермөй вөчны, кор матыстчам противниклөн миномётной позицияслань. Татысь ставыс эз пышйыны... Зэв нин виччысьтөг ми вуззысим на вылө. Но смотри! Мед пленнойяс вөліны... Эн вунөд — ми Красной Армия!

Кор ми уськөдчим весавны траншеяяс, өти чукыль сайсянь сяркнитис автомат, сэссия мөд. Вескыд пельпомө быттьө сөтисны зорйөн. Ми лажыньтчим ляпкыдик окопө, дзесим бруствер сайө. Вагин шыбитис лимонка. Взрыв. Чепөсйим. Чукуль сайысь шатласигтыр кыпөдчис вирөсь чужөма немец, а мөд куйлис сы кок улын, траншея пыдөсас чукөрмөм трунда сора ваас. Вагин ырыштчис штыкнас, но ме удити кватитны винтовкасө шуйга кийн, вескыдыс лөтмунис... Сэк жө Аралбаев зяткис кулакнас немецлы черлыас, сійө лөздис-усис пидзөс вылас.

— Дугдөй! — равөсти ме курсантъяс вылө, көть эськө и аслым зэв окота вөлі лөсыштны фашистлөн ныр-вомө. Но та пыдди ме отсалі немецлы сувтны кок йылас. Сылөн нийтөн резсьөм да кельдөдөм чу-

жөм вывсяныыс видзөдісны коль кодъ синъяс, повзьөмысла найө весиг эз лапъявны.

— Вєшьөрө кутін, сержант ёрт,— мурчнитіс пиньнас Вагин.

— Сійө виис Сергейөс,— чирзіс Аралбаев,— а тэ жалитан... Кымынөс виисны, кымынөс калечитісны, а тэ жалитан!

Чукөсті олома боецөс, тшөкті сылы нуөдны пленнөйөс батальонса штабө. Боец йөткыштіс немецөс штыкнас, индіс, кодарө мунны, но мөдыс бара лэччысис пидзөс вылас да, ас ногыс мыйкө боргигтыр, кутіс кыссыны мелань. Вөлі гөгөрвоана: полө лыйлөмысь, кевмысьө.

— Кор бөжтө топөдісны, камрадъясөн, небось, лоим!— век на скөраліс Вагин.— Нуөдөй өдйөджык, зывөк видзөднысө, а то сы вөсна ещө трибуналө веськалан.

Траншеяяс да ляпкыдик блиндажъяс видлалөм бөрын сэтысь некодөс нин эг аддзөй. Мөдөдчим артиллеристъяслы воча. И сэки Вагин повзьөмөн индіс пельпомө:

— Ставыс вир, и соскыд тшөтш...

Сөмын өні ме куті кывны пельпомысь дойсө. Пөрччи гимнастёркаөс.

— Пыран туйыс эм,— чуймис Аралбаев,— а пєтаныс абу... Кытчө нө вошөма пуляыс?

Найө төбисны пельпомөс бинтөн, гимнастёркаөдісны.

— Со и торъялам сэсся,— ышловзис Алим.— А тэ жалитін фашистсө...

— Татшөм рана вөснаыд оз на ков мунны некытчө,— зіли нюммунны ме, көть эськө збыльысьсө эз вөв сэтчөдз. Пельпомөс кутіс чишкавны-сотны.

— Юра,— шога артмис Вагинлөн,— гашкө, кежан санчастьö? Пöсь вывсьыд оз доймы, а бöрын-джык пöгибö воан.

Но ме эг вермы кольны найöс. Колö вöли пöртны олöмö рогнойлысь приказсö, отсавны сорокопятчикьяслы. Артиллеристьяс буретш лöсьöдчисны вуджöдны ассыныс дженьыдик ствола пушканысö траншея вомөн.

— «Эн лэпты буссö, пехота!»— нерыштіс найöс Вагин.— Марш дырйиыд небось тшапöсь, а дзескө-дас кö: «Мезды, пехота-матушка».

— Мый сирасин?— дözмис расчётса командир, сьöдиник юрсияса да мугов чужöма старшöй сержант.— Асьным кыскам, сöмын отсыштöй траншеясö вуджны.

Котөрөн воис батальон штабса связнöй да тшöктіс сувтöдны пушкасö неылын тыдалысь туй бокö, кыті вермасны уськөдчыны миян тылö немецкöй танкьяс.

Кор ми воим места вылö да заводитім артиллеристьяскөд öтвылысь тэрыба лöсьöдны огневöй позиция, локтіс старшöй политрук Левада. Вöлөмкө, ыстөмаöсь виль комбатös, а сійö бара нин комиссаралö. Левада, тыдалö, ранитчöма: юрсö гартöма бинтөн, фуражкаыс öдва öшйöма балябöжас, муртса оз усь. Кодкө вöзйис сылы ассыс каскасö, но Левада эз босьт.

— Розя пöрттö немтор жалитны. А тэныд сійö сгöдитчас на.

Сэсся висьталіс, мый батальон муно водзö, босьтіс нин немецьяслысь миномётнöй позицияс, матыстчö Л. посёлөклань. Но сосед кольччö. Та вöсна фланг видзём могысь, медым таті туй кузяыс эз суйсьыны противниклөн танкьяс, ковмис сувтöдны

ПТО-лысь некымын расчѣт. Мыйӧн сусед вӧрзӧдчас водзӧ, мӧдам и ми.

Водзын гымакыліс бой. Небеса бара тырис «юн-керсъяс» да «мессеръяс» шыӧн. Но враглӧн танкъяс эз мыччысьны. Сэки Левада казяліс менӧ.

— Зарубин, шагом марш санчастьӧ!

— Гвардияса старшӧй политрук ёрт...

— Повторит приказаниесӧ!

Ме кывзыси.

— Абу кӧ ӧпаснӧ, воан бӧр,— нюмъѣвтис Левада.— Сӧмын, гашкӧ, сэки ми лоам неуна водзын-джыкӧсь нин.

Ме очмуні Вагинлӧн инмӧдчылӧмысь.

— Юр, некутшӧм танкъяс тэ ранитчӧм бӧрын эз мыччысьлыны. Кык лун мысти сӧмын волісны. Ми сэтшӧма пыркнитім немецъясӧс, мый найӧ бӧрынтьчисны ещӧ на верст сизим. Тӧкӧтьӧ эгӧ ӧтлаасьӧй ленинградецъяскӧд. Налӧн минаясыс миян дорӧ нин вӧлі усьлывлӧны. Но сэсся фашистыд вайӧдіс фронтлӧн мӧд участокысь выль частъяс, танкӧвӧй десантъяс писькӧдчисны миян мышкӧ да кытшалісны, а миян ротаясын колісны дас вит-кызь штыкӧн. Ачыл мӧвпыштлы. Сутки-кык дорйысим, виччысим ӧтсӧг, а сійӧ эз во. Эз кольны патронъяс, а сӧян-юан да табак йылысь немтор и казътивнысӧ.

Сэки командиръяс шуисны ӧрдны немецъяслысь кӧрт кытшӧ да ӧтлаасьны ас йӧзкӧд. Дыр дасьтысисны, весиг терпениеным бырис. Коркӧ сэсся воис жӧ дыр виччысян час. Водз асылын ми уськӧдчим куш штыкъясӧн атакаӧ. Мунісны ставӧн: и штабнӧй писаръяс, и пӧваръяс, и ездӧвӧйяс. Атакуйтысьяс радын вӧліны и ранитчӧмъяс. Ӑти кывйӧн кӧ, ставыс, коді вермис кӧть неуна легны-вӧрны. А кодлы нӧ

око́та веськавны вөрөг киё? Содтөд төдiм, мый мян-
нөс, курсантьясөс, «найö» пленад оз босьтны.

Котöртам атакаö, а бөрвывсянь эськө мед көть
öти сорокапятка тьявкнигiс, сетiс сьөлөм. Эз. Артил-
леристьяс кыскисны пушкаяссö ас вылас мянкөд
орччөн, видзисны синнысö моз медбөрья снаряжьяс-
сö. А друг да уськөдчасны танкьяс! Сьöкыд вись-
тавны та йылысь. Первойсö зырим бура, а сэсся тай
кыдзи сетыштiс мянлы...

И автоматьясысь, и пулеметьясысь, и танкьясса
пушкаясысь... Ог помнит, кыдзи ми мунiм. Сöмын тө-
дiм, мый кольчыны татчö оз позь. И вот сэки кылис
музыка! Смертьлөн лов шы и сьөлөмтö кыпöдысь му-
зыка! Вөлөмкө, музыкальнöй взводса курсантьяс
абу шыбитöмаось трубаяссö. «Интернационал» вор-
сiгтырйи, копрасьтөг мөдiсны враг вылө... Найö,
дерт, ставныс колисны сэтчö...

Вагин пыр топыдджыка и топыдджыка шамыртiс
менсьым киөс, сьлөн гөлөсыс лоис пыр лөнджык да
орьясянаджык.

— Найö колины, а вот мян пиысь унаөн петiсны
кытшсьыс... Ранитiс менö пöшти ас йөзкөд öтла-
сигөн нин. Снаряд торпыригөн.

Висьт помасис. Быдөн олисны чөв.

— Сестра, кисьтав кружкаясас,— бара шыасис
Вагин.— Қазытыштам мянлысь музыкант-геройясөс.

Вөлөмкө, Огнөва танi жö. Қор сийö бөрсö пырöма,
эг и казьявлы. Вель дыр мөвпалөм бөрын, быттьö код-
лөнкө юалөм вылө, Надя вочавидзис:

— Да, ми сэнi коламджык. Колö тэрмасьны.

— Қытчö?— юалис Вагин.— Ме, например, ыли
тылө, а тэ, Надя?

— Регыд кывлад,— стрōга шуис Огнёва да петіс палаткаысь.

Меным мыйлакō лоис гажтōм Надя мунōм бōрын, окота лои тōдмавны, кытчō сестра тэрмасьō. Вōлі зэв жаль и сійō, мый Гена Юранёв эз кывлы менам ёртъяс йылысь Вагинлысь бōръя висьтсō.

ПРōСТИТ МЕНō, ВОКАНō!

Вагинōс пыді тылō колльōдōм бōрын регыд мысти муніс аслас частьō и Юранёв, а стōчджыка кō шуны — пышйис. Воддза рытнас на аддзысьлім сыкōд.

Улōдз өшйōм кымōръясысь дугдывтōг буситіс зэр. Вōрыс нора шувгис. Войнас, кор палаткаын куйлігмоз кывзысян сылōн шыясō, лолō шуштōм. Со трачнитіс кōнкō кос ув. Коді сэні ветлōдлō? Со пельтō съōдмōдмōн дзуртō кутшōмкō пу... Бытьōкō вōрсаыс норасьō лēк поводдя вылō, шогсьō бōрō кольōм югыд шондіа лунъяс да ыркыд сэзь войяс вōсна. А палатка вевтō сідзи и сяргōны, сідзи и сяргōны-жугласьōны зэр войтъясыс. Но пытшкōсладорсяныыс палатка пōтōлōкъяс и стенъяс вōліны коссь: Бойцовкōд пессō эг жалитōй. Оні мян киясным вермисны нин вōрны, пессō вōчим асьным, норма вылын эг пукалōй. Палаткаын кыкōн и олім, съōкыда ранитчōмаясōс тані недыр видзōм бōрын мōдōдісны бурджыка оборудуйтōм госпитальясьō, а выльяс передōвōйысь эз воавны: фронт сувтōма оборонаō.

Татшōм улыыс лунъясас ми весиг дугдім ветлив-

лыны матыс сиктбердса эновтём муяс вылө карту-пельла да свеклөла, мыйысь Бойцов пулывліс сэтшөм чөскыд рок, көть кывтө нбылышт! Татшөм рытьясысь өтиө воис Гена. Пыригмозыс на чорыда ёрччыштіс:

— Кос сунис эз коль вылысө. Плащ-палаткаяс оз сетны, веськыд мат.

Чуйдіс шахматасыны. Но, тыдалө, аслыс вөлөма не ворсөмөдз. Сувтөдлісны Бойцовкөд фигураяс, некымынысь петасисны, сэсся Гена руз-раз сорлаліс ставсө.

— Матөдзыд өд ылын на вөлі,— чуткис Геналы дөзмөм Алексей.— Мыйөн кутан ворссыны — пыр и дзуглан.

— А тэ, боец Бойцов, командирөс эн велөд,— шуткаөн вомаліс мөдыс.— Сійө ачыс төдө, кор да мый вөчны.

— Ворсігад нө кутшөм тэ командир?— дзикөдз дөзмис Алексей.— Сэтчө жө и ранитчөмыд. Абу өд стройын. Чапаев со кутшөм вөлі и то боецъяскөд йөктывліс-гажөдчывліс.

— Тэ диалектика велөдлін, боец Бойцов? Эн? Ставыс вежсьө, выльмө. Чапаев вөчліс сідз, а ме тадз. Бурджык, овощной рагунад чөсмөдышт...

— Ветлы му вылас,— вочакывъяліс Бойцов.— Пунытө абу дыр, со тай кызди пачыс ломтысьсө.

Ме гөгөрвои, мый Юранёв тайө рытө локтөма миян дінө абу шахматъяс ни овощной рагу вөсна. Но ме эг тэрмөдлы. Воас кад — восьтас сьөлөмсө. Сідзи и лоис. Гена коньөр кодь синъясөн видзөдліс ме вылө, ышловзис:

— Юра, а мем, буракө, не нин качөдчывны вөль-

ной небесаас. Талун доктор шуис, видлаліс да. Мө-
дөдам пө запасной полкө. Чөрт! Кок вөсна оз лэдз-
ны. А сійө менам көрт кодь нин...

— Мый нө либө бедытө он шыбит?— юалис
Бойцов.

— Бедь — память пыдди. Нуа гортөдз, тшөкта
куим томан сайө дзевны. Мыйкө өд колө жө коль-
ны казтылөм вылө, а то орден ни медаль...

— Найөс, ме думысь, бөрынджык кутасны сетав-
ны,— вочавидзис Бойцов.— А өні мыйысь? Ассы-
ным сиктыяс да карьяс энөвтөмысь?

— Ок, и боец Бойцов! Европа мездысь! Көнкө
гимнастёркаад розьяс нин вөчалин? Сөмын өшөд ор-
денъястө. Он-ө чайт, мый тани туплясьөмысь награ-
дитасны? Йөзыс воюйтөны, а ми шоныд пач дорын
рытйысям. Аски жө муна асланым частьө!

— Пышъян?— юалис Бойцов.

— Ог өд фронт вылысь, а сэтчө! Та мындасө колө
жө гөгөрвоны.

Дзикөдз дөзмөм Алексей водліс нар вылө, но сяс-
ся чеччис бөр да крапкис:

— А Надятө, Огнөватө, тшөтш босьтан?

Но Гена эз шөйөвош, кыскис зепсыс Конакова-
лысь фотокарточкасө да мыччис Бойцовлы:

— Менам век сьөрысь Валя, а абу Надя, боец
Бойцов. Төдмась. А Огнөвайд... Мөд сылөн коксө
шонтысыс...

— Век көсьян кодөскө чуймөдны,— шусис менам,
кор казялі Геналысь ме вылө мудера видзөдлөмсө.

— Тэ мый йылысь? Мый Валяөс эг вунөд?

— Госпитальсьыд пышйөм йылысь,— кежөді ме
сёрнисө.

— А мый, чайтан, ылөдча? Ог, Юра. Узя мед-

бөръя вой. Сьолём веськыда потны кутіс, кыскө ёртъяс дінө. Мунам тшөтш. Ме гижлі Валялы, мися, отлаынось. Шуө, энө пө нин торйөдчөй, позьө кө. А найө гожөмбыд запанын уджалөмаось. Сьодкыркөтшын. Верстьө мужикыс пө некод абу, сөмын нывбабаяс да зонпосни. Сьөкыд налы, сьөкыд... Оз эськө гиж та йылысь, да өд ставыс гөгөрвоана... Тэныд, Юра, ыджыд копыр. Колөкө, лыдды.

— Аттьө,— вочавидзи кыз верми веськодъджыка.

— Век жө отлаын быдмывлід, велөдчылід,— шога шуыштис Гена.

Сэки кийй ачыс нюжөдчис кыз бумагаысь вөчөм конвертлань. Тыдалө, Валя клеитөма сійөс ачыс. Конверт вылас гырыся гижөма полевөй почталысь номер. Окота вөлі аддзыны сы улысь ним-вич-овсө эз Юранёвлысь, а ассым, но нинөм он вөч. Сьолөмөн кылі: медым лоны тані шудаөн, меным буретш и эз тырмыны татшөм письмөясыс.

Ме бура төді Валялысь почерксө. Шыпасьясыс посныдикось, рөвнөйөсь, ясыда торьялөны өта-мөдсьыс. Но со найө кутісны вевттысьны руөн, чеччавны син водзын, а сэсся и дзикөдз вошисны... Гусьөнник чышкышти вазьөм синъясөс и стрөг шыпасьяс сувтісны асланыс местаө, быттьө салдатьяс стройө.

Сэсся син водзө сувтіс свинеч рөма йи кодь көдзыд ваа Эжва, кузя нюжөдчөм бонаяс, кодьяс жмитөны береглань лыдтөм-тшөттөм керьяссө. Бонаяс вылын зіля вөрөшитчөны багырьясөн нывьяс, зонпоснияс. Буситө зэр, вальялө Эжва. Улісянь ва и вылісянь ва. А сувтлыны оз позь ни өти здук кежлө: еджыд пөв вылө сирөн гижөм кывьяс чуксалөны: «Дона ёрт! Тайө вөрсө виччысьө фронт!» Дерт, пурьясысыс и асьныс бура гөгөрвооны тайөс. Со

мыйла налөн сардмөм-потласьом киясыс смена чож оз торйодчывны багыр воропьяскөд.

«...А төрыт миян висьмис өти шлакуйтчысь. Ёна кынмис да. Налы өд медся сьокыд: лунтыр лоо сой кызта снастьон пур юрсө вурлыны. А арся ваыд, ачылд төдан, кутшөм. Но и бригадир юалө: «Коді сувтас шлакуйтчыны? Уджыс сулалө». Нывьяс чөв олөны, дзоргөны сапөг нырьяс вылас. Чөв олі и ме. А бригадирным: «Сідзкө, тадзи и кутам сулавны?» Сэки сөгласитчи ме. Жальөй петіс пөдругаяс вылө, өткымынөн на пиысь зэв нин жебиникөсь, лөз вез кодьөсь, кыз шуасны. А кысь нө гosity? Первойсө, Гена, киясөй ёна кынмисны. А сэсся быттьө велалышти. Шонылд весиг лоис. Сөмын рытнас өдва вои плашкаутөдз. Сөйны весиг оз ков. Но немтор, Гена, ме велала. Ещө лун-мөд, и кокныдджык лоө. Тадзи шуө бригадир. А ме сылы эска.

Шонылд лолө сьөлөм вылын, кор казътывлам нывьяскөд тиянөс, Гена, ми пасьялім вель уна керьяс. Колөкө найө веськаласны буретш сэтчө, көні лоан тэ. Тэ өд помнитан, кызди ме пасйысьывлі. Блиндажтө стрөитігад видлавлы керьяссө».

Ме невөляысь нюммуні. Жерьялісны и Гена Бойцовкөд. Вөлөмкө, письмөсө менам гораа лыддысьсө.

— Но и төлк жө налөн,— шыасис Алексей.— Найө өд пурьялөны пиловочник. Сійөс татчө оз вайны. Блиндаж вылад, майбыр, вөрыс тані тырмас. Медтыкө вөлі чер да пила.

— Оз позь тадзи, Алексей,— небыда вомалис сійөс Гена.— Мед думайтасны, мый налөн вөрыс воө татчө. Сэки и налы лоө кокныдджык... Тадзи и гижавоча кывсө.

Ме мөвпнам аттёалі ассыым другёс. Абу нин сэтшөм шыбитана зон сійё.

Водзё письмёсё лыдди ас кежысь. Валя гижёма, мый Юралён да менам гортсаяс дзонвидзаёсь, уджалёны сплав вылын да колхозын. Юёртёма, кодьяслы воёмаёсь похороннойяс, кодьяс вошёмаёсь некутшөм юёртөг. А помланьыс пасйёма: «Сійё, Юрайд, кёнкё, век на важ кодыс кид. Но сёлёмыс сылён небыд, Гена. Ті кызкё-мыйкё эн нин торйёдчөй. Век нин ас йёз. Верманныд отсавны ота-мөдлы сёкыд кадё. А тэ, Гена, эн шогсы, он кё веськав авиацияд. Кодлыкё өд колё и му вылас тышкасьны. Со и ставыс. Аддзысылытөдз!»

А дзик помас содтёма кывъяс, кодьяс эз вермыны не вөрзёдны менсыим сёлёмёс: «Ме виччыся тиянёс кыкнанныдтё. Видзөй асьнытё. Бөръя кывьяссё, чайта, гөгөрвоанныд правильнёя».

Ме дыр пукалі чөв, вөлі зэв неокота торйёдчыны тайё письмёмыскөд. Но быдторлы воывлө пом. Со нин конвертыс Гена кийн, со вошис гимнастёрка зептас.

Ми ышловзим отпырйё Бойцовкөд.

— Сёкыд налы...

— А мянёс виччысёны ещө на сёкыдджыкторьяс,— шуис Гена, сэсся кызди и век бергөдіс шуткаё:— Помасяс война, пуксёдам Валя коддьёмьясёс ен ув пельёсъясё... Асьным, дерт, орчөн...

— Помавны на колё войнасё,— гарыштіс Бойцов.

— И помалам!— öзйис Юранёв.— Тырмас тан жөвъявны. Мунам аски, Юра. Лыжнёй батальоньяс пө формируйтчёны. Сөмын эськё веськавны сэтчө. Али Огнёватө жаль кольны?— друг юалис комиён.— Эн көть бара скөрмы. Ог вермы шмониттөгыс...

Дыр на варовитім-пукалім тайё рытнас Генакөд. Сэсся сійё муніс. Сэки ещö на юаліс, көсья ог сыкөд öтлаын пышйыны госпитальысь. Сöгласитчыны эг вермы.

— Тэ öд, Гена, век көсьян геройön лоны. Ог ошкы. Видзöны тані, сідзкө, колö. Чайтан, весьшөрö нянь сёям? Пышьян прамöя бурдтöг да частяд сöмын лишнöйön лоан. А öні йöзыс тырмö: оборо-наынöсь.

— Йöй!— вомаліс менö Гена.— Эськө öти частьö веськалім. Но прöстит менö ставсьыс, воканöй.

Ми топыда кутчысьлім. Воккөд моз прöщайтчис Гена и Бойцовкөд.

— Мыйла «прöщай»?— шуис Алексей.— Колökö и аддзысьлам на... Ми öд лызнад ветлыны кужам жö...

— Вернö!— гажмис Гена.— Юөрта, кытчö веськала,— и воськовтіс ывлаö.

Аскинас сійöс госпитальысь эз нин аддзыны. Ре-гыд мысти муніс матöджык передöвöйлань и Огнёва. Госпитальын раненнöйяс вöліны этшаöнöсь, и сійöс лэдзисны. Надя воліс и миян палаткаö. Дерт, эз öтнас, а Кузьмичкөд. Ми лöсьöдім мыйкө празник модааöс. Чусыда ломалысь телефон кабель пыдди яра öйис карбиднöй лампа. Плащ-палаткаön вевт-тьöм нар вылын восьтöм консерв банкаяс, картупель-печенча, салдатскöй пöртйын руалö Бойцовлөн овощ-нöй рагу. Сэні жö сулаліс и Кузьмичлөн миянлы тöдса нин флягаыс.

Неуна гажмыштöм Надя висьтавліс аслас олём-вылём йылысь. Ленинградка. Война водзвылас по-малöма десятилетка, сэсся велöдчöма медицинскöй сестраяслөн курсьяс вылын да веськалöма абу Ле-нинградскöй фронт вылö, а Ладога тöлөн асывыв

берегө. Онөдз уджалө госпитальясын. А окота весь-
кавлыны передөвөйө.

— Сэни өд ми коламджык? Сідз өд, Кузьмич?—
быттьө дорысыгмоз юалис.

— Тіян, нывъяслөн, киясыд некөн абу лишнөйөсь.
Сөмын, Надя, асьтө колө чередитны: сэни өд абу ви-
ссысыас...

Надялөн еджыд синкымъясыс скөра кыпавлісны
вывлань, руд синъясас — өбида:

— Коді, коді, а тэ менө, Кузьмич, төдан...

— Төда, нылук. Но сэн эмөсь и сэтшөмъяс, кодъ-
яс ыстысьоны, мый война пө лоө ставсыс мыжа.
Мустөмта ме сэтшөмъяссө, но и тэныд эськө колө
сэн чорыдөн та кузя лоны.

Надя прөщайтчис миянкөд. Сылөн доршасис син-
ваыс. Татшөмөн и колис сійө менам паметьө: тасма-
өн топыда зэлөдөм гимнастёрка, код улысь чурвидзө-
ны водзлань неыджыд, но зумыд морөсьяс, защит-
нөй рөма юбка увладорас гөгрөс черъяса кокъяс да
кирзөвөй гөленя сапөгъяс. И синва сора нюм.

— Оз өмөй сюр тіян пиысь ни өти удал кавалер,
коді эськө збоймөдчис колльөдны менө?— петігас нин
шуис Надя.— Ывлаас со вой. Али гвардияыс полө
жө войсьыс?

Лои гөгөрвоана, мый тайө абу сөмын дэльөдчөм,
тайө мыйкө мөдтор. Бойцов бергөдчис мөдарө,
а Кузьмич сөмын здук видзөдліс лыс кодъ кузь да
дзормыштөм синкымъяс увсяныыс.

— Гвардияын полысыас абуөсь,— серөкті ме шы-
нельөс пасьталігмоз.

Петім ывлаө, сувтім ыджыд пу улө. Сэтчө зэрыс
эз инмы, сөмын корсюрө лысыасас чукөрмөм ваыс

гырысь войтъясон шнѣпкысьліс мян вылѳ. Но та вылѳ видзѳдтѳг съѳлѳм вылын вѳлі шоньд.

— Ті вѳвлід Ленинградын?— юаліс Надя.

Морѳсѳ ылькнитіс радлун: Надя оз тѳрмась гортас. Но мыйла панѳ выль сѳрнисѳ? Аскисянь жѳ мян туй визьясным вожаласны. Прѳйдитас кад, и вушьясны вежѳрысь тані коллялѳм луньясыс.

— Ме Сыктывкарысь да Архангельскысь кындзи некѳн на эг вѳвлы.

— Ті велѳдчид Сыкт-тык-варас? Кывйьд оз бертлась. Но и ним. А мый сійѳ лоѳ рочѳн?

— Сыктыв ю дорын сулалысь кар.

— О, кутшѳм кузь! А мян квартираным ѳні тыртѳм...

— Некод абу?

— Абу. Бать усис финскѳй кампания дырйи, а мам куліс таво тѳв. Весиг дзєбнысѳ эг вермы ветлыны...

Ми олыштїм чѳв. Со и бара ѳти жугалѳм олѳм. Быдѳн эз ло лѳсьыд Надя водзын сысысь, мый менам кѳнкѳ ылын эм горт, мый сѳні спокойнѳя олѳны да уджалѳны бать-мам, чѳйяс.

— Помасяс война, волы гѳститны,— абутѳм мыжѳс ас вылысь вєштїгмоз шуи ме.— Мам-бать менам бурѳсь. Нылѳс моз примитасны.

— Найѳ ѳд быдѳнлѳн шаньѳсь,— сѳгласитчис Надя.— А тїян дерт нин. Тѳлктѳм бать-мамлѳн прамѳй быдтас оз овлы.

— Тайѳ комплимент?

— Эг велавлы висьтавлыны найѳс,— вочавидзис Надя.— Ті менѳ, гвардияса сержант ѳрт, он на тѳдѳй. Ме ог куж дзєбны мѳвпьясѳс. Мый юрын, сійѳ и кыв йылын. Та вѳсна весиг кодсюрѳ менѳ оз ра-

дейтны. Коді? Тэнад землякыд, например, командир-пилаыд, кызди ыдждөдлө сійөс Бойцов.

Телепит лои юавны, төдө оз, мый ме кывлі юдорса сёрнисө, но кутчыси. Заводитіс ачыс Огнева:

— Юранёвыд — хам. Коркө өтчыд ветлім ыркөдчыштны ю дорө. Мем окота вөлі төдмавны, кызди передөвөйын олөны-вылөны санинструкторъяс. Но и юасьны куті, а сійө...

Сөвестыс абу! А тіянлы нө мыйла некутшөм ныв оз гиж?— друг юалис.

— Эг удитлы лөсьөднысө. А госпиталяд...

— Кодъяс дыр олөны тані, велалан на дінө, бытгө ас йөз лоөны, жаль и янсөдчынытө,— водзө нуөдіс Надя.— Откымынөн письмөяс и быдөн ыстывлөны. А ті эськө, гвардияса сержант өрт, энө гижөй меным?

— Қытчө? Ті жө өд аски мунанныд,— шемөсми ме, а сьөлөмөй радысла морөсө эз кут төрны.

— Ёна кө көсьян, аддзан, небось, кытчө,— зэв збыльысь шуис ныв.— Сідзкө, он көсйөй.

— Надя!— Ме босьті сылысь васөд да небыд кияссө. Сійө эз нетшышт найөс.— Но кысь ме төдмала тэнсыд адрестө?

— Ме верма юөртны. Сөмын, Юра, эн чайт, мый мырдөн суйся,— сійө, первойысь шуис менө нимөн.— Колөкө сэсся огө и аддзысьлөй. А помасяс война, воы Ленинградө. Кута виччысьны. Сыысь мича карыс, Юра, сэсся светас абу. Оні, дерт, ёна сійөс жуглісны-а. Но мян квартираным дзонь на. Қызди ме өтнамсө сәні кута овны? Вежа кодкөдкө. А то мам лоө век син водзын, век лоө син водзын. Волан, Юра?

— Вола,— ме киясөс пукті нывлөн пельпомъяс
вылө, кыскышти сійөс ещө матөджык.

— Честнөй пионерскөй?

— Честнөй пионерскөй! И под салютом!

— Миян нывъяс, көнкө, стынитөны, а ме тэныд
узны ог сет. Аддылас кө эськө политрук!..

Огнөва друг кыпөдчис кок чуньяс йылас, ставнас
нюжөдчис мелань да шөпнитіс:

— А өні окышт менө ёна-ёна!

Ме дзикөдз шемөсми: өд некор на эг окасьлы,
а сөмын киноысь аддывлі. Но мый лоаныс ло! Куни
синъясөс, быттьө йирө чеччышта, топөді кывзысьысь
нылөс ас бердө..

Көнкө тайө зэр улас шытөг сулалісны часөвөйяс,
дзоргисны пемыдас секретъяс, кывзысисны полевөй
караульяс, кыссисны «гөститны» вөрөг ордө развед-
чикъяс, ымзісны госпитальнөй койкаяс вылын сьөкы-
да ранитчөмъяс, тэрмасисны рытыввылө салдатъяс
тыра эшелонъяс, gryмакылысь-уджалысь заводъясын
рабочөйяс дорисны фронтлы оружие, сиктса йөз ид-
ралісны урожай. И тайө жө зэра да пемыд небеса
улас, татшөм лөсвятөм кадас, аддысисны кык ловъя
лов, кодъяс лыа чиръяс моз зурасисны төдлытөг да
аддысисны дженъыд шуд.

— А менө первойысь на окыштіс зон,— ордчис ме
дінысь Надя. Ок, ылөдлі. Отчыд окыштіс нин. Оти
классын велөдчысь. Но эз сідзи, кыдзи тэ. А кыдзи...
вок чойөс. Но, овлө тай сідзисө... Он өд вежөгты?

— Ог.

И Надя бара нюжөдчис мелань..

* * *

Ноябрьскөй празникъяс бөрын миянөс Бойцовкөд
лэдзисны госпитальысь. А таөдз ковмис на мыр-

сьыштны батальонын, көні вөліны бурдыштөм раненөйяс. Кыскалім кер, заптім пес, грузитчим-ректысим станцияын. Тайө уджыс содтіс вын-эбөс. Эз на удит воны Надясянь юөр, кызди корисны комиссия вылө.

— Сідзкө, өтлаын лоам,— радліс Алексей.— Тэ, сержант ёрт, эн вунөд босьтны менө отделениеад.

Ме, дерт, видлі вөзйысьны асланым дивизияө, но оз тай ставыс артмы сідзи, кызди көсьян. Комиссия-са председатель, верстыө арлыда майор, висьталіс, мый миян дивизия өні пыді тылын, выльысь формируйтчө, и меным ковмас служитны сәні, кытчө найө индасны.

— Лыжиөн исласьлін?— юаліс сійө.— Лоан лыжнөй батальонын!

— А тиян батальонын, майор ёрт, Юранёв оз служит?

— Вөвлөм лётчик? Старшина?— майор пыдди во-чавидзис старшөй лейтенант:— Тэнад земляк? Эм сә-тшөмыс.

Тадзикөн ми бара аддзысим Генакөд.

Заводитчис велөдчөм. Ме ог кут висьтавлыны сизимдасысь унджык верста марш-бросокъяс йылысь, трачкөдчысь көдзыдъяс да сотөм көм-паськөм йылысь: узьлім бипуръяс дінын, миянөс вежонъясөн эз лэдзлыны шонтысьны землянкаясө. А 1942-өд вояся тöлыс Ленинградскөй областын вөлі вывті көдзыд. Унмовсьөм бөрад мортыд век сетчыштө бипурлань, зильө шонавны, кытчөдз оз кут тшынавны кыткө. Таысь, дерт, чорыда сюрлывліс ми воклы. Но зато ми велалім не казавны любөй мороз, бипур дорысь кыпөдчөм бөрын пөрччысьлім коскөдз да ниртчылім лымйөн. Ог помнит, медым кодкө кынтыліс кисө либө

коксö, а тактичеськöй занятияс дырйи ковмывліс куйлыны лым вылын пемыдсянь-пемыдöдз.

— Гортын кө, важөн нин водтöдисны больничаö,— шулывліс Бойцов, коді веськаліс менам отделениеö,— а тані, тыдалö, енмыс видзö...

— Организмыд ёнмö,— вочавидзліс Гена Юранёв.— Öні сійö тэнад көрт кодь на, а тöлысь-мöд мысти пöрас стальö. Сэссия öд гортаным тэа-меа эг жö овлöй Ильюша Обломов моз. Со и крепыдöсь.

— Старшина ёрт, ещö на тöлысь-мöд кутасны нокны миянöс?— юасьлісны боецъяс.— Кор нö бояс патам? Колö Ленинградлы отсавны, йöзыс сэні тшыг нисьö пöт олöны.

И пансьывліс сёрни Ладожскöй тывывса «олём-лөн туй» йылысь, коді, көть и коставлёмөн, но век жö вердіс-удіс Ленинградöс, сійöс дорйысь боецъясöс; казътывлісны Сталинград, көні сöмын на неважөн помасисны бөръя бойяс. Төлкуйтлім и асланым Волховскöй фронтлөн делöяс йылысь. Тані чöв. Салдатъяс оз лыддыны бойяс пыдди артиллерийскöй да миномётнöй налётъяс, враглөн да миян разведкаяслысь паныдасьлёмъяс либö кутшöмкö опорнöй пунктысь гарнизон жугöдöм.

Быдөн гөгөрвоисны, мый дасьтысьöны гырысьджык делöяс кежлö, мый тайö тышас ог медбөръяён лоöй и ми — лыжнöй батальон. Салдатлөн сюсь синмыс быдторсö аддзö. Ладожскöй тылөн лунывв бергса вөръяс лунысь-лун тырисны выль войскаөн. Лоис быдөн дзескыд: кытчö он мöдöдчы, зурасян тöдтöм боецъяскöд либö веськалан выль артиллерийскöй позицияс вылö. И став тайö йöзыс да техникаыс мырсис-уджаліс да оліс шыч ни рач. Весьшөрö гöгралісны вөр весьтті «рамаяс», лэбалісны туйяс пöлөн:

позьö öмöй мыйкö казьявны кыз лымайöн шебралöм вöрысь, кор сэнi дзебсясьöны асьныс пармалöн пиян.

Частö воливлис мян ротаö и майор, кодi бöрийс йöзöс аслас лыжнöй батальонö. Овыс сьлөн вöлöма Курков. Москваысь. Ачыс зэв бур лыжник. Гажа оласнога. Радейтiм сылысь öти тырмытöмтор: кужан кö бура ветлыны лыжиöн, ставсö прöститас.

— Синъястö моз видзöй кокъястö, лыжиястö!— велöдлис Курков.— Зыртiс коклябöртö либö чегис лыжид — тэ абу нин боец. Батальон оз кут виччысьны, а мый верман вöчны öтнадөн враг тылын?

Майор радейтывлис здук-мöд пукавны мян взвöдын. Мыйла? Висьтала. Öтчид сизимдас километр зэв öдйö мунöм бöрын юöртiсны, мый кодi кöсийö, вермас участвуйтны кроссын. Ковмас пö котöртны лый-сигтырйи содтöд ещö вит верст.

Шоч лыжникъяс вермисны вöчны тайöс, а мян взводысь котöртiсны быдса кык отделение. Öнi гөгөрвоана лои?

Майорöс пыр жö кытшавлисны боецъяс, а сийö висьтавлывлис аслас ёртъяс-спортсменъяс йылысь, кодъяскöд öтлаын тышкасьлöма белофинъяскöд. Ми гордитчим асланым командирöн, нимтылим асьнымöс курковцыöн.

Майор, дерт, кывлис тайöс, но некор эз вомавлы боецъясöс, сöмын содтывлis:

— Петкöдлам вот асьнымöс ещö делöын.

— Сöмын кöсийсьöны, дöзмим нин виччысьнысö.

— Терпитыштöй,— вочавидзлис броткысь боецъяс-лы Курков.— Чайтад, меным окота пукавны тайö по-жöмъяс улас? Найö, дерт, мичаöсь, но лöсьыд ним-кодьясьны наөн мöд кадö...

— Гөгөрвоам, майор ёрт! Чукöртыштам вынним-

ös, а сэссия кыдзи сетыштам фашистъяслы ныр-во-мас — тутасны веськыда Финской заливөдз.

Радейтліс майор Генаос. Батальонын öти старшина и командуйтіс взводөн — Юранёв. И тайö гөгөр-воана: Генакөд вермис венласьны вынъяснас шоч лыжник. Менам друг эз радейтлы удждыны суседыслысь ни вежөрсө, ни збойлунсө.

Сылы частö гижліс Валя Конакова. Письмөяссö лыддьывлім öтлаын. Важөн нин вуніс миян госпитальын «тангысьлөмным».

Кузьмич пыр меным удайтчис йитчыны Надякөд. Письмө сертиыс төдчис, мый ныв көнкө матын. Но көні?

— Төдан мый?— чуйдіс Гена.— Шыөдчылам майор дінө. Отсалас төдмавны. А сэссия выль вося праздник дырйи вөйысьлам. Лэдзлас. Тэа-меа пöшти медбур лыжникъяс. Помнитан кросстө?

Но Геналөн ветлытөм нин лои Надя Огнёва дінө.

Декабрь помын миянлысь батальоннымөс некымын лун кезлө суйисны оборонаö — передөвөйө: вежим сэтысь кутшөмкө стрелковөй часть, коді вешйис матысса тылө шойччыштны. Ми сулалім асланым дивизиялөн веськыдладорас. Орчча дивизиялөн первой батальонөдз костыс вөлі поводнөй ыджыд, гашкө, верст. Медым сэті эз пыр миян мышкө немецъяслөн разведка либө автоматчикъяслөн группа, сэні сулаліс полевөй караул. Боецъяс эз радейтлыны ветлыны сэтчө: ас йөзөдз абу матын, вувзьясысны кө немецъяс, отсөг регыдөн оз во.

Ковмис ветлыны сэтчө и миян взводлы. Но Гена эз кывзысь менсьым, нуөдіс эз нельнан отделениесө, а сөмын кыкөс.

— Луннас вежасны миянөс. Мыйла сутки чөж

став боецьяссö мөритны? Сэні өд шонтысьнытö некөн, весиг куритчыны оз позь. Вой кежлас караулса начальникнас муна ачым, а тэ кутан отсасьны.

Вензыны вöлі весьшөрö. Геналы шу кöть эн. Но и мед! Öнөдз кö сэні вöвлі лөнъ, то мыйла тавой быть колö лоны кутшöмкö «ЧП»-лы?

И со ми караулынöсь нин. Стрелкөвöй ячейкаяс да окопьяссиянь неуна бöрынджык дзот. Сійö оз и тöдчы лым шапка улас. Сылөн амбразураясысь чурвидзöны кык «дегтярев», на дорын ноксьöны лыжник-пулемётчикьяс. Дзотас жö шойччöны и смена вылысь воём часөвöйяс да найö, кодьяс лөсьöдчöны мунны постьяс вылө. Но некод, дерт, оз узь, лөня варовитöны.

Вöлі вой шөр бöрын час, кор ме петі видзöдлыны, эз-ö вугыртны часөвöйяс. Ставыс лючки-ладнö. Но найö зэв нин гежöда сулалöны. Кутшöм эськö вöлі бур, вайөдöма кö татчö ставнас взводсö! Мөдөдчи постлань, коді вöлі ёна водзынджык.

А войыс! Сэзь, көдзыд, кодзувьяся, сөмын тöлысьтөм. Татшöм кадас эськö нывьяскөд колльөдчыны, дурны, бускысьлыны гөн кодь небыд лымйö, сэссия öта-мөдтö меліаліг, пыркөдчыны... Эк, олөм, олөм, кутшöм эськö тэ вöлін мича, не кö тайö войнаыс! Вунөдчи. Оз позь мөвпавны немтор йылысь: сэки кок улад дзуртö лым, шыыс кылö ылөдз. Ылісянь на и казяліс менö тайö төдса öпаснöй пост вылас сулалысь Бойцов.

Вои сы дінö, сувті орччөн. Шөпниті пеляс, мый регыд вежам.

Сэтшöм лөнъ, сэтшöм лөнъ! Пеляд тиньгö.

Ячейка водзын, метр кызь ылнаын, сулалöны гыртөм кустьяс, сэн жö көдзыдысла дзикөдз гегдөм коз

понольяс. Быттьо кынмөма-изоймитөма став ывлаыс. Некөн ловъя лов.

Но... мый тайо? Коді нейтральной полосаас? Ку-тшөмкө зверь? Кысь сийо сэтчө воис? А абу кө зверь?

Алексей инмөдчыліс ме дінө, но и ме ачым гөгөр-вои ставсө. Со усис өти куст вылысь гыөрыс. Тэрыба лөсьөді ракетница, тапниті Бойцовлы пельпомас.

«Та-та-та»,— эрыштчис сълөн автоматыс. Кустъясын кыліс кодлөнкө лөвтыштөм. И пыр жө войыс ловзис. Весъкыдвылын и шуйгавылын пондісны чушакывны лыжияс, кустъяс вылысь киссис гыөрыс. Со тыдовтчисны еджыд вуджөръяс: өти, мөд, коймөд, нельөд...

Енэжсө пискөдө турунвиж ракета. Бур эськө бөрынытчыны дзотлань, но вөрзыны ячейкаысь некор: колө биөн личкыны лымъяс еджыд мыгөръяссө.

— Алексей, дженьыд өчередьясөн!— горза Бойцовлы гранатаясө запалъяс сюялігмоз.— Тадзтө куимнан дисктө минутөн куштан!

Немецъяс оз нин дзебсясьны, заводитөны резны свинеч шерөн, шыблалөны кузь воропа гранатаяс. Став сертиыс төдчө: тайо абу разведчикъяслөн группа, а быдса рота. Лыйсигтырйи котөртам Бойцовкөд бөрлань, медым өтлаасьны группакөд, кодөн командуйтө Гена. Сыланьын яра эргөны «шпагинъяс», налысь гөлөссө кадысь кадө вевттылөны «дегтяревъяс», дугдывтөг потласьөны лимонкаяс.

— Зарубин!— воө пельөдз Геналөн гөлөсыс.

Траншеяө мян водзвылын бузгыльтчө-усьө ыджыд еджыд ёкмыль, сэсса мөд, но ми удитам водзджык пезьдөдны автоматъяснымөс. Котөртам немецъяслөн шойяс вывті... А со и Гена.

— Запасной позиция вылө петны сёр нин,— коса

шуис сійö.— Қымынкö боец сöмын удитісны пискöдчыны кытшалöм бöрас. Видзöй Бойцовкöд дзотсö бöрсяныс! Кытчöдз дзотыс лоö миян, повны нинöмысь.

Ми Бойцовкöд уськöдчим дзотö пыран öдзöслань. Но сійö жö здукас син водзын сявкнитіс виж биысь артмöм веер. Вежөрöдз воис на, мый тайö немецкöй гранаталөн взрыв.

...Палялі чорыда тракйöмысь. Син водзын Бойцовлөн векуштчöм чужöмыс. Первойсö эг гөгөрво, мый вöчсö, мый йылысь сійö висьталö, а кор гөгөрвои, то-павліс сьөлөмöй.

— Эи сөр! Кыдз нö сетід?— горöдсис менам.

— Ставөн пöгибнитісны. Менам кокъясöй оз уджавны, осколокъясыс, буракö, инмөмаöсь. А тэнö контузитіс. Эськö верми на да патронъясöй бырины.

Ме пыр жö веськөді синъясöс сэтчö, көні некымын немец кыскисны Генаöс. Сідзкö, волөмаöсь «языкла».

Пöшти накöд орччөн ратшмуні мина, мөд, коймөд. Тайö миян. Отсалöны. Немецъяс водыштлісны, но сэсся бара заводитісны кыскыны. Гена эз вөрзъыв: тыдалö, көрталөмаöсь.

— Сійö ловья?

— Ранитчис... Но водзсасис на. Көрталісны мырдөн,— вочавидзис Бойцов.

Миян миномётъяслөн мөд залпыс швачкис немецъяс бөрвилö. Көть эськö мед веськалісны! А кустъясыс орччөнöсь нин, регыд немецъяс саяласны. И сэки... «Вөтчыны, гашкö, öтнамлы? Йöйялөм: кыпöдчан траншеяысь — внасны. Кустъяс пөвстас, дерт, немецкöй автоматчикъяс. Мый вöчны? Мый вöчны?»

Бойцов быттö лыддьöма мөвпъясöс:

— Юра, дзотас пулемёт...

Здук мысти ме вöлі нин сэні, вештышті виöm лыж-

ник-пулемётчикос, пукті вель диск. Амбразураод аддзи, кыдзи тэрмасисны немецъяс. Да. Спаситны Генаос оз позь. Нуасны плено. Дерт, Геналысь вомто восьтыны налы оз удайтчы. Сэтшом нин сылөн оласногыс. Та йылысь ме зэв бура тоді. Но...

...Син водзо сувтіс миян разведчикъяслөн висьт. Немецъясон энотом землянка, кытысь найо пышйисны, но идравнысо немтор эз удитны. Пызан вылын сёян-юан, тыртот вина бутылкаяс, стенин офицерскöй шынельяс. Офицеръяс пиысь оти весиг вунодома ассыс пистолетсö. А неуна пыдынджык, пемыд пельосын красноармеец паськома морт шой. Сийос распинайтöма повьясысь вочом крест выло. Киясас да кокъясас тувьялом гырысь корт тувьяс улысь сөдзтысьö вир...

Пызан вылын — красноармейскöй книжка да комсомольскöй билет.

«А од Гена комсомолец жö,— визьнитіс менам юрын,— содтод взводса командир... Оз, оз удайтчы тиянлы, гадьяслы смекайтчыны менам друг вылын, кырнышъяс моз нетшкыны-кокавны сылысь том виряйсö...»

Прицельнöй рамкалөн прорезын тыдалысь мушка весьто воисны немецъяс. Ме лички спускөвöй крючок, и «дегтярев» мөдөдіс смерть вайысь лөдзьяс...

Ме аддзи, кыдзи оти бөрся мөд гылалісны немецъяс, найо заводитісны кыскыны волокушасö уймөн, а бөрьяясыс тойлалісны лызь бедьяснас. Ещö здук и волокуша немецъяскөд тшөтш вошас кустьяс сайö...

— Прөстит менö, воканöй... Прөстит... И ме вештышти «дегтяревлысь» мушкасö сылань, көні колөлоны Геналөн юрлы, морөслы...

Кустъяс пивсь воча сярöбтисны некымын немецкöй пулемёт. Сотыштис пельпомöс, веськыд кийö лёт-мунис-усис спускöвöй крючок вылысь... Но мем ставыснин вöли веськодь.

Синъяс водзö сувтис ныв. Сэтшöм тöдса чужöмыс: веськыд да дженьыдик, керыштöмкодь ныр, водзлань быйкнитчöм руд дивитысь синъяс, на весьтын зарни кодь венеч, кодöс вöчöма кöсаясысь... Мыйла нö сийö? Мыйла эз мöд, гимнастёркаа, звездаа берета, кирзöвöй сапöгъяса?

80956



ОГЛАВЛЕНИЕ

Зэр шы улын	3
Головяшкин	16
Бара аддзысисны	21
Абу өд быдөн өткодъ	33
Бойводзвывса вой (Зарубинлөн первой висът)	41
Бой (Зарубинлөн мөд висът)	49
Кадыс оз виччысь	75
Прөстит менө, воканө!	99

Александр Алексеевич Льюров

ПОВЕСТЬ О МОИХ ДРУЗЬЯХ

На коми языке

Художественное оформление С. Добрякова

Редактор С. Морозов

Техн. редактор А. Вишнева

Корректор А. Надуткина

Сдано в набор 11|1968 г. Подписано в печать 26|11-1968 г. Формат 70×108¹/₃₂.
Бум. № 2. 5,13 печ. л., 1,87 бум. л. (Уч.-изд. л. 4,85). Тираж 1700. Зак. № 406.
Цо0271. Цена 14 коп. Коми книжное издательство. Дом печати.

* * *

г. Сыктывкар, Республиканская типография Управления по печати
при Совете Министров Коми АССР.

14 коп.

КОМИ КНИЖНОЙ ИЗДАТЕЛЬСТВО 1968